



2127

A

66982
b7
2
CH 74

GV LIELMI
FABRICII
HILDANI CHIRVRGI
SELECTÆ OBSERVATIO-
nes Chirurgicæ quinque
& viginti.

Item,
DE GANGRÆNA ET SPHA-
CELO TRACTATVS
Methodicus.



EXCVDEBAT GABRIEL CARTIER.
c1o 1a xcviii.

GALLIEMI
FABRICII

FRIDERICI CHIRURGICI
SELECTA OBSERVATIO

nes Chirurgicae quaedam

et signa

primi

DE GYNGRANA ET SPHA

CELO TRACTATUS

Methodicus.



EXCVDENT GABRIEL GALLIEMI

et alii



GENEROSISSIMO
AC AMPLISSIMO VIRO,
HILDEBRANDO CROSANO:
Laufannensi Patritio: Domino à
Prilly & Cressy, &c.

Domino meo benignissimo, ac plurimum ob-
seruando, IOANNES RHETERIVS
salutem dico.



TI illius nostri ærumnas,
Vir Amplissime, censuerūt
amici clarissimi spisso quo-
dam è Theologia nostra o-
pere consolandas iuxtà ac nobilitan-
das. At ego segnioris naturâ ingenij,
iudicij per ætatem minùs excussi, ad-
eoque contracti ex malorum iliade
stuporis tacitè conscius, veritus item
pruritus suspicionem, diu steti ambi-
guus: quippe interim id amœnissimū

ad salutem lumen ex eorum maximè
sentètia affulgebat, quos spretos non
oportuit. Tandem excussi veterum,
& dedi me in viam, Christi auspiciis.
Succisuiis autem horis, cum relaxan-
di animi gratia frequens Fabricium
hunc nostrum inuiserem, (inuitabat
autem viri in arte Chironia eximij,
insignis non dico humanitas, at pie-
tas potiùs charitáque verè Christia-
na) fortè incidi in Observationum e-
ius quos premit còmentarios, in qui-
bus cum recens eaque nobilissima cu-
ratio Lustriacensis describenda esset,
adhibitum me voluit. Exin sollicitato
gustu, creuit amor in virum hunc &
operationes eius. Et cum Medicarum
Observationũ exempla rara studiose
perquiri audirem, quę sanè luculenta
apud præstátissimos neotericos quos-
dam mirari soleo existius dono, pla-
cuit ab instituto paulum deflectere
ad Pyladis mei Chirurgicas historias
siue

siue Observationes, adiuncta de Gangræna & Sphacelo eiusdem methodo pridem Germanicè, nuper autè Gallicè edita, & doctissimorum virorum calculis, vt audio, comprobata. Iste Observationes selegit ac disposuit: ego Latinè reddidi, vt potui, omnia: clarissimus demû ac præstantissimus Medicus D. Saracenus, rei arbiter dignissimus & auctori summus, recognouit ac recensuit. Iudicent qui possunt: ego harum artium rudis, ex auctoris celebri dignitate, & nominatissimi Regij Medici iudicio sat habeo rerum venerari pondus & momenta. De Observationum autem origine & usu in genere, si quæris, Vir Nobilissime & disciplinarum amatissime, dicam pingui Minerua & tâquam in transcurso quod sentio.

Cùm Deus & Natura, teste passim, Aristotele, nihil temerè faciant, hominibus tamè ignoratione causæ for

tuita multa putatur. Hinc in artibus
& cæteris quæcunque aliter euenire
possunt, dubia non pauca. Vnde Ari-
stoteles Ethic. Nicom. lib. 6. cap. 4. ait
fortunam & artem circa eadem qua-
dantenus versari: citatque Agatho-
nis veteris poëtæ versiculum,

Fortunã Ars diligit, Artẽmque Fortuna.

Ideo necesse habent quotquot cir-
ca τὰ ἐνδεχόμενα versantur, quales qui
Artem Medicam, aut Prudentiã Ci-
uilem tractant, per singula ire obser-
uando & annotando, vt quæcunque
vaga, fortuita, absurda & singularia
occurrunt, eadem collecta memoria
ad experientiam & conformationes
vniuersales reuocentur, & à fortunæ
ludicra opinione ad Naturalis, aut
Ciuis scientiæ principia & axioma-
ta tralata stabiliantur. Nam cùm viro
Medico tā dædaleus, tamque subinde
nouus appareat in corpore humano,
morbis interturbatibus, Naturæ fle-

xus: itémque, cùm vobis viris Politi-
cis rerum humanarum & ciuiliũ tam
varia & subitò mutans ac nutans fa-
cies obseruetur, dentúrque non pau-
ca, quibus híc Prudentiæ, illic Artis
principia infirmantur raritate & mi-
raculo, necesse est fugaces Dædali i-
magunculas eiusdem methodi vin-
culo sisti & colligari, qua notissima
iamdudum artium ac doctrinarum
principia etiamnum & habemus &
declaramus. Nempe docet Aristote-
les generali clausula librorum de De-
mōstratione, principia ista, eorúmque
habitus singularium inductione com-
parari per Naturæ facultatem ad sen-
silia criticam. Ex sensu memoria, in-
quit: tum ex eiusdem frequētata me-
moriam existit experientia. Complures
enim numero memoriæ vnā con-
stituunt experientiam. Quasi cùm in
prælio milites fugā capeffunt, si col-
lectis animis substitit vnus, deinde

alter, & sic deinceps alij, necesse est ad
fugæ principium deueniri, & sisti o-
mnes in cohortem: ita in animo, si il-
lorum quæ sensibus percipiuntur, fu-
ga reprimatur, & notionum non dif-
ferentium colligatur manus, vniuer-
salium ac principiorum fiet confor-
matio, ex qua demum scientificæ cu-
iusque disciplinæ Demōstrationes &
Complexiones. Quæ omnia quàm
multis obstructa sint difficultatibus,
quanto labore vestiganda & distin-
guenda, quibus & quàm paucis per-
specta ingeniis, commendata accura-
tissima methodo, diuinè Plato in E-
pistola ad Dionis propinquos & fa-
miliares. Sic audio & lectitando ipse
agnosco, Cum illum in re Medica
facile principem cum alibi, tum Epi-
demiorum libris exquisitè annotasse
quæcunque rara in visendis ægrotis
deprehenderet siue in morbis, siue in
pharmacorū natura & vsu: vnde tam

eximia


eximia in eo viro Naturalium & Medicarum notionum, axiomatum & theorematum conformatio, vnà cum Therapeutices tutissima peritia.

Nec aliter prudentes viri in Rep. administranda se comparant ad deliberationes & decreta plerunque summè ardua, cum ab æuo primo ad suū vsque deuoluuntur per nobilissimas historias & distinctas temporū epochas, obseruatis quoque prudentum hominum in rebus gerendis, aut iure dicundo scitis placitisque: sicque ex præteritis futura consulti respondent, multiplici videlicet rerum vsu & doctrina edocti.

Id accurat in Chirurgica Sparta noster hic: cuius cum Observationū specimen ex eius dono meum, edi placeret, non potui non tibi *προσφωρῆν*, Vir Nobilissime, hac qualicunque opella nostra, tum quòd vtriusque nostrū amantissimus es, & tua humanitate

familiaris, tum ob eā qua tu me præ-
ter alios semper prosequutus es, beni-
gnitatē tuo dignam genere, tua am-
plitudine: iam inde à Prilliacensi in-
auguratione illa in Ministerium Ec-
clesiasticum, cuius domesticum mo-
nimentum manuscriptū quod habes
à me, ludicrum licet & iuvenile nimis,
huc transferri fecit quotidiana penè
Fabricij nostri flagitatio, quò magis
magisq; gratus erga te animus, si quā
potest, innotescat. Vale, Vir No-
bilissime, méque cum optimis tuis ci-
uibus amare perge. E Musæo no-
stro, Nonis April. 1598.

XENIVM




XENIVM INEVNTE

ANNO 1593.

Coniugio stabili coeunt insignia gentis
CROSANAE & GRANDIS, *misto virtutis amore.*





משל

מן התבה נח יונה מכסף
נסא עליהוית שהורה:
בלבנות לבבה היא אוראה
בית וגוי קרונוס אבות לאסף:
כוכבי מאמו וקורה
זהר בשמים לה גורה:
ארצה חבצלת שמו החשף:

ראה טהר

ΕΙΔΟΣ





Εἰδὸς μονοτροφικόν

καὶ δυωδεκάδας.

Δυωδεκάς α΄.

Εἴκγονον ἀνδρ' εἰκυδέων
ἐξ ἀρετῶν νέος ὕμνος
εὐφρανεῖ, θεῖαν γλυέθλαν·
δὸς ᾗ νέῳ ὄνταυ-
τῶ μοι νέον δῶρον, θεῶ,
Πιερίηθεν ἴδ' αἶ-
δοισ' εὐθύπορον μέλος αἰδοίῳ γλῆει,
τοῦ πυκνὰ χάρεις, δυνάμεις τ' ἀφένιοι
εἵνεκα, καὶ θείας.
ἄστροις μὲν ἀπ' ἡνίοχ' ἔδραι
σίλβοντι φῶλός παρθένην
πρώτῃ συνένω.

Δυωδεκάς β΄.

ἂ πόρεν οἱ μέγαν ὄλβον,
κλαρονόμον γεγραφεῖν αἶ-
τέκνος· εὐδόξω τ' ἀνέψι-
α φίλος ἴδ' ἔφυ·
ἐπεὶ μόνος προῖκ' ὤπασε
δαρὸν, ὅπως νόθον εἶρ-
γοι εὐγλυέος κεφαλῆς θείας ἀπο.
ἂ δ' ἄρ' ἐπὶ θεῇ συγλυεῖ ὧ ὑπέροπλον
μναμόσμων χάρεις,
πλεῖστον, μέγιστον δῶρον, ἐν-
δόξου γλῆες σήλαν βροτῶν,
μοῖρα δαμείει.

Δωδεκάς γ'.

ὥς ὃ πάλαι λόγος ἀνθρώ-
πων, τέλει σμῦρον ἐσλόν
μὴ χαμάϊ σιγᾷ καλύψαι,
μᾶμα πείνόν ἔθνη
ἄμφοϊν, θαπλὸν ποικίλοις
σίγμασιν, ἐν κορυφαῖς
καλῶν μεγάρων, ἵνα καρπούς ἀφ' θόνας
ἀγρῶν ἀμπελῶν τε γεωργὸς ἀνακτῇ
ἐνθα καὶ ἐνθα νέμει.
κεδνὰς θ' ὁμοίως νιῶ ποτᾶ-
ται σᾶμα κλεινὸν συζύγου
ἄλλας δ' ἀμαρτῶς.

Δωδεκάς δ'.


σίμματι δὲ ἀγλαὸς ἦρως
τᾶν ἀρετᾶν, πατρὸς οἶο
σᾶμα πάλλευκον πελείαν
σεμνοπρεπῆς ἀφελεί-
ας εἶδος αἰπεῖ ἔρανῳ
διοτρεφὴς ἔλαχεν.
λάμπει δὲ ἄμα μαλῆρος ἀστὴρ
δοιοῖς, χρυσέα δοκίδι σιβαρόν ε-
ρεισμα δόμων σινέχων.
ἀνθεῖ χ' ὑπαὶ λευκὸν ῥόδον
ὀδμᾶν ὀπάζον δώμασιν
ὄλβῳ θεόρῳ.

EPIGRAMMA.

Coniuge leta suo coniunx, sobrina sobrini
Officiis, poterant viuere: Parca vetat.
Idem haeres utrique, nouam cum prole iugalem
Nunc retinens, memori signat opes animo.
Hinc quæ Prilliaca surgunt insignia villa,
Foemineum gaudent tollere ad astra decus.
Queis adpicta micat puro candore columba:
Cum stellis tignum, cum niueæque rosa.
Illud stemma patris: maternum hoc: nobile utrūque,
Nobile, & antiqua simplicitate pium.
Candida si genitrix, genitor tibi candidus, ecce,
Quid te, YSBRADE, queam dicere candidius?



EMBLEMA.



Græcè.

Πρὸς σκολιῶν σκίπωνι δράκων πύκα ἵσταται ἔνθα,
 Ἐνθα δ' ἀλεκτόειος μαργαεΐτης ὁ μέσος.
 Αἰ γὰρ σωτήριον παρὴν νόος ἰητῆρος
 Ὁρθὸς, καὶ σκοπὴ, δ' ὕγιες ἐκφύεται.

Latinè.

*Nodoso in baculo prudens hinc prominet anguis,
 Inde vigil cantans: unio stat medius.
 Quippe agro si adsit Medici prudentia docti,
 Excubiaq, nitens tum valetudo subit.*

GVLIEL-



GVLIELMI
FABRICII
HILDANI CHIRVRGI
SELECTÆ OBSERVATIONES
Chirurgicæ quinque
& viginti.

OBSERVATIO I.

*Ficus cancrusus in oculi dextri orbita, cum grauissi-
mis capitis symptomatis, feliciter
extirpatus.*



ANNO Domini 1596. Calendis Lustria op-
pidulum
procul
Lausanna
ciuitate
duo circi-
ter millia
ria, ad
marginē
Lemani. Augusti acciuit me Lausanna Lu-
stria Generosus Claudius Lu-
striaeus, eius loci & totius Vallis
propriè sic dictæ Maior: quoniam
diro & funesto morbo conflictabatur. Is fuit tu-
mor prominens, scirrhusus, in cancrum degene-
rans, cum symptomatis internis & externis lon-
gè grauissimis.

Hic cum à natura, tum à variis morbis, febri-
bus, casibus, luxationibus, fracturis, &c. haud
parum fuit catarrhis obnoxius: maximè cum ac-
cederet moris patrij victus largior cum amicis
& hospitibus, in quos fuit perpetuè liberalissi-

*Morbi
inimicus.*

*Observa-
tio.*

*Eiusdem
rei altera
observa-
tio.*

mus. Itaque anno 1580. cū fuisset hyems humida & clemens, haud dubiè corporis vniuersi partes oppletæ sunt humoribus excrementitiis, qui à iocinoris calore sursum ac imprimis ad caput sublati, cœperunt diuexare hominē. Ineunte enim anno 1581. circa Februarij finem æger correptus est hemicrania ad dextrum latus, & frustra adhibitus multum diūque medicus: siquidē humor capite conclusus, euacuationis quæsita via, impetum fecit in oculū dextrum. Hinc vehementissimus dolor & inflammatio. Et sic superiora symptomata, dolor capitis, febris, inquietudo, vomitus, lipothymia, aucta sunt potius quàm imminuta. Nec, vt aiebat æger, præsiidiis, reuulsione, deriuationēue vlla potuit sisti humoris affluxus: quinimò congestio tanta facta est, vt tandem erosa sit vel potius putrefacta oculi membrana prima, coniunctina dicta. Hic verò breui eaque necessaria digressionē anno- tandum, supra decem hebdomadas non solum dolorem adfuisse grauissimū, sed & cerebri motum attrectanti perceptum fuisse, quā sagittalis & coronalis futuræ concurrunt: auditos etiam sonitus & cranij crepitationem quandam, quasi lignū finderetur. Id ego tū accidisse autumo, quom cranij futuræ ob dolorem, inflammationem & copiosum in cerebro humorem disiectæ sunt: & verum fuisse mihi persuadeo, cū ex amplissimi viri ægroti relatu, & generosi Gabrielis à Blon- Baionis à Chattelart, &c. eius generi aliuduo præsentis, tum quod ipse tale quid obseruārim in viro honestissimo apud nostrates Germanos inferiores. Hic ex grauissimo morbo & febrī

& febris ardente, cum dolore capitis acutissimo, habuit suturas adeò disiunctas, ut per interstitiū illud cerebri systole & diastole faciliè deprehenderetur. Vbi via facta est ad coniunctinā, longo tēpore exstillavit copiosus humor: tūnque primum & dolores & reliqua symptomata mitigari cœperunt. Vrgentibus doloribus adhibitus erat ceruici setaceus funiculus, sed eum ut nimis incommodum post 15 dies detrahi iussit. Clauso vulnere impressum est ibidem potentiale cauterium: sed & hoc vlcus, ceu nimis dolorificum, claudendum fuit. His frustra tentatis optavit æger humori morbifico dari exitum excitato vlcere in dextro brachio, beneficio potētialis cauterij. Tūn demum partim ob febrim antè dictam, quæ plerosque humores superfluos absumperat, ipsūque adeò corpus exsiccârat atque extenuârat, partim propter euacuationes subinde iteratas, partim denique quòd cauterium ita ad brachium applicatum fluxionem auerteret, oculus cœpit arescere. Et quoniā tres oculi humores, ruptis coniunctina & cornea membranis, effluxerant, sensim etiam concidēre & contractæ sunt ipsę membranę: atque ita oculus, perdita naturali magnitudine & rotunditate, simul quoque in imam orbitam contractus est, & coëuntibus palpebris clausus ab anno 81 ad 95 citra symptoma vllum, nisi quòd singulis annis subinde recurrebāt & defluxus & capitis dolor.

Anno demum 95 cū in diætā modū non seruasset, rediit capitis & oculi dolor, priore tamen leuior: ideo fortean, quia membranę & reliquę oculi partes etiamnum dilatatę erant, vnde po-

Hippocr.
Aph. lib.
2. Aph.
51.

terat humor sine vi influere. Etenim *qua sensim sunt mutationes*, parum dolorifica sunt. Sic igitur affluente magis magisque humore in capacitatem coniunctinæ propriis humoribus destitutæ & contractæ, ipsa paulatim intumuit. Tùm verò palpebræ quindecim annis clausæ denuo aperte sunt, & oculus adeò intumuit, vt post semestre palpebras superaret, sparsis per totum oculum venarum ramis liuidis, crasso, adusto & melancholico sanguine turgentibus. Tùm eger, ingrauescentibus in dies & morbo & symptomatibus, vndelibet præsidia conquirere cœpit: inter quæ adhibitum fuit medicamentum, quod adeò irritauit morbum, vt subito accreuerit oculus plurimùm. Exin, vt initio dictum, vocatus sum ab ægro Lustriam in eius ædes. Laborabat ille hemicrania ad dextrum latus: oculus ouo anserino maior extra palpebras prominebat, durus, scirrhusus, liuidus & canerosus: aderat magna oculi & vicinarum partium inflammatio: præter capitis dolorem, oculi quoque dolor acutissimè pungens, in parte exteriori potissimùm, hominem malè habebat. Quòd si quis miretur, quomodo ex tumore duro & scirrhuso tantus dolor excitatus fuerit, in piòtu sunt causæ. Primùm enim tunc formabatur cancer, fiebatque humor corrosius & acris, ac proin vellicans & calefaciens vicinas partes. Deinde inualescète morbo violentius humor irruebat in coniunctinam, quæ est exquisito sensu prædita. Doloris verò in extima parte vt plurimùm grauioris quàm in intima causa fuit ossiculum quadratum & vndique scabrosum, quod interiùs ad coniunctinam latens

latens (vtri ab operatione compertum) eam perpetuò prenebat ac pungebat. Accessit & febris, itémque sitis, lipothymia & vomitus. His ego symptomatis cœpi statim occurrere. Itaq; post præscriptam legitimâ victus rationem, sub vespere iussi leniētem clysterem iniici. Postridie purgatum fuit corpus sumtis duabus vnciis syrupi rosacei laxatiui cum rhabarbaro, agarico & senna infusis & decoctis in aqua betonicæ, agrimonix & euphrasix. Sequentibus diebus propinatum fuit Iulapium sequens:

℞. Aquarum borraginis,
Acetosæ &
Betonicæ, ana ℥ij.
Syrupi de succo citriorum &
Granatorum, ana ℥ij.

Misce pro tribus dosibus.

A purgatione secta fuit vena cephalica respōdens parti affectæ, & missus sanguis ad vncias circiter sex. Paucis post diebus admoui hirudines venis iugularibus sub aurem ad idem latus, necnon & scapulis cucurbitulas modò siccas, modò cum scarificatione. Pedes laui decocto herbarum calidarum, roris marini, saluix, maioranæ, origani, menthæ, cum sale &c. Suadebātur & frictiones: sed cū his incalescat sanguis, subtilisque, calidus & erodens euadat, censui abstinendum, contentus memoratis reuulsionibus: maximè cū æger lubens iteraturus esset sæpius superiorem purgationem per syrupū rosaceum compositum & similia, quibus peccantem humorem subduxi. Ita mitigata imminutq; sunt paulatim symptomata. Statim etiam partem af-

festam abluī gossypio imbuto stillatitia quadam
aqua, quæ multum potest aduersus cuiuscunque
partis cancrum. Eius hæc est forma:

*Eximia
destillatio
contra cā-
erum.*

℥. Radicum scrophulariæ maioris,
herbarum geranij primi Dioscoridis, hoc est,
herbæ Roberti, ana M. ij.
arnoglossæ maioris,
solani,
buglossæ syluestris,
borraginis,
portulacæ,
euphrasiæ,
betonicæ, ana M. j.
ranarum aquatiliū &
album. ouorum diu agitatorum, ana nu. 2.
seminis cydoniorum & scenigræci aliquantum
conquassatorum, ana ℥ j. His seminibus
affunde aquarum rosarum &
euphrasiæ, ana lb. j.

Incidentur omnia & conquassentur, destillen-
tūrque in alembico plumbeo.

Et quoniam ingens fuit affluxus, præter reuul-
siones admoui fronti sequēs vnguentum ad flu-
xionem intercipiendam:

℥. Farinæ hordei ℥ ij.
pulueris rosarum rubearum,
myrtillorum,
balaustiorum,
nucum cupressi &
florum betonicæ, ana ℥ ij.
acaciæ ℥ j.

Cum oleo rosato, pauca cera & aceto, fiat
vnguentum.

Hoc

Hoc defensivum adhibui tribus vel quatuor diebus, ad sistendum fluxionis impetum: dein supersedi, ne plus satis refrigeraretur caput. Hac methodo sedavi ad tempus tum capitis, tum ulceris dolores acutissimos, ceteraque symptomata, crescente nihilominus in diestumore.

Aliquantò post rogatus sum ab ægro uti sibi fulissimè morbi naturam declararem, liberèque aperirem quæ præviderem pericula omnia, ac simul quæcunque ad sanitatem optima viderentur præsidia proponerem. Tùm ego coram clarissimo Alberto Roscio D. M. Lausannæ commorante, in ædibus Claudij Marionis fidelissimi ac diligentissimi pharmacopœi & civis Lausannensis, ita disserui. Generose Domine, siquidè adeo exoptas & iubes coràm declarari quæ ad morbum tuum attinēt, etsi præter medicorum institutum, in consultationibus id sum factururus, dicā tamen liberè & coràm quæ sentio. Ad quemvis morbum tollendum, caput est nosse ipsum morbum. Tuus, *Definitio morbi in hoc ægro.* iste ab essentia definitus, nihil aliud est, quam scirrhus illegitimus, seu potius cancrusus: quippe qui desinit in cancrum occultum & latētem, hoc est, non exulceratum. At ex figura Celsus, *Cels. lib. 6.* πρόπιον, vel cum Latinis, exitum oculi nominat. Actuarius μῆλον, id est, malum vocat. Ego à figura Ficum, ab essentia scirrhosum & cancrusum cognomino. Scirrhus propriè medicis dictus, est tumor durus & indolens, qualis hic ante annos aliquot. Verùm postea humor coniunctina membrana conclusus & ita quasi conculcatus, ut nulla potuerit fieri trāsspiratio, tandem accensus est & acrior atque malignior redditus:

ficque formatus est scirrhus illegitimus, seu potius cancrusus. Hoc indicant non modò durities, inæqualitas, dolor, color liuidus, seu potius plumbeus, sed maximè venæ crassiores toto tumore sparsæ, atro sanguine, adusto & melancholico turgentes. Et quanuis nondum exulceratus sit tumor, periculum est tamē, ne temporis progressu sanguis & humores melancholici accensi tantum malitiæ attrahant in locum affectum, vt tandem (proh dolor!) exesa cute fiat cancer ulceratus, aduersus quem medicamentis frustra pugnetur.

Causa morbi. Primitiua.

Huius & similium morborum causa triplex: Primitiua, antecedens, coniuncta. Primitiua medicis est exterior, posita in victus ratione aliisque non naturalibus, aëre, motu & quiete, somno & vigilia, animi pathematis, excretis & retentis. Plerunque enim si supprimantur solitæ euacuationes, vt mensium & hemorrhoidum, fit magna congestio humoris melancholici: vnde hic morbus. Nascitur etiam ex vulneribus, contusionibus, fracturis: imprimis verò erysipelate & inflammationibus perperam curatis: cum scilicet ipsarum materia frigidiorum applicatione in duritiem cōcreseit: aut cum solis calidis, non etiam emollientibus, tenuior portio dissoluitur, crassiore subsistente.

Antecedens.

Antecedens causa est humor melancholicus, item splenis imbecillitas, qua fit vt ex officio sub sanguinis portionem sæculentam ex iecore non alliciat. Huc quoque plurimum facit ipsa iecoris constitutio, siue id naturâ proclive est ad generandam atræ bilis copiam, siue nimis calidum

dum & biliosum, vnde coquatur nimis & aduratur sanguis, necnon & alij humores. Coniuncta causa est, humor in locū affectum congestus. *Coniuncta.* Tres istæ causæ hīc concurrunt. Nam cū generosus Dominus habitu sit non mediocriter bilioso, bilis assiduū præbuit materiam humori melācholico: siquidem cholericus humor summa adustione tandem etiam vertitur in atram bilem. Adde victus rationē, in qua haud parum peccavit Dominus, largiū potans, vtēsq; cibariis crudis & concoctu difficilibus, itēque aromatis, cæpis, alliis, porris, raphanis, &c. Huiusmodi primitiuarum causarum cōcursu excitata & corroborata est antecedens: inde humor ille qui ab anno 81. supererat ex inflammatione indurata in oculi membranis, data occasione accreuit. Cumque superflui humores ferē influant in locum affectum, natura sese, quantum potuit, exoneravit in eum locum. Hinc coniuncta causa in istam quam videmus magnitudinem aucta est: & perget, inquā, nisi occurratur iis quæ infra proponemus auxiliis.

Quoad signa: tametsi initio canceri sicut herbe *Signa cā-* germinantes difficilē cognoscūtur, authore Ga- *cri.* leno, nihilominus tumor iste sat liquidō intelli- *Galen.* gitur canerosus, contra eos qui merum esse scir- *Meth.* rhum apud generosum Dominum contend- *med. lib.* runt. Canceri cognoscuntur eo, quod sint præ- *14.* duri, inæquales, liuidi, sparsis circa tumorem crassioribus venis, atro sanguine turgentibus.

Sæpe etiam adest intemperies calida, siue calor & inflammatio cum dolore pungēte & pruriēte. Si fuerit exulceratus cancer, exit subtilis

*Pregno-
fica.*

& foetida sanies. Ista autē hīc visuntur pleraque omnia. Non quidem peruenit cancer ad summā malitiam, sed ad eam properat, breui peruenturus. Aduſtus enim ſanguis loco affecto incluſus tandem contrahet (& iam cœpit) malignitatem tantam, vt quæ haſtenus mirè operata ſunt præſidia ſedandis doloribus, reprimendo morbo & minuēdis ſymptomatis omnibus, demū infirma futura ſint ad reprimendum morbum & prohibendū ne exulceretur & occupet reliquas faciei partes, ſicquæ fiat *Noli me tangere*, hoc eſt vlcus cancroſum in facie perquàm malignum & immedicabile, aſſidud erodens imas partes affectas, nec ſiſti pote, vt monet Aëtius.

*Aëtius
lib. 6.*

Curatio.

Nunc de curatione. Hæc perfici ſolet tribus potiſſimū: victus ratione, euacuatione humoris antecedentis, & Chirurgicis auxiliis. Victus & cæterorum non naturalium quæ ſit ratio iam ſepe ex me audiuit Dominus: vitanda nimirum eſculenta dura, vaporoſa, & quæ facilè corrumpuntur: cuiuſmodi ſunt carnes ſale aut fumo inueteratæ, bubula, ſuilla, ferina & ſimiles: itē aues aquaticæ. Vtendum bona veruecina, vitulina, hœdina, pullis, capis, perdicibus, turdis &c. Piſcibus abſtinendum, niſi fortè, vt nōnihil appetitui indulgeatur, iis vti liceat ſub initiū prandij, nō in cœna, idque adiectis paucis aliis cibis. Sint autē piſces carne firma præditi, veluti perçæ, truttæ, &c. In aquatilibus optimi ſunt gāmari ſine aromatis. Aromata enim omnia vitanda, piper, zingiber, garyophylli &c. item cæpe, porrū, allia, raphani, ſinapi, & quæcunque vim habēt calefaciēdi nimis ſanguinē: legumina, fabæ, lenticulæ,

ticulę, pisa, phasioli, &c. plurimū nocēt: itē caseus, & quęvis lactaria opera. Vespertina iuscula potissimū noxia: vinū itē vaporosum. Bibendū autē album, maturum & modicē potēs. Diuturnus somnus, potissimū statim à cœna, noxius: aër itē nimis calidus, aut sūmē frigidus vitādus.

Secundā sanationis partem diximus positā in euacuando humore antecedente: quod ubi fiet, spectāda erit Domini habitudo biliosa, & intēperies calida, cum obstructione iecoris: idēq; purgandū cholagogis, habita tamē partis affectę ratione. Quē in vsum mirē placet syrupus rosaceus cōpositus cū rhabarbaro, agarico & fenna, quo sæpe vsum est eger, cū decocto betonicę, euphrasie, agrimonie &c. Salubriter etiam vsum est prescripto à me diaphœnico in tabellis, & electuario de succo rosarū. At ex Hippocrate ante purgationē preparandus est & coquēdus humor apozematis aperientibus, qualia poterit prescribere DD. Roscius. Phlebotomia, cucurbitulę & hirudines sæpe vtilis, imò necessarię ad hūc morbum, tum vt euacues minuāsque causam antecedentem, humorē videlicet melancholicū, tum vt derives à loco affecto. Opportunum his verum tempus, authore Hippocrate. *Quibuscunque, inquit, vena sectio, vel medicatio conuenit, hos vere purgare, vel vena secta vacuare oportet.* Hippocr. Aph. lib. 6. Aph. 22. Apertiēda vena brachij ad latus partis affectę: cucurbitę scapulis & clunib⁹ applicandę. Hirudines applicētur, quo modo iā applicuimus magno Domini bono, modò sub aures ad iugulares venas, modò ad hēmorrhoidas ano, prout medico videbitur, idq; vrgente demū necessitate. Tū verò

sensim emittendus sanguis propter malè cōstitutū iecur, quod cū sit iamdudū debile, scirrhum & obstructū, dubiū non est quin nimia aut importuna phlebotomia plurimū sit nocitura.

*Curatio
Palliati-
ua.*

Tertia & postrema tollendi morbi ratio posita est in operatione chirurgica, in curando videlicet loco affecto. Porro huius morbi sanatio chirurgica duplex est: Vna palliativa seu fucata: Altera vera. Palliativa est, quam hactenus adhibuimus & cōmodo victu, & purgato sæpe corpore ad deducendum humorem, siue causam morbi antecedentem, atque etiam inhibendo eius impetū exterioribus applicationibus, quolibus hucusque sumus vsi. Sed cū hæc curatio tandem futura sit inualida ad reprimendā morbi vehementiam, & perfectè sanandum ægrum, operæpretium fuerit proponere veram & legitimam sanationem.

*Meth.
med. lib.
13. & 14.*

Cū igitur legitima sanatio tumoris præter naturam, authore Galeno, fiat extrahendo tollendoque quicquid adest in parte affecta: videndum quot modis tolli possit tumor siue excrescentia ista, & quæ tollendi tutissima ratio. Iam antè ex me audit Dominus, id faciendum vel resoluentibus, vel erodentibus pharmacis, aut ipsa manu. Quoad resoluētia, cū tumor sit durissimus, credibile est nullo resolutum iri medicamento, nisi prius emolliatur. At verò præterquam quòd huiusmodi prædura materia tamdiu (quindecim videlicet annis) congesta emolli nequit, periculum est, ne ex isto emollientium vsu tumor subito contrahat summam malignitiam, vti testatur Galenus, & nos in tractatu

*Author
tract. de
gang. c. 3.*

de

de Gangræna confirmavimus, exemplo scirrhii in iocinore inueterati. Hic enim adhibitis emollientibus, statim versus est in cancrum exulceratum, ex quo mors. Ex hac ergo methodo nil sperandum. Erodentia verò mihi perquam periculosa censentur. Nam cum prominēs hic tumor sit durissimus, credibile est benigna medicamēta irrita futura: quin potius, ut summa durities adest, sic vehemens requiritur medicatio, cuiusmodi est quæ vi septicorum & escharoticorum fieri solet. At verò ut lenibus non afficitur cancer, sequissimum malum, sic irritatur & ingrauescit vel tantillū acribus & vellicantibus, ut antè expertus est æger. Porro cum pars affecta sit cerebro proxima, oculus videlicet, in quem, ut radicitus tollatur morbus, penetrandū est altiūs ad neruum opticum erodētibus pharmacis, haud dubiè illorum vis communicabitur membranis cerebri, vnde maxima & periculossima exorietur inflammatio: siquidem magna intercedit sympathia & necessitudo inter oculi tunicas & capitis, ut infrà liquebit ex oculi anatome. Ergo ne sic quidem sanari potest æger.

Superest quam diximus chirurgica operatio, ut simul & semel extirpetur quicquid vitiosum est. Hæc autem omnium minimè periculosa, meo quidem iudicio. Primū, quia solidè coniicio me facilè posse radicitus malum extrahere, quantumvis altè latens in oculi orbita, nempe ad ipsum vsque opticum neruum, cuius & pars amputanda. Deinde, quia venarum & arteriarū vasa ibi tenuia sunt & quasi capillaria: idcōque

nullum hæmorrhagiæ periculum. Denique licet
 altius incidendi sint nerui opticus & qui secunda
 coniugationis est, nullum tamen periculum: si-
 quidem neruis perfectè incisis in obliquum, eo-
 rum extremitas contrahitur, ipsi que integuntur
 carne, sic que desinit illorum functio, nec ab aëre
 aut medicamentis lædi possunt. Vnum hoc ti-
 mendum, ne cum ægri corpus iam dudum caco-
 chymum sit, ac ætate iam proecltore, ad annū
 videlicet accedēs quinquagesimum sextū, faci-
 le accendatur intemperies in partibus intimis,
 simulque excitentur febris, capitis dolor, aliæq;
 id genus symptomata. His vt occurrā, laudabili
 victu vtendū, purgationes vsurpādē, secāda ve-
 na, applicādē cucurbitulæ, & cæterę reuulsionū
 ac deriuationū species: sic que tuta erunt omnia,
 si modò benedixerit Deus Opt. Max. cui pro
 generoso Domino vota nuncupamus.

His auditis, partim quòd exhorresceret æger,
 partim quòd dissuaderēt nōnulli, absurdè & im-
 peritè spem facientes fore, vt quicquid ex oculo
 prominebat sponte excideret, visum est pergere
 in curatione palliativa. Hac verò etsi sedabātur
 dolores, nihilominus tamen excresebat fungus
 in dies. Nascebātur quoque tubercula & varices
 liuidæ ad pisi magnitudinem, merum quandoq;
 sanguinē emittentes. Eiusmodi hæmorrhagiam
 etsi probabant nōnulli, vt quæ ægrum & partem
 affectā leuatura videretur, ego contrā constāter
 affirmavi ita indies magis magisq; debilitatū &
 refrigeratū iri iecur iā pridem obstructū, durum
 & scirrhosum, ac tandem illectum iri sanguinem
 aliósq; humores ad caput & faciē: vti sanè acci-
 dit

dit 13. Iulij. Reuerso enim generoso Domino à breui peregrinatione, ex qua incaluerat ei caput, itémq; corpus vniuersum, tubercula illa & varices oculi cœperunt sanguinē profundere tanto impetu, vt 13. & 14. diebus eius mensis impletæ sint sanguine scutellæ septē, præter eū qui periit in linteis, spōgiis, vestibus &c. Singularū scutellarum sanguis à me appensus præsentibus g. Dn. ægroto, Nicolao Gantino, Frâcisco Croserano, & Ioâne Glaronio, fuit vnciarum decē & semis: quod quidem tam verū est, quàm dictu mirabile. Paulò pōst æger impensè debilis, imminēte altero profluvio me accersuit eiusdē mensis die 15. Cum primū aduenio, fasciā qua malum cōtegebatur resoluo: tūc cœpit sanguis lōgè maiore quàm vnquam antea impetu promanare: id quod, nisi fuisset testis oculatus, ægrè credidisset, quū sint oculi venæ ferè omnes capillorum instar exiles: sed hæc cōtrā in hoc bono viro varicū instar dilatatę cōspiciebātur. Attamē insperato puluere nostro sanguinis sistendi vi prædito, cuius descriptio habetur in libelli nostri de Gāgræna cap. x v. illicò suppressus ita est sanguis, vt deinceps non nisi parcissimus fluxerit. Ab hoc profluvio declinantibus sensim viribus, & excrescente indies oculo, non nisi miserrima eaque propinqua mors expectabatur, cū tandem generosi viri, Baro à Chattelart & Dominus à Denizy eius generi, cū aliis nobilibus & honestissimis amicis statuerunt aduocandos eruditissimos & peritissimos quosq; medicos & chirurgos, quorum deliberationi & sententię sese æger subiiceret. Annuente ægro accitur Geneva cla-

*Observa-
tio infi-
gni.*

rissimus ac doctissimus Ianus Antonius Saracenus M.D. & Philosophus eximius: Lausanna itē doctissimus DD. Albertus Roscius, senex experientissimus. His me tertium adiunxit æger beneuolus, vt si opus esset chirurgica operatione, hanc ego perficerem. Die Iulij 28. inita consultatione, proposui quæ infrà suo loco. Verùm hîc mihi digrediendum in eos, qui spem adeoque fiduciam ægro faciebant fore, vt totus oculus ex orbita sponte decideret, allatis imperitè & stolidè exemplis, quibus persuasus æger operationem tam diu differri voluit: vnde morbus deterior euasit, in dies noua subinde creans symptomata, imprimis autem profusum illud & mirabile sanguinis profluuium, extenuationem maximam, iocinoris refrigerationem, &c. Vt autem demonstramus nō posse oculū suo pte impetu decidere: item, vt confirmentur quæ paulò pōst sumus allaturi, consideranda est oculi compositio & connexio, quam breuis & synoptica eius expediet anatome: tūc deinde quā falso vulgus oculum ex sua orbita excidere posse sibi persuadeat, docebimus.

Oculi anatome.

Musculi.

Oculus constat musculis, tunicis, humoribus, neruis, venis, arteriis, pinguedine & glandulis. Musculi sunt sex: quorum quatuor perficiunt motus rectos, ab ima orbita oriundi & cincto neruo optico in medium oculum desinentes. Hi dum functionem simul omnes exercent, introrsum trahunt oculum: si superior solus agit, sursum: si inferior, deorsum: si dexter, dextrorsum: si sinister, sinistrorsum trahit oculum. Reliqui duo ipsum circumagunt: vnde præstantissimo

Bauhino

Bauhino Circumactores dicti. Horum vnus lō- *Cass. Bauh. A- nat. hist. cap. de musc. oculi.*
 gior & gracilior, oritur fere ex eodem loco ex quo ille qui dextrorsum flectit oculum, ad maiorem videlicet canthum, & postquam peruenit ad anteriorem anguli intimi partem, quā lacrymalis eminet glandula, tūc desinit in tenuissimum tendonem, qui per mediam quæ illic est membranam, velut per annulum, penetrat: hinc in superiorem oculi partem absumitur. Quintus hic musculus dum cōtrahitur ad principium suū tendone circulari, eo motu torquet oculum ad canthum maiorem. Sextus illi contrarius oritur ab inferiore orbitę parte: & cū sit tenuissimus, transuersim ascendit ad angulum exteriorem, oculūque ita transuersim inuoluit, vt exiguo tendine ipsi inseratur iuxta quinti insertionem. Hinc fit, vt duo tendones sæpe videantur vnus. Hic solet oculum extrorsum flectere ad minorem canthum. Est & nonnullis septimus musculus in ima orbita infra sex illos, opticum neruum ambiens: sed hic in solis brutis reperitur.

Tunicas numerant alij quinque, septem alij. *Tunica seu membrana.*
 Ego quod Anatomicis magis receptum sequutus, quinque statuo.

Prima est coniunctina siue adnata, Epiphephy- *1. Coniunctina.*
 cos hymen Græcis, à pericranio orta: hæc astrin- git & stabilit oculum in orbita, ideoque eum totum integit vsque ad circulum Iridem, & totum oculi album constituit.

Secunda cornea dicitur, cuius origo proximè *2. Cornea.*
 à dura matre, laternæ corneæ instar pellucida: differt hæc & variat à se ipsa: siquidem anteriùs est perspicua, vt præbeat rebus obiectis transi-

tum: posteriore parte opaca est. Qui septem putant, duplicem hanc faciunt: partem quidē diaphanam, corneam: reliquam partem *σκληρωτική* siue duram nuncupantes. Mihi vna & simplex esse videtur.

3. *Vuea.*

Tertia est Vuea siue choroides, intertexta venis & arteriis instar secundarum muliebrium. Oritur à pia matre: totum oculum ambit, excepta pupilla, in qua est perforata, & corneæ adheret per venas & arterias, quas nutritionis & vitæ causâ illi communicat. Vbi ad Iridem peruenit, relictâ cornea descendit intrinsecus, & nonnihil reflectitur ad ampliorem ambitū humoris crystallini. Porro in parte posteriore multicolor est, nigra, fusca, cærulea &c. instar iridis cœlestis, multos in vsus.

Primum, si unicolor esset, omnia visui obiecta, eum colorem repræsentarēt. Deinde colore nigro tincta est: vt cogantur spiritus à luce dissipati. Tertiò, fusca & cærulea, ad conseruandum & recreandum visum: mollis est, ne lædat humorem crystallinum, in cuius circumferentiam desinit. Perforata est ante humorem illum, ne obscuritate sua rebus obiectis aditum ad crystallinum humorem intercluderet: sed potius vt tot colorum species illo nigrore tanquam cōtrario suo colligi & corroborari possint. Qui septem tunicas fingunt, hanc quoque diuidunt in duas: à neruo optico ad iridem, secundinam: reliquum quod est infra partem pellucidam corneæ, vueam dicunt.

4. *Amphiblestroides.*

Quarta Amphiblestroides seu retiformis, oritur à neruo optico in tunicā verso, & in reticuli formam

formam texto ex venis, arteriis & nervis quos accipit ab vnea, cum ad sui nutritionem & vitam, tum propter humorem vitreum, quem postica parte cingit.

Quinta Arachnoides, figura & consistētia telam aranearum referens, cingit humorem crystallinum anteriore parte, ut conseruet eum, utpote primum visus instrumentum, si contigerit ladi reliquos humores. Credibile est oriri ab excrementis humoris illius crystallini.

Cæterum reperitur & alia membrana proximè infra coniunctinam, aliquibus innominata dicta: verum hos ego putarem potius extremos tendones sex illorum musculorum in membranam extentos.

Tunicis continentur humores tres. Primus aqueus, ad instar aquæ limpidus. Situs est inter corneæ pellucidam partem, humoris crystallini in pupillâ patētem portionem, atque eam reflexionem vneæ quæ ab iride est ad humoris crystallini circumferentiam: ut vacuum illud implens corneam distēdat, eiusdemque prolapsum in humorem crystallinum prohibeat. Item ut humiditate sua humorem crystallinum vindicet à nimia exiccatione.

Secundus humor crystallinus est, à colore lucido & splendente crystalli instar, situ medius in oculi centro, vitreo innatans, à quo nutritur: pro speculo est videndi facultati eò deductæ per spiritum visuale.

Tertius humor albugineus, figura & consistētia albumini oui similis: situs est in postica parte crystallini, ut aliquantum retardetur spi-

ritus visualis impetus per neruum opticum ad humorem crystallinum descendens: haud aliter quàm aqueus crystallino parte antica obiectus est, ad reprimendos obiectorum colorum impetus. Hic humor alitur à tunica retiformi.

Nerui.

Nerui duo. Vnus primæ coniugationis opticus, à quo spiritus visualis deferretur ad oculum. Postquam peruenit ad vitreum seu albugineum humorem, absumitur in structuram tunicæ retiformis. Alter secundæ coniugationis, sub egressum è cranio in orbitæ radice distribuitur & dissipatur in oculi musculos, quibus motum affert.

Venæ & arteriæ.

Venæ & arteriæ aliæ sunt internæ, illuc productæ cum tunicis vasorum cerebri: aliæ externæ, constitutæ in coniunctina & musculis iis qui à venis iugularibus & carotidibus extimis oriuntur. Ministrant oculis alimentum venæ, vitam arteriæ. Interiecta est oculorum musculis pinguedo multa, ne oculi continuo motu desiccentur. Glandulæ quoque binæ: vna ad maiorem canthum prope nasum, altera ad minorem canthum. Vtiles primò lubricando & humectando oculo, ne continuo motu exiccet, ut de pinguedine dictum: deinde continendo firmiter oculo in orbita media, ne in alterutrâ vergat partem. Siquidem enim teres est oculus, ovalis autem orbita, necessariæ fuerunt glandulæ ad implendos hinc inde oculos. Facit quoque quæ est in maiore cantho glandula ad obturandum meatum, qui euidenter penetrat ex oculi orbita in narem, nempe ut ne cerebri excrementa per nares influentia redundent ad oculos, ut fit in iis quibus

quibus fistulę lacrymales, ab exesa hac glandulâ: unde stillant illis oculi assiduò. Adest & spiritus visualis & lucidus, continenter accurrens è cerebro per nervos opticos ad visum formandum.

Ex his intelligimus quàm firmiter hæreat capiti oculus, & quàm non pote sit vt sponte decidat, quacūque tandem putrefactione. Etenim antequam putruerint & nervi & tunicę parum alioqui ad putredinem proclives, fœtor proculdubio inuaserit, & lethaliter infecerit spiritus animales.

Nūc videamus quid vulgus deliret, dum credit oculum ex capite excidere posse. Nunquam accidit illa vulgo credita procidentia, quin præcesserint ictus, vulnus, aut affluxus magnus, ex quibus orta inflammatione gignitur pus intra conjunctinam & corneam, quod membranas eas abrumpit & putrefacit, ita vt dehiscentes vlcus patefaciāt: quod in oculi capacitatem penetrasse comperitur. Sex autem muscoli, cū sint carnosę partes, faciliè afficiuntur illa inflāmatione: ex qua intumescētes circa nervum opticum & ponē oculum, coarctant adeò & comprimunt oculum, vt propulsentur humores tres, & cogantur simul & semel & cum impetu perrumpere. Hi autem humores cū sint consistentia sua satis solidi, (crystallinus præsertim & albugineus, oculi figuram repręsentantes) vulgus putat totū procidisse oculum. Humoribus sic effusis, membranz tanquam displosa vesica aqua flatūue distenta deprimuntur & contrahuntur in imam orbitam: hinc cessante inflammatione & dolore (verè enim desinunt paulò pòst) adducūtur pal-

pebræ ad se inuicem vix vlla remanente oculi figura. Hinc vulgus falsò sibi persuadet oculum è capite excidisse.

Inita consultatione commemoravi apud clarissimos Doctores Medicos duos quæ antè apud ægrum & DD. Roscium in ædibus & præsentia Marionis Lausannæ proposueram: iterum concludēs sola manus operâ plenissimè sanari posse egrotum. Cùmque ex noua quorundam senten-

Filo serico nō potuisse tolli cancrum.

1. Argumentum.

tia sperasset æger commodè incisum iri cācrum religitum serico, necesse habui meas contrà sæpius allatas rationes subiicere hunc in modum. Primùm, quòd mali radix à ligatura relinquere-
tur: siquidem quæ facta est morbi renouatio, li-
quidò constat factā esse in orbita, adeóq; altiùs
ad opticum vsque neruum. Ligatura autem cùm
id solum apprehendat quod prominet à palpe-
bris, relictura est quicquid orbita continetur,
sicq; irrita futura esset operatio. Etenim id quod
relinquetur, illico proferet nouum fungū, priore
maligniorem.

2. Arg.

Secundò: quòd fieri possit vt rumpatur vena
aut arteria quæpiam importuno tempore, putà
nocte: & sic æger vel exigua sanguinis iacturâ
euestigio moriatur, cùm tanta iam sit facta pro-
fusio.

3. Arg.

Tertiò: quòd ex ligatura futurus esset grauif-
simus dolor totis quindecim diebus & ultrà,
propterea quòd coniunctina, in qua fieret liga-
tio, vtpote à pericranio deducta, miro sensu sit
prædita. Quo ex dolore, vt nil dicam de cerebri
læsione, sequeretur humorum affluxus ingens in
partem affectam. Adde quòd æger iamdudum
debiliss

debilis & extenuatus hos dolores & inquietudines tolerare non posset.

Quartò: quòd pars oculi supra ligaturā, dum *4. Arg.* corrumperetur, fœtore suo grauissimo læsura foret partes principes, & ipsis adstantibus intolerabilis futura. Relinquitur incisio, quam spero à nobis tam dextrè factum iri, propitio numine, vt leuiiores sint cruciatus, & nulla aut minima hæmorrhagia. Quod ambigitur queátne morbus radicitus erui: spero equidē id factum iri. Quippe iam pridem excogitavi instrumenta quædā, quibus oculum tutò & agiliter ab ima orbita recisum extraham. Præterea, quantuluscunque ille qui percipitur motus, apprehenso tumore ficoso non nihil mobili, spem facit hunc non hære perioestio: cui si adhæreretur, certè esset immobilis. Imò & ex eo intelligimus, reliquam esse aliquam pinguedinis & musculorum ambientium portionem inter oculum & os: ex quibus operatio tantò facilior, tutior & felicior expectatur. Quoad hæmorrhagiam, ego certè non nihil moueor, cum subit animo nupera illa sãguinis profusio vobis notissima. Attamen venę in oculo tenuissimę non videntur largum emissurę sanguinem, si incidantur ad basim: & potest diligēte manu inhiberi erumpens sanguis, quem post tantum profluium non est verisimile multum futurum. Denique haud dubiè ex ægri metu & horrore maior pars sanguinis recurret ad cor. Consultissimum tamen fuerit extrema ligare artissimè, brachia supra cubitum, tibias supra genua, idque horę dimidio ante operationem, vt nimirū molesta & cōstringente hac ligatura san-

guis auertatur ad illas partes & procul ab iis in quibus futura operatio. Atque hoc meum est de hoc morbo eiúsque chirurgica extirpatione iudicium: vos medica videte, & de nostris iudicate, Doctores clarissimi.

Hic Medici postquam differuissent de morbo & medicamentis vniuersalibus, nostra omnia comprobârunt: & decreta est mali extirpatio per incisionem. Saracenus rem detulit ad ægri necessarios & amicos, quotquot aderant. Illi audito tum præsentaneæ & quidem funestissimæ mortis periculo, tum sanationis spe per oculi extirpationem, facillè assenserunt, multoque lubentiùs æger ipse magnanimus.

Tum postquam prædixi metuenda symptomata, decreta est in proximè sequentem diem lunæ, qui in Augusti Calendas inciderebat, operatio. Interea præscripta est ægro victus ratio congrua, ad reparandas vires deperditas superiore sanguinis profluuio. Præscriptus & illi ad diem Sabbathi decimum nonum Calendas Augusti laxatiùs potus:

℥. Tamarind. electorum,

Foliorum fennæ oriental. mundat. ana ℥ ij.

Vuarum passarum mundat. ℥ j.

Epithymi. sem. anisi, fœniculi, ana ℥ S.

Cichorij, agrim. ceterach, polytrichi, ana p. j.

Fiat decoctio ad ℥ iij. in qua colatra macera Rhabarb. elect. ℥ j. S.

Cinnamomi electi gra. 7.

In expressione dissolue syrupi violati ex 9. infusionibus &

Mannæ granatæ, ana ℥ j.

Misce:

Misce: fiat potio.

Sequente die Dominico, & die Lunæ manè ante operationem exhibitus est potus cordialis sequens:

℞. Aquarum buglossæ,
Violarum,
Rosarum,
Melissæ, ana ℥ j.
Syrupi corticum citri & de succo acetosæ,
ana ℥ j.
Confect. Alkermes ℥ j.
pulu. diambæ ℥ ss.

Misce: fiat potio pro duabus dosibus.

Exteriùs super corde, ante & post operationem, applicitum est scutum sequens:

℞. Florum trium cordialium, ana p. ij.
melissæ,
maioranæ, ana M. S.
feminis & cortic. citri,
feminis ocymi, ana ℥ ij.
pulu. elect. Diamargar. frigidi,
pulu. elect. è gemmis, ana ℥ iiij.
pulu. diamoschi dulcis &
diambæ, ana ℥ ss.
croci ℥ j.

Excipiantur gossypio, & cum sindone rubra fiat scutum interpunctum pro regione cordis.

Ante & diu post operationem vnctus est stomachus hoc vnguento:

℞. Cerati stomach. Galeni ℥ iiij.
pulu. aromat. rosati ℥ j.
garyophyll. & nucis mosc. ana ℥ S.
olei nardini & mastichini, ana ℥ S.

Fiat linimentum pro regione stomachi ante cibum.

Aliud vnguentum pro stomacho, aliquandiu applicitum post operationem factam:

℥. Olei mastichini & de menta, ana ℥ S.

olei nardini & de

absinthio Pontico, ana ℥ iij.

cerati stom. Gal. ℥ ij.

ladani &

olei de nuce mosch. ana ℥ j.

pulu. arom. ros. &

ligni Aloes, ana ℥ j.

pulu. garyophyll. &


ambra grisea, ana ℥ S.

Cum cera noua q. s. Fiat vnguentum, quo calidè illinatur regio vetriculi ante cibos, bis die.

His ita præscriptis, amici qui aderant studuerunt ægrum recreare, quantum fieri potuit. At ille magnanimus & sanitatis audissimus constantia se sua magis quàm alienis verbis solabatur: nisi quòd statò die nonnihil territus est D. Roscij excusatione per literas facta, veritus nimium nequid ille mali præfagiret: quod tamen ita dissimulauit, vt nonnisi ab operatione resciri potuerit: adeò vrgebat ipse operationem. Itaq; præmissis solènis precibus pro felici successu, & tribuenda ægro patientia ac viribus, ipsemet sumto recente ouo & cyathò vini, cathedram accommodatam sibi delegit & vltro sedit: ita vt cum mollis quispiam cathedræ alligandus foret, necesse duntaxat habuerim adstantium duobus brachia, tertio caput committere. Actum cœpi sub palpebra superiore ad maiorem canthum, instru-

instrumento infra figurato, quod ipse inuen-
ram & nominatim præpararam ad eam opera-
tionem, lenticulari forma, ne orbita læderetur,
sed nonnihil incuruo, separare coniunctinam:
adactoque ferro ad opticum vsque neruū, per-
curri oculi ambitum, quæ erant separanda disjun-
gens: eodémque instrumento opticū secui, tūm
& eum qui secundæ coniugationis est: & tam

dextrè & agilter me gessi, vt
vix decem passus fierent, dum
ficus ille cancrusus totam o-
culi orbitam implens & in fa-
ciem latè prominens intactis
palpebris radicitus erutus est.



Nec tamen non dolorifica
fuit operatio, quātumuis dili-
gens, ob coniunctinam mem-
branam & nervos. Nulla ægri
agitatio, nisi linguā, cūm ter
quatérue Deum inclamauit.
Inieci illico copiosè puluerem
nostrum, cum album.ouorum,
ad sistendum sanguinem, cu-
ius vix stillârunt vnciæ duæ: i-
deoque nihil opus fuit actuali
cauterio argenteo, quod pro-
priè præpararam propter loci
affecti nobilitatem & præstan-
tiam.

*Vide an-
th. tract.
de Gangr.
c. 15.*

Dein inuoluta fasciis orbita, & defensus ad frontem & col- lum circumcircuità adhibitis æger ipse se abluit, & voluit ire pedibus in lectū trīginta circiter passus ab operationis loco. Nos prohibuimus, & fella detulimus. Mirum tam diuturno morbo, tanto sanguinis profluvio, æuo tam prouecto. Operationis testes fuere qui sequuntur:


Generosus Gabriel à Blonay
Baro à Chattelart, &c.

Gen. Philippus Ceriatius, Dominus à Denizy, &c.

Prudentiss. & Consultiss. Georgius Ansellus
Illustriiss. Dominorum Bernensium Procurator
patrimonialis.

Gen. Hildebrandus Crosanus, Dominus à Prilly & Cressy, &c.

Gen.



Gen. Philibertus à Sacconay.

Venerandus Claudius Merlinus Villetanæ & Culliacensis Eccles. Pastor.

Ven. Iacobus Richardus Sauiniacensis Eccles. Pastor.

Clariss. & præstantiss. Ianus Antonius Saracenus M. D. & Philosophus eximius, Regis Galliæ & Nauarræ Consiliarius prudentiss.

Consultiss. Nicolaus Ganthinus Lustriacensis Tribunus.

Consult. Iacobus Gerbesius Villetanus Senator.

Consult. Franciscus Croseranus Lustriacensis Senator & Castellanus Corsiacensis.

Perit. Ioannes Glaronius ægri chirurgus ordinarius.

Fideliss. & diligētiss. Ioachimus Rohaut Pharmacopæus Lausannensis.

Hon. Moses Bethesius ægri negotiorum gestor: & plurimi alij.

In tumore post operationem dissecto inuenimus officulum & mole & figura dimidiatam fabam repræsentans, vbique tuberosum, prope minorem oculi canthum. Hic varia iudicia. Alij in tumore natū dixere, quòd densa & dura integeretur tunica, quæ mihi sclerotica esse videbatur. Alij diutino defluxu carie affectum cranium censebant, indèque cariosum officulum sponte naturæ separatum sensim membranam illam penetrasse, atque illud callo deinde obductū fuisse. Veri mihi similis videtur, id officulum è cranio illuc penetrasse, quàm vt in ipso tumore natum esset. Primùm enim ex figura euincitur, ad

*Officulum
intra oculi
substantiam
reperitum.*

*Hippocr.
Sect. 6.
Aph. 45.*

orbitam oculi pertinuisse. Deinde materia, intra quam repertum illud est, instar atramenti nigra erat, nihilque aliud quam sanguinis sæx. At necesse est quod ex materia aliqua gignitur, eius colorem referre: ossiculum autem album fuit, ac proinde non ibidem genitum. Tertiò ex curationis progressu facile fuit animaduvertere, è cranio illud delapsum: siquidem percipiebatur cicatrix nonnihil caua ad minorem canthum: qualis asolet, vbicumque est ossis deperditio, teste Hippocrate. Residuum tumoris duabus diuersis substantiis constabat. Nam pars ea quæ extra orbitam prominebat, instar sæcis atramenti fuit, satis densa, forti membrana inuoluta, quam autumo ex coniunctina & cornea membranis ita coaluisse. Pars verò orbitæ contenta, dura fuit & scirrhusa, colore liuido. Hos ego puto fuisse oculi musculos, qui quidem nequaquaquam conspici poterant agnoscere, vti neque membranæ, quia planè occalluerant cum aliqua alia materia residua ex priore illa inflammatione anni 1581.

Ipso operationis, die non est resectum vulnus metu hæmorrhagiæ, at postridie tantum applicatum ex conceptis linamentis digestiuum sequens:

℞. Terebinth. lotæ in aqua betonica ℥ ij.

Gummi elemi ℥ S.

Dissolue in olei rosacei ℥ j.

adde Vitell. ouorum nu. 2.

Croci ℥ S.

Misce: fiat digestiuum.

Insuper admoui emplastrum basilicum. Inunxi totum caput & collum oleo myrtil. & rosato: fronti

fronti & collo defensionum applicui: nec aliter processu, quoad facta esset vulneris digestio. Sequenti die Saracenus relicto lōgiore scripto, in quo victus ratio tum in rem præsentem tum etiam in futurum conueniens tradebatur, domum repetens mihi rem omnem commendauit. Ego sex diebus continuauī digestiū & basilicum; exin digesto vulnere, pro digestiuo adhibui mundificatiū sequens:

℥. Terebinth. lotæ in aqua betonica ℥ ij.

gummi elemi dissol. in oleo rosac. ℥ s.

radic. Aristol. rotundæ,

iridis Flor. ana ℥ ij.

cum melle rosaceo, fiat mundificatiū.

Tūm applicui emplastrum de betonica, eoque ipso incarnauī vulnus: cicatricē induxi puluere sicco, ex cerussa, lithargyro, cornu cerui vsto, alumine & radicibus iridis, & superinducto empl. diapalma. Victus rationem æger adeo accuratè & lubens obseruauit, vt supra decimum quartum diem vino sibi temperarit, contentus ptissana cui adiectum erat paucū coriandrū preparatum, aut etiam oxysacchare cui inter parandum indebatur tantillum cinnamomi. Atque sic adductis tandem concinnè palpebris, à fico cancroso eiusque omnibus symptomatis vir genere & virtute, imprimis verò pietate, nobilissimus persanatus est.

Porrò cū locus multum diūque affectus, ac proin debilis, vt plurimū obnoxius sit defluxionib. à valentioribus partibus transmissis, idē, vt ne deinceps noui exorirētur in facie affectus aut in parte nuperrimè sanata, author ægro

*Setaceo
locus op-
portunus.*

fui ut clauderetur vlcus cauterio excitatum in brachio dextro, quod progressu temporis inferius descenderat & circum circa callosum euaserat, & nouum applicui superius ac propius venam cephalicam, 22. Augusti. Porro in eundem vsum & ad maiorem præcautionem suasi setaceum ad ceruicem trahi legitimo loco, qui est à prima vertebra ad tertiam, nec inferius. Adhibitum quidem fuerat anno 81 ineunte morbo, sed malè ad sextam ceruicis vertebam, vbi eminentiores sunt nerui, quàm superius ad caput: hinc acutissimus dolor ob quem ab eo excitatum vlcus post mensem claudendum fuerat. Ille consilium nostrum admisit, & consultus Saracenus literis in eandem sententiam scriptis confirmauit.

*Setacei
adhibendi
nova ratio.*

In omnibus autem doloribus cum maxime abhorreret eger à ferro candente, voluit setaceum adhiberi ad eum modum, quem Coloniae & Lausannae saepius seruaui, necnon etiam Lustriae paucis antè diebus in filiolo Ioannis Glaronij. Prehensa tenaculis cute, pro ferrea acu cadente adhibeo argenteam frigidam, eamque ancipitem: hac perforo quod tenetur tenaculis. Tunc primo apparatu applico albumen oui, secundo digestiuum, dum digeratur vulnus, tandem quae vulgo adhiberi solent. At hinc rei nouitas de more suspecta, suis confirmanda est argumentis. Quod ut fiat, ante omnia expendende duae primariae actiones & qualitates quas inurit cadens ferrum: dein videndum anne sint proposito nostro accommodae. Ferri candentis actio & qualitas prima est desiccatio, quae quidem fit ratione qualitatis

tatis calidæ & siccæ, quam ignis elementum
 ferro imprimit. Hinc altera, merum tamen
 prioris accidens: corroboratio videlicet par-
 tis quam afficit, eò quòd humiditas excremen-
 titia candente ferro desiccata sit. Vt enim hu-
 miditas nimia emollit, laxat, stupefacit & ine-
 ptas reddit partes ad suas functiones; sic tem-
 perata siccitas cōtrarium potis est efficere. Iam
 disquiramus, num actiones & qualitates istę sint
 ad institutum nostrum. Siquidem adhibetur se-
 taceus funiculus loco sano ad deriuandum ac-
 reuellendum humorem quemlibet, nil opus lo-
 cum sanum desiccari aut roborari. Nam si velim
 setaceum ad se illicere humorem ex parte affe-
 ctā, non modò non exiccandus est locus cui ap-
 plicatur, sed contrā humectandus: quippe con-
 stat sicca non attrahere, nisi prius aliquantum
 mollita. Præterea quoniam corporum nostro-
 rum siccitas accidentalis constringit & compri-
 mit partes, hæc eadem humiditates parte illa
 contentas simul exprimit & depellit in partes
 debiles, illis excipiendis opportunas. Alter ferri
 candentis vsus, quem diximus, est corroboratio
 partis cui applicatur. Hæc rursus malè conuenit
 loco in quem deducendi humores. Postquam n.
 corroborata est actuali cauterio, tantum abest
 vt attrahat, vt contrā propulsatura sit quod in-
 fluebat. Ex his colligimus in defluxionibus, ca-
 tarrhis, & imbecillitate visus & faciei partium,
 nec desiccanda, nec roboranda esse setacei vel
 cauterij loca, ceruicem & brachia: imò contrā
 roborandum locum dolentem, & debilitandum
 eum in quem deriuandus est affluxus. Setaceus

verò funiculus nostro modo adhibitus his actionibus vacat. Neque n. desiccatur, cum absit calor: nec roborat, imò debilitat potius, cum solvatur continuitas. Tertiò denique in eius applicatione non mihi probatur usus ferri candentis ob phantasiam & horrorem, quem plerique omnes ex eo concipiunt. Age n. quot homines ex sola phantasia in gravissimos morbos incidunt, febrim, syncopas, epilepsiam, apoplexiã, &c. adeò ut sint nonnulli quos citius ad prælium adigas, quàm ut ferro candenti sese permittant? Dolor non maior, quàm in phlebotomia: nisi quum fit digestio. Sed quid hoc respectu doloris ex cauterio?

*Opinio
propria
de poten-
tiali cau-
terio in
cervice.*

Cæterum quia pro setaceo adhibetur nonnunquam potentiale cauterium eodem loco, iuvat peculiari nostra de hoc cauterio opinione totum hunc tractatum claudere. Infantulis præscribunt Practici cauterium hoc pro setaceo; quòd tolerabilius credant & minus dolorificum. Ego contrà dissuadeo plurimum, & commendo

*1. Ratio
cur pue-
ris non sit
potentiale
cauterium
ad cervi-
cem, sed
setaceum
potius ap-
plicandũ.*

setaceum. Primùm, quòd cum sint pueri agiles & turbulenti, subinde excidat à vulnere pisum, siue aliud tale quod ulceri inditur: hoc sublato statim coalescit vlcus, ut difficilè possit apertum teneri ea parte, uti decet, & ita nulla sit eius utilitas. Hæc ut corrigas duo, necesse est arctissimè ligare vinculo stricto caput in istam figuram; necesse item ad continendum in vlcere globulum duplicatum linteum imponere, ut formetur vlcus altius: nam in summa cute parum purgabit. At ex hac ligatura ecce maius incom-

2. Ratio.

modum. Nam cum puerulis ossa, imprimis ve-

rò cranium sit tenerum & cartilaginosum, id ligatura sic comprimitur, vt nihilo magis possit in latitudinem crescere, quàm cucurbitæ, quas solent mulieres ad lagenarum vsum in medio ligare dum crescunt: in altitudinem verò totum excrescit. Inde perit capiti (vt vidi in pluribus) sua portio & rotunditas in longitudinemeducta. Et, quod grauissimum, cranium ita mon- 3. *Ratio,*
strofè educto in transuersum, cerebrum eiusque ventriculi simul etiam arctantur & comprimuntur: vnde, spiritibus non satis elaboratis & præparatis, debilitatur caput & fit catarrhis obnoxium: & si adolescant (quod rarum) ingenio sunt tardiore, nisi maturè omiſſa ligatura dilatatum sit cranium, & nativæ formæ redditum. His ego rationibus statuo nil iuuari cauterio isto pueros, imò contrà morosos effici. Compresso sic cerebro, quæ pars corporis humidissima, coguntur excrementitij humores, qui inibi assiduò oriuntur, vi quadam erumpere: vnde cùm non detur tempus quærendo naturali meatui, modò in dentes, modò in stomachum, modò in pulmones aliæue loca incidunt. Quod cùm citra dolorem nequeat fieri, eò redduntur pueri morosiores, quòd defluxus in partes neruosas incurrat.

Setacea nostri dolor cùm ex his quæ suprà diximus est, tū tolerabilior in loco extimo, quàm graue partis intimæ & quidem nobilissimæ, cerebri videlicet, incommodum: nec non utilis ille ad attrahendos magis magisque humores superfluos à cerebro ad colli emunctoria.



OBSERVATIO II.

*Ex globulo vitreo in auris meatum immisso grauissi-
ma symptomata, tandem curata. Ubi de distri-
butione neruorum quintæ coniugationis cerebri,
ad Clarissimum & doctissimum Casparem Bau-
hinum M. D. & Anatomicæ iuxta ac Botanica
Professorem ordinarium in Academia, Basi-
liensi. auctore S. P. [illegible]*



ATEOR accepisse me iam pridem,
Vir clarissime, tuas literas quæ insi-
gnem tuam erga me beneuolentiam
testantur: sed quòd hætenus silui, id
ne obliuioni, sed plurimis subinde recurrenti-
bus negotiis tribuas velim. De obseruatione au-
tem Anatomica, quam à me expectasti, sic ha-
beto. Omnino neruorum quintæ coniugatio-
nis cerebri distributio multò amplior est, quàm
hætenus apud Anatomicos legere meminerim.
Etenim cum primùm neruus ille à laterali parte
cerebri exoritur, ingreditur foramen cæcum si-
ue labyrinthum, distentusque membranam tym-
panum format. E foramine cæco mox egredi-
tur ramulus minor eo qui ingressus est, versus
spinalem medullam tendens: perinde ac si cum
neruo sextæ coniugationis tenderet ad partes
infimas. Sed mox emittit rursus ramulos per pri-
mam & secundam vertebam, qui inseruntur
laryngis musculis. Argumento est ex immodicè

& ni-

& nimis altè aut profundè titillatis auribus sic-
ea subitò exoriens tussicula. Mittit tertio suos
ramulos cum quarto, quinto, & sexto brachium
mouentibus nervis ad brachia & digitos: nec
deserit vsquam nervus ille spinalem medullam,
sed continenter emittit ramulos cum nervis spi-
nalis medullæ ad ipsa vsque crurum & pedum
extrema. Hæc super distributione nervorum
quintæ coniugationis cerebri, Vir clarissime, in
diuersis dissectionibus superiore hyeme obser-
uauit: quæ ipsa cum sint paulò obscuriora, sequen-
tis historiæ narratione & fide illustrabo.

Rosæ filia quondam Roberti Chaperonis
annos 10. natæ verno tempore sui similibus col-
ludenti insinuatus fuerat in concauum auris si-
nistra globulus vitreus instar pisi, cuiusmodi
puerorum carpis pro brachialib. accommodan-
tur. Admonita mater chirurgum aduocat, qui
globulam extraheret: frustra. Venit & alter, ter-
tius item & quartus, diuersis tamen temporibus:
ex his nemo iuuit, quinimo altius insinuatus est
ab illis globulus. Exin desperavit mater de ex-
tractione: & quamuis casum filia doloribus assi-
duis conflictatæ ægrè ferebat, Dei tamen & na-
tura arbitrio permittendum statuit. Postmo-
dum sedatus quidem est auris dolor: sed tota
pars illa capitis vsque ad suturam rectam nocte
dièq; doluit, plus tamen minúsve pro aëris con-
stitutione: cælo maximè humido ac pluuioso,
quale est hyeme & autumnò, cruciatus vrge-
bant. Accidebant præterea læuo brachio quasi
stupores vsque ad digitos pollicem & indicem,
progredientes ad lumbos vsque, tibiam & pe-

dem : & , vt paucis dicam , totum latus finistrum
continuis iis ceu stuporibus languebat. Trans-
mutati sunt postea torpores in dolores grauif-
simos brachij , humeri & cruris : idque , vti di-
ctum , noctu & aëre frigido & humido. Tussi-
cula sicca assiduò aderat. Menstrua ex parte sup-
primebātur , & nonnisi semel singulis trimestri-
bus , aut parum fluebant. Cùm annis quatuor aut
quinque sic doleret , acciderunt interdum epile-
pticæ conuulsiones : ipsum quoque brachium in
atrophiam incidit. Videns mater tam dira sym-
ptomata , varios adhibuit medicos , chirurgos &
empiricos : & cùm nullus auris dolor adesset
(quippe maximi dolores obscurabant minimū)
de symptomatis tantū querebatur , omissa pri-
maria morbi causa. Nequicquā autē hæc omnia:
neque enim intermittebant dolores , aut sym-
ptoma vllum , imò augescebant. Tandem adiit
me anno 1595 mense Nouembri. Purgavi ipsam
aliquoties : inunxi præterea humerum , brachiū ,
& reliquas partes dolentes oleis anodynis & ca-
lidis : breuiter , quæcunque necessaria ad hunc
morbum videbantur , adhibui : frustrā tamen , vt
priors. Cùm viderem morbum repugnare o-
mnibus idoneis remediis , desperabam de salute.
Latebat enim me istius morbi causa , nisi forte-
an ex catarrho foret. Interim cogitanti quid me-
lius adhibere possem , ipsa necopina cœpit reci-
tare casum : nempe quòd sibi ante octo annos
globulus in aurem demissus esset. Hæc ego au-
diens , cœpi cogitare eam esse morbi causam. Et
quamuis illa valde repugnaret operationi , pro-
pter superiorum chirurgorum irritos conatus in
recente

recente morbo, tandem tamen paruit. Tùm ego feliciter extraxi globulum sine vi vlla, quamvis profundius, prope tympanum videlicet, excrementis & sordibus auris firmissimè hærentem. Cessarunt illicò dolores capitis, reliquarúmque partium corporis: & subsequente nocte meliusculè habuit: sicque paulatim leui inunctione olei lumbricorum restituta fuit. Cessarút inquam dolores, stupores, conuulsiones epilepticæ, reliquaque omnia symptomata. Restitutum est brachium, ita vt hactenus bene se habeat. Testes clarissimi ac doctissimi, Ianus Antonius Saracenus, Andreas Bonetus Medicinæ & Philosophiæ doctores: Antonius Macæ pharmacopæus: quorum penes me chirographa.



OBSERVATIO. III.

*Inciso & perforato cranio dura mater ubique cranio firmissimè adhære-
re inuenta.*


DURA mater caluariæ connectitur futurarum ope, tum vt pensile & erectum teneat cerebrum, tum etiam vt per futuras egressa pericranium procreet. Spaciũ verò inter suturas rectè natura liberum reliquit, vt vacuum quoddam esset inter duram matrem & caluariam: has nimirum ob causas. Primò, ne quicquam ipsius cerebri systolæ & diastolæ obstaret. Secundò, ne venæ &

arteriæ per extremam duræ matris partem sparsæ, leui aliquo ictu in cranio facto rumperentur. Postremò, vt ruptis in dura matre venis sanguis non inter duram & piam matrem, sed inter duram matrem & cranium effunderetur, & perforato cranio faciliùs extraheretur. Hic est ordinarius naturæ ordo: nos contrarium in vno atque altero obseruauimus, vt ex sequentibus liquet.

Puerum quadrimum ex phthisi mortuum priuatim cum quibusdam Medicinæ studiosis anno 1596 dissecaui. Huic dura mater vbique instar perioftij vitreæ tabulæ adhærens neutiquam auelli potuit, nisi priùs incocto in aqua cranio. Itaque venæ quæ alioquin per externam partem duræ matris quæ cranium respicit, (duplicem n. duram matrem cum Realdo Columbo assero) expanduntur, illæ in parte interna versus cerebrum conspiciebantur. Erat nihilominus vacuum aliquod inter duram & piam matrem: hæc enim cerebro adhærebat, illa cranio. Plagas & contusiones in huiusmodi caluariis maximè periculosas esse nemo dubitat, tum quòd membranæ cerebri facillimè læduntur, tum etiam quòd earum ruptis venis, sanguis inter cerebrum & duram meningem effunditur. Venæ enim, vt dictum est, in interna parte duræ matris sitæ sunt: ita vt nullo modo sanguis extravenatus euacuari possit, quamuis cranium terebello perforaretur, vt ex sequente historia liquet.

Rusticus in pago Genevæ proximo Chesne dicto vulnus circa dextrum os bregmatis baculo accepit: mox in terram cecidit: vomuit, & loquelam

quelam amisit. Neglecto primùm morbo, tandem octauo pòst die vocatus sum vnà cum clarissimo Iano Antonio Saraceno. Inuenimus ipsum febricitantem & delirantem, lingua arida, oculis rubicundis. Cùm a. nec rima, nec fractura appareret, cranium perforaui. Nihil inueni vacuum: sed dura mater ita adhærebat cranio, vt styli acies inter cranium & duram matrem minimè posset immitti. Vnde cùm nihil puris extillaret, perforatio inutilis fuit: ipse decimo quarto pòst die è viuis excessit. Quandiu dura mater resecta fuit, nempe ab octauo die vsque ad supremum, motus cerebri quantumuis continuus minimè percipiebatur: verùm ea fuit distantia inter cerebrum & duram matrem, vt pulsus cerebri membranam non attingeret. Hinc perspicuum fit cerebrum moueri, non autem ipsius membranas vti volunt nonnulli.




OBSERVATIO IIII.

*Mirabilis distributio venarum & arteriarum
iugularium internarum.*



ANNO 1596 rogatus à quibusdam Medicinæ studiosis, priuatim illis dissecai caput detruncatum. Inueni distributionem venarum iugularium & arteriarum carotidum internarum obseruatu dignissimam. Quoniam maior pars earum venarum & arteriarum quæ

per duram & piam matres sparguntur ab vtraque capitis parte, immixtis ramulis quibusdam ad venam torcular dictam constituendam, in vertice sibi inuicem coniungebantur, & constituebant prope suturam rectam vas capacitatis æquans pennam cygni, quod tum dura, tum pia matre obuolutum erat. Huius extremitas vna cerebri substantiam respiciebat, nullis interiectis membranis: altera cranio tam firmiter adhaerebat, ut non nisi vi auelli potuerit. Præterea cranium in ea parte vix papyrum crassitie æquabat, vbiq; instar ossis cribrosi perforatum. Cutis quæ extra cranium spiraculum seu caminum illud cooperiebat, flauens fuit. Hominis robustissimi caput vix vnquam dolore affectum crediderim: ita ut proculdubio ad decrepitum senium peruenturus fuisset, nisi præuenisset cum violenta mors.



OBSERVATIO. V.


Monstrosus hydrocephalos.

N rarò cōtingentibus bene hydrocephalos censetur: nobis in vno & altero videre contigit. Coloniae in vico Erenstras multoties inuisi puerum robustissimis parentibus natum, cui caput in incredibilem molem excreuerat: ita ut ipsius rotunditas vnam & quartam partem vlnæ Coloniensis, eiusdemque altitudo ab vna aure ad alteram

alteram similiter vlnam cum quarta parte excederet. Non autem sic natus erat: sed cùm septimum mensem ætatis vix attigisset, cœperat ei caput monstruosè excrescere. Nullus præcesserat morbus: reliquum tamen corpus parum nutriebatur. Verùm caput intra menses 30. paulatim in illam magnitudinem accrevit: ac tandem puer in soporem lethargicum incidit, nec ita multò post obiit, anno 1594. 19. Februarij. Cranio dissecto coram clarissimis doctissimisque Ioanne Slotano & Henrico Pallantio Medicinæ doctoribus, inuenimus in duobus anterioribus cerebri ventriculis aquam crystallo clariorem, ad libras Colonienses 18. Illa autem non solùm ventriculos, sed & substantiam cerebri distendebat: ita vt totum cerebrum (cerebellum excipio) in sacculum extenderetur: hinc fiebat vt circumvolutiones & gyri cerebri non conspicerentur, sed turgerent omnia. Dura & pia matres integræ erant, atque ita dilatatæ vt totum cerebrum cooperirent. Cranium similiter dilatatum erat, sed passim mēbranosum potius quàm osseum. Id adhuc in musæo meo visitur. Tertius ventriculus cum duobus anterioribus confusus non apparebat. In quarto viscidam quandam materiam, parua tamen quantitate, inuenimus: reliqua in cerebri basi secundum naturā erant: nec reperiēbātur meatus per quos serosus ille humor ad caput delatus fuerat, quantumvis accuratè dispiceremus omnia. Denique cor, pulmo, diaphragma, hepar, stomachus, mesenterium, lien, renes, perquam sana erant. Quapropter functiones vitales & naturales eo egro-

tante, parum lædebatur: ita ut vix febre unquam laborauerit: quinimo edebat, bibebat, excernebat & dormiebat tanquam sanus: ipsa tantum deerat nutritio. Totum enim corpus (excepto capite) perexiguum & extenuatum remansit: ut patet ex effigie, quam ad vinum domi habeo. Actionibus autem animalibus & facultatibus quæ ex cerebro prodeunt, puta ingenio, loquela, visu, auditu & cæteris planè destitutus fuit. Brachia etiam & tibias, labia, palpebras, oculos voluntariè vix mouebat, at inuoluntariè sæpius: hoc est, contrahebantur & conuellebantur continuo: attamen absque dolore.

Cognoui & alium puerum Colonia hydrocephalo laborantem, qui ex omni parte sanus permansit usque ad tertium annum ætatis: tum demum cœpit ipsi caput accrescere, verum non in tantam molem. Obiit tandem ex variolis. Aperto cranio inuentâ est aqua multa in duobus anterioribus cerebri ventriculis.



OBSERVATIO VI.

Commotio cerebri in principio neglecta, postmodum grauissimorum symptomatum causa fuit.



ILIVS Domini Bernardi ab Hatzvelt Domini in Vildêberg decennis ex alto cecidit: mox vomuit: sanguinèmq; per nares & aures egressit:


sit: verum neque loquelam, neque sensum aut motum amisit. Cum autem nec vulnus, nec contusio aliqua extima appareret, nec febricitaret ipse, morbus planè neglectus est, nec ullum initio adhibitum remedium, capite alioqui perpetuò dolente. Post menses quinque aut sex collum relaxatum est, adeò ut nullo modo caput erigere, aut erectum, nisi beneficio numellæ ex pelle & xylo contextæ, continere posset. Postmodum asthmaticus factus est, & relaxatis ligamentis 10. 11. 12. vertebrarum metaphreni, gibbosus factus est. Coxam quoque dextrâ imbecillius mouebat: sub claviculis exutrâq; sterni parte atheromata conspiciebantur. Cum circiter biennium ita cruciatus fuisset, & symptomata in peius euaderent, parentes ipsum Coloniam ad clarissimam Dominum Henricum Botterum Illustrissimi Hessiæ Lantgrauij archiatrium adduxerunt, qui variis adhibitis remediis collum in integrum, vocemque & loquelam ex parte restituit. Deinde exortus est ipsi tumor ad sinistram aurem inter iugulares venas & arteriam asperam, qui sensim in maximum abscessum auctus cum esset incidendus, aliâque chirurgica peragenda, accersitus fui. Primo, 2. & 3. diebus ultra libras sex materiæ eiecit, extillauitque ea quotidie copia satis magna. Huius euacuationis beneficio dolor capitis omniâque ferè symptomata ex parte lenita sunt: at vires in dies immutæ. Circa 28 mensis Martij nouus incidit catarrhus, qui in pulmonem & stomachum influens, tussim, nauseam & vomitum prouocauit, sinistrum latus resolutum fuit. Nonnulli

quoque paroxysmi epileptici acciderunt, & vlcus in collo penitus exiccatum est, ita vt 6. Aprilis 1593 decesserit.

Præsentibus clarissimis viris Ioanne Slotano & Henrico Pallantio Medicinæ DD. cadauere inciso viscera sic affecta comperimus.

1. Incisa cuti in tumoribus sub clauiculis reperta est copia satis magna puris instar pultis, quæ costis & sternò cariem contraxerat.
2. Cystis fellis prægrandis, & intestinū duodenum vbique humore bilioso refertum.
3. Hepar scirrhum & obstructum.
4. Pulmo vbique pituitosis & viscidis humoribus oppletus.
5. Lapides quamplurimi ex gypsea materia concreti & cysti inclusi proximè cor, nimirum in ea parte, qua arteria aorta ex corde prodit, & ramos suos versus iugulum mittit: quorum vnus magnitudinem nucis superabat: reliqui parui. Adhærebant autē non tantum arteriæ aortæ & ipsius ramis qui iugulum petunt, verum etiam asperæ arteriæ, & sinistro recurrenti neruo. Ex quibus facilè colligitur, quibus causis vocem & loquelam ex parte amisisset.
6. Capite aperto lapidem ex simili materia concretum & membrana inclusum in posteriore parte capitis sub sutura lambdoide inter duram & piam matrem inuenimus adeò adhærentem duræ matri, vt nonnisi violenter auelli posset.
7. In tribus cerebri ventriculis, hoc est, in duobus anticis & medio, ultra libras duas aquæ limpidæ reperimus.

8. Vlcus in collo tum ad asperam arteriam, tum etiam ad os basilare, & foramen quo spinalis medulla vertebrae ingreditur, penetrabat: ita ut materia ex ulcere manas tum ex pectore, tum ex capite confluisse intelligeretur. Verum propter angustias viarum subtilior pars effluerat: crassa autem in lapides concreta erat, quales prope cor visebantur.



OBSERVATIO VII.

Cerebri concussiones & quidem gravissima curatae.




OMMOTIO cerebri recte in morbis acutis numeratur: verum initio adhibitis idoneis remediis multoties curata tum ex doctorum virorum scriptis, tum ex sequentibus observationibus intelligitur.

1. Equiso generosi viri Domini Herft satrapæ in Lunsdorf Dusseldorpiæ ad dextram partem capitis percussus in terram concidit, euomuit: mox loquelam amisit, & cruorem per nares & aures eiecit. Eum ad diuersorium delatum Cosmus Slotanus Illustrissimi Iuliacensium, Cliuensium, &c. Principis archichirurgus adhibitus variis remediis sanauit: loquela quoque & mens amissa paucis post diebus illi rediit.

2. Herman Kikup venator generosi Domini à Velbruch in Garrad ex arbore in congela-

tam terram lapsus mox euomuit, & sanguinem per nares, aures & palatum eiecit, loquelam amisit: fuitque ad vndecimum fere sine sensu & motu quasi apoplecticus, febricitans vehementer. Vocatus crines abradi, & caput oleo rosaceo & myrtillorum inunxi, venam brachij secui: clysteres acres inieci, aliâque quamplurima remedia adhibui, quæ hîc breuitati studens omitto. Tandem diuino fauore & mea diligentia stupētibz spectatoribus conualuit.

3. Puerum grauissima cerebri concussione laborantem cum peritissimo chirurgo Ioanne Griffonio curavi. Variis remediis capiti additis, exortus est tandem tumor insignis sub aure, quo inciso maxima puris & sanguinis coagulati copia effluxit, atque sic puer conualuit.



OBSERVATIO VIII.

*Laeso cerebro, aut etiam portiuncula eius amissa,
non ex necessitate mortem consequi.*

Hippocr.
Aphor.
18. sect. 6.



VTANT nonnulli cerebro læso aut etiâ ipsius tunicis mortem necessariò consequi, ex Hippocratis autoritate, qui sic scriptum reliquit: vesica discissa, aut cerebro, aut corde, aut septo transuerso, aut aliquo ex tenuioribus intestinis, aut ventriculo, aut iecore, lethale est. Sed hoc (lethale) teste Galeno Hippocrates aliâs vsurpauit, ceu mortem necessariam inferens, aliâs ceu pericu-

riculosum. Cerebri certè quidem vulnus, nisi profundum & ad ventriculos vsque penetrans, non ex necessitate mortem inferre testatur Galenus, commentario ad superiorem illum aphor. id quod & nobis sæpius observare contigit.


Ante annos decem & amplius cum darem operam prædicto præstantissimo Archichirurgo Cosmo Slotano, missus ab eo in oppidum Langenberg 8. Septembris 1581. ut ibi curarem varios ægrotos, vocatus fui à quodam rustico Ioanne Horstman prope Hattingen, ut ipsius inuiserem sororem, quæ vulnus contusum in dextro osse bregmatis cum fractura & impressione cranij acceperat. Euomuit mox ab initio biliosum humorem & cibum indigestum, sinistrum latus resolutum est: in dextro autem convulsiones patiebatur. Abrasis crinibus fragmenta aliqua cranij & portiunculam adinstar fabæ ex cerebri substantia digitis extraxi. Altero die advenit Slotanus, qui dilatato vulnere denuo extrahit fragmenta quædam ossis & portiunculam ipsius cerebri ad nucis auellanæ magnitudinem. Postea aliquoties ipsemet Slotanus me præsentè de cerebri substantia detraxit: & tamen convaluit plenissimè.

Anno 1596 accessit ad me puella cum insigni tumore ad dextram sincipitis partem, in concursu futuræ rectæ & coronalis. Causam exquirenti respondit se ante sex hebdomadas in lapidem impigisse. At cum nec vomitus, nec dolor febrisve adfuisset aut adesset, non suspicabar cranium, multò minùs cerebrum, læsum fuisse. Tumorem tamè reinciso maxima effluxit puris quantitas:

postea stylo deprehendi insignem cranij fracturam : vnde subesse periculum animaduertens, Medicū accersendū suasi. Perendie cū aduocatus esset clarissimus D. Ianus Antonius Saracenus, cutem decussauī, extraxique fragmenta quamplurima cranij: ita vt cerebrum ad thaleri latitudinem denudatum conspiceretur. Tunicæ enim planè corruptæ erant: quarum particulas quasdam præsentē medico Saraceno extraxi. Tribus hebdomadibus ferme quotidie portiones aliquas ex cerebri substantia abstuli, natura ipsa expellente: ita vt pars illa valde concaua cōspiceretur. Nihilominus tamen cerebri motus egregiè apparebat: vt de cerebri motu nihil quicquam dubitandum sit. Mouetur enim cerebrum, non membranæ tantum. Tandem verò exortæ sunt ex ipso cerebro denudato & carente membranis tubercula carnosæ lentium instar, quæ sensim aucta se inuicem coniungebant, & tegumētum carnosum & satis solidum procreabant, cuius beneficio concauitas impleta & cerebrum tectum fuit: sicque pristinam sanitatem puella breuī recuperatura videbatur. Nihilominus cū aliò me negotia vocarent, neglecta, vt verisimile est, curatione, ipsam post semestre obiisse intellexi. Sed illud notandum, quandiu illam curavi nullum superuenisse dolorem, febrim, aliudve symptoma: ita vt domestica sua curaret, quasi plenè valens, stupentibus omnibus iis qui curationi interdum intererant. In quibus præcipuè clarissimi viri Ianus Antonius Saracenus Medicus & Philosophus eximius: Amandus Polanus SS. Theologiæ Doctor, & Dominus

minus Georgius Ienischius illustrissimi VVenceslai à Zerotin medicus: præterea Antonius Macæus pharmacopæus, & multi alij, qui non immeritò illius casus admiratione tenebantur.

Dum hæc curabatur, vocatus fui vnà cum clarissimo Domino Iano Antonio Saraceno in Sabaudix vicum quendam ad rusticum, qui exigui vulneris contusi occasione supra dextrū os brevmatis maxima fractura cranij laborabat: unde fiebat vehementer, & delirabat, sinistro simul latere resolutum. Cute ad Y figurā iuxta cranij fracturā incisa, statim tria fragmēta ossis satis magna digitis extraxi. Inueni quoque in vulnere portionem cerebri ad nucis magnitudinem. Chirurgus eius prior (agebatur n. quintus dies) cum id vidisset, aiebat se desperare de salute. Verum admonitus cerebri vulnera interdum curari, nobis promisit summam se adhibiturum diligentiam. Nos omnia ad morbum & symptomata eius præcepimus. Cessauit febris, & delirium: latus paralyti laborans restitutum fuit. Verum cum reliqua fragmenta cranij essent extrahenda, & chirurgus ipsius propter imperitiam id negligeret, post hebdomadas aliquot in febrim aliaque symptomata recidit, & paucis post diebus à vita decessit, adeoque meræ suæ negligentix pœnas luit. Si enim fragmenta ossis, uti decessit, extracta fuissent, proculdubio plenissime sanus euasisset.




OBSERVATIO IX.

*Ex hydropo nervorum opticorum obstructio: idem-
que hydrops maxima hemorrhagia
narium curatus.*



EV T GEN à Thenhausen prope
Hildē homo robustissimus & sangui-
neus annum agens tricesimum inci-
dit in leucophlegmatiam maximam,
ita ut à vertice usque ad pedes intumuerit. Inde
obstructi sunt nervi optici, & sensim cæcus fa-
ctus est. Ad eum curandū cum essem vocatus v-
nā cum clarissimo doctissimoque Domino Ioā-
ne Slotano medico Doctore, utrique nostrū
visum est imprimis curandū esse hydropem, seu
morbum primarium & causam cæcitatis. Cura-
tio apozematis aperientibus & præparantibus,
necnon cathartici lenitius inchoata fuit. Sed
antequā valētiora exhiberemus, accrevit hæ-
morrhagia ex nare dextra, atque adeo magna, ut
subitò ultra libras 4 eiecerit: vnde in syncopem
eger incidit. Vocatus inveni ipsum semianimē:
sanguine tamen suppresso non tantū vires re-
stauratæ sunt, verumetiam ab hydropo, citra vl-
lorum aliorum remediorum usum, brevī curatus
est æger. Sed propterea quòd dehinc remedia o-
mnia respuit, à cæ citate non penitus liberatus
biennio post ex febris continua decessit.




OBSERVATIO X.

*Ex sternutatione nervorum opticorum obstructio,
& ex hac cecitas consequuta.*



DOLES CENS 14 annos natus & phlegmatici habitus cū æquali spō-
sionē fecit, posse se sternutare ad li-
bitum, imò etiam centies. Deposito
pignore cœpit ex immodica titillatione irrita-
tis naribus sternutare circiter centies & amplius.
Exin protinus correptus est dolore capitis & he-
betatione visus, qui etiam sequenti die deperdi-
tus fuit, citra tamē inflammationem oculorum,
aut febrim. Convocatis mecum clarissimis do-
ctissimisque viris Iano Antonio Saraceno &
Andrea Boneto, decretum est vt purgato cor-
pore setaceum adhiberetur collo, vti & scapulis
cucurbitulæ: atque his vsus reuulsionibus vi-
sum paucos pōst dies recepit. Hinc apparet quā-
tum hallucinētur, qui in nervorum obstructio-
ne aliisque morbis oculorum errhina & sternu-
tatoria præcipiunt & adhibent. Materia enim
quæ à vehemente motu ex cerebri ventriculis
ad nares trahitur, & circa os cribrosum accumu-
latur, transiens prope nervos opticos, ratione
propinquitatis eos magis magisque obstruit.
Obiicitur, purgationē vniuersalem præmitten-
dam errhinis: sed nunquam ita possit exonerari
cerebrum, quin tantum materiæ supersit, quan-
tum ad hanc exiguam nervorum opticorum ca-
pacitatem obstruendam satis sit.



OBSERVATIO XI.

Adolescens oculo perforato visum recepit.




VINDECIM annorum adolescentem sutoris filium Genevæ in vico diuæ Mariæ cum domino Ioanne Griffonio curavi, circa annū 1587, cui acus sutoria perforauerat adnatam prope Iridem: hinc factū vt humor aqueus statim effluerit, & adolescens illico visum planè amiserit. Oculo imposui in primo apparatu albumen oui cum aqua rosacea, & nonnihil croci: fronti autem defensiuum ex bolo Armenia, terra sigillata cum oleo rosaceo, paucāque cera & aceto in formam vnguenti redactum, inieci-que statim enema. Sequenti die catharticum exhibui, & anodynīs ad septimū vsque & ampliùs vulnus tractaui. Deinde collyrio ex aqua euphrasīæ, saccharo, & tuthia præparata cicatricem induxi. His curatus fuit nullo superueniente symptomate: haud multò post curationem visum quoque recepit. Dodonæus in suis obseruationibus simile aliquid refert.

Anno 1597 curavi filium Matthæi Barbotti ciuis & mercatoris Lausannensis: cui, infixā sagitta, perforata fuit cornea, qua parte cōspicitur Iris. Effluxit nonnihil humoris aquei, vnde cōtracta est cornea, & puer protinus visum amisit. Vulnus curavi ad modum suprà dictum: puer hic quoque non ita multò post visum recepit.

A N-

ANNOTATIO.

Omnino his ægrotis crystallinus humor cō-
 punctus nō fuit: est enim ille humor præcipuum
 instrumentum visus, ac sua propria continetur
 membranula Arachnoide: qua dilacerata, am-
 pliùs humor crystallinus officiū facere nequit.
 Effluxit autem in his aqueus tantum humor,
 quem natura in anteriorem partem inter vueam
 tunicam (quo loco duplicatur & inuertitur) &
 corneam locauit. Atque hic cū sit excremen-
 tum quod exudauit ex venulis illis, quæ in vuea
 tunica conspiciuntur, & circa locum humoris a-
 quei terminantur, aliquando renascitur, præ-
 cipuè in pueris, vt etiam eximius Anatomicus
 Realdus Columbus in suis Anatomicis scri-
 ptum reliquit. Id autem hīc norandum, vulne-
 rata pupilla visum recipi non posse, quanuis hu-
 mor crystallinus sit illæsus, & aqueus renasca-
 tur: vt in multis, ac potissimū in asclela gene-
 rosi viri Otthonis Schencki domini ab Horst
 ante annos aliquot obseruauī. Is cultello perfo-
 rata pupilla visū amisit. Curaui vulnus vt suprā:
 tamen visum non recepit. Ineuitalis enim ci-
 catrix impedit quominus radij eorum quæ vi-
 fui obiiciuntur ad humorem crystallinum per-
 ueniant. Ex quibus perspicuum fit in extirpanda
 ad pupillam cicatrice nihil temerè tentandum,
 ne malum incredescat, quod ex sequente obser-
 uatione patebit.




OBSERVATIO XII.

Ex cicatricis ad pupillam extirpatione gravissima symptomata.



NOBILIS puella ita laborarat variolis, ut & cornea unius oculi afficeretur pustulis: ex his relicta est cicatrix ad canthum maiorem, ad instar vngulæ quæ Græcis pterygion dicitur. Consuluerunt me parentes: sed cum responderem nihil hîc me posse præstare, adhibuerunt empiricum, qui negavit cicatricem esse, sed concretam materiam dixit in superficie corneæ, quam se facillimè & sine periculo abstrahere posse audacter affirmavit. Parentes confisi filiam ipsi commiserunt: at ipse admota manu dilaceravit corneam. Inde dolores vehementissimi, inflammatio, febris, aliâque graviora symptomata. Tandemque humores omnes exciderunt: unde tunicæ contractæ sunt, & oculus planè clausus. Honestissimam matronam Coloniae in vico nouo, Im Korb, noui, quæ in pueritia, ut ipsa retulit sæpius, laborauerat variolis: unde etiam cicatricem pupillæ contraxerat. Eam empiricus sibi commissam, non manu, sed medicamentis erodentibus se curaturum promittebat: sed incidit & illa in graviora symptomata: quippe effluerunt humores, contractæ sunt tunicæ: inde oculus tota vita clausus.




OBSERVATIO XIII.

*Ex ulcere circa fauces appetitus vitiosus, citra
quem cibus deglutiiri non poterat.*



MVLIEREM quadragenariam sæpius inuisi Coloniæ, quæ ulcere maligno circa fauces ex pituita salsa è capite destillate per annos aliquot laborauerat: adeò vt partes quædam palati, vt sunt amygdalæ, vuula, epiglottis, & portio gulæ, exesæ essent. Vix loquebatur: cibus & potum non nisi maximo cum dolore poterat deglutire. Hæc autem imprimis notatu digna: quod quamuis minimè grauida esset, interdum hæc vel illa prægnantis instar appetere, nempe haleces, carnes & pisces salitos & infumatos, aliósque concoctu difficiles cibos, vt & fructus immaturos. Deinde (mirum magis) quòd talia quantumuis dura sine dolore vllò deglutiret, si modò appeteret. Verùm appetitum & deglutitionem illam planè supernaturalem illi summo Dei beneficio accidisse non dubito: alioqui vita in tot annos protrahi & foueri non potuisset, cum nullo modo hordeatum, aut amygdalatū, vel carnum ius, aut tale quippiam sorbere posset, abhorrente stomacho: adeoque sæpissime totum triduum à cibo & potu abstineret, donec appetitus ille vitiosus denuò recurreret. Præterea quamuis quod appetebat morbo contrarium esset, eo tamen sine noxa vescebatur: quicquid autem respuebat, licet idoneum,

nauseam & nonnunquam paroxysmos febriles inducebat. Ex quibus intelligimus, non semper ægrotis seueriùs deneganda quæ natura summè appetit. Siquidè videmus & nōnullos haud priùs ex quartana aliisque morbis chronicis conualluisse, quàm illorum quantumuis vitioso appetitui satisficeret. Sed ea curatio non vsquequaque tuta est: imò neque ista mulier illo modo sanitatem recuperavit.




OBSERVATIO XIII.

Spina piscis gutturi infixa, biennio post excitato abcessu in externa colli parte extracta.



ANNO 1594 Colonia accessit ad me mulier laborans tumore insigni ad maxillæ inferioris partem dextram: qui tumor sese ad asperam vsque arteriam, aurem & furculam extendebat, repræsentabátq; steatoma: mollis erat, sine inflammatione. Imprimis emollientia & discutientia per aliquot dies applicui: sed cùm viderem his nihil profici, causam penitiùs inquisiui. Illa respondit se ante biennium inter edendum spinam piscis deuorasse, quæ œsophago adhæsisset, indeque statim exortum dolorem maximum, ita vt difficilè cibum & potum deglutire posset: tandem dolore sedato collum paulatim intumuisse. Ex hac declaratione cognoui spinam aut ipsius

ipsius portionem adhuc remanere: hinc ad suppurantia confugi. Suppuratus tumor à Ludouico Gandorpio chirurgiæ studioso, cui proficiscens curationes commiseram, incisus est. Manavit materies plurima: spina post apparuit, quam ipse integram & incorruptam extraxit. Vlcus post paucos dies coaluit.





OBSERVATIO XV.

Mulier officulum deuoratum, quo penè suffocabatur, septimo tandem die egesit.

A NNO 1592 Metzgen auff dē VValber in Hilden, officulum vndique peracutum deglutiuit. Primo, secundo & tertio diebus prouocato vomitu, neque egerere, neque trāsglutire potuit. Vocatus tandem quarto die, inueni collum intus & extrā inflammatum, ita vt vix inspirare aut exspirare, vel etiam iuscula forbere posset. Urgebant dolor vehemens, febris, delirium & conuulsiones. Cū officulum neque vomitu, neque instrumētis vllis depelli, nedum extrahi posset, sed iam in ipso gutture abscessum procreasset, anodynis quantum potui dolores sedauī, & suppurationem prouocaui. Intus decoctum ex radicibus althææ, semine lini, fœni-græci & cydoniorum, cum oleo amygdalarum dulcium per siphonem inieci. Exterius autem collum inunxi oleo anethino, liliorum alborum,

& amygdalarum dulcium: & cataplasma ex farina fabarum, floribus chamæmeli, meliloto, semine lini, fœnigræci, coctum in hydrelæo adhibui. Interim etiam aliquoties enemata inieci, & vires iusculis conseruaui vsque ad septimum. Tùm per os reiecit plurimũ puris, simulque ossiculum, cuius magnitudinem & figuram hîc subieci: sicque liberata & breui curata fuit.




OBSERVATIO XVI.

*Quidam per imprudentiam deuorans frustum
cor, ypropemodum suffocatus, tandem
conualuit.*



ANNO 1594 mense Maio, ciuis & sutor Colonienſis, è regione diui Laurentij habitans, inter confabulandum ore continebat corij frustum, quod illo præ riſu hianſe gutturi ſe inſinuauit & infixit. Prouocauit ſtatim vomitum: ſed neque regerere, neque deglutire potuit: quapropter homo ille propemodum ſuffocatus eſt. Vocatus vnà eum clariffimo doctiſſimoque viro Domino Ioâne Kuenio Bridembachio Medico D. protinus inieci gutturi deco-
tum

Stum emolliens ex radicibus althææ, seminis lini, scenigræci, cum oleo amygdalarum dulcium: deinde stylo argenteo incuruo corium ad capacitatem stomachi depuli: quod post semestris spacium per aluum egressit.



OBSERVATIO XVII.

*Inciso cadavere, gibbositatis causa abdita, inuenta
est in cranio: vertebrarum cariøsa paries
in media ferè pulmonis substan-
tia deprehensa.*



DOLESCENS à pueritia gibbo & asthma vexatus, tandem ex phthisi obiit circa annum ætatis decimū sextum. Huius cranium aperui præsentē clarissimo doctissimoque Esaia Colladone Medico Doctore & Philosophiæ in Geneuensi Schola professore ordinario. Inveni processum siue interstitium aut septum illud quod eminet in medio ossis Ethmoidis seu cribrosi (qui processus crassitiem papyri excedere vix solet) in latitudinem & altitudinem ita auctum, ut fere totum os cribrosum obtegeret: adeò ut foramina huius ossis, per quæ pituita ex cerebro ad nares solebat affluere, planè oppleta viderentur, & quantumvis percocto cranio vix eorū vllum pateret. Denique ossicula superioris maxillæ, quæ in magno oculi cantho conspiciebantur, adeò excreuerant, ut septum nasi hincinde propemodum attingerent. Hanc

præcipuam fuisse gibbositatis causam verisimile est. Cum itaque pituita per nares minimè posset expurgari, versus spinalem medullam tendebat: sicque vertebræ earumque cartilagines assiduò irroratæ pituita viscida & relaxatæ tandem excreuerāt in gibbum maximum. Illud prætereà in hoc cadauere notādum viscebatur, quod sexta, septima, octaua, nona, & decima vertebræ metaphreni, quæ gibbum efficiebant, exesæ erant carie: præcipuè autem octaua & nona: quarum nihil præter exteriorē semicirculum cum suo processu conspiciebatur. Interiores autem partes harum vertebrarum in quatuor aut quinque partes fractas non sine admiratione in ipsa media pulmonis substantia inueni. Pulmo in ea parte quæ dorsum respiciebat vlcere magno & calloso laborabat, per quod ea fragmenta ex continuo pulmonis motu attracta fuisse dubium non est. Postremò erant ossa omnia à collo usque ad pedes, præcipuè vertebræ, os sacrum, os pubis, ossa pedis, denique omnes epiphyses siue appendices præter consuetudinem molles ac tenellæ, ut fere instar ceræ tractari possent.



OBSERVATIO XVIII.

*Ex scirrho & ulcere cancroso in intestino
caco exorta iliaca passio.*

THEO-


H E O D O R I auff der Koulen in Hilden puerum aliquoties inuisi, qui dolore fixo & continuo sub regione hepatis per annos aliquot laborauerat. Eo tandem ex grauissima Iliaca passione mortuo, vocatus sum vt causam præcedentis doloris inquirerẽ. Aperto corpore inueni intestinum cæcum contractum, in intestinum ileum sese insinuassee, idque opletuisse adeò vt nihil ex superioribus intestinis ad colon permeare posset: inde iliaca. Denique fisso ileo, & exempto cæco, id vbiq; inflammatum & prætumens inueni. Præterea scirrhus exulceratus, aut potius cancer exulceratus in ipsius cæci intestini fundo conspicebatur.

ANNO TATIO.

Diuersæ constituuntur causæ iliacæ passionis, quam nonnulli Miserere mei appellant. Præcipua autem est ilei constrictio & coarctatio. Itaque huius rei indagandæ causa diuersa cadauera inspexi: & quamuis vtplurimum fœtor adeò teter erat, vt vix possent exquisitè omnia considerari, id tamen in omnibus hætenus obseruati, principium & originem huius morbi fuisse circa intestinum cæcum: hoc est, sacculum qui in fine ilei & coli principio conspicitur.

Quamobrem existimo valvulam, quam præclarissimus D. Casparus Baphinus anatomicus insignis in principio intestini coli inuenit, primum ex intestini cæci inflammatione adeò contrahi & constringi, vt nihil quicquam excrementorum permeare possit: sicque accrescere inflammationem, vt tandem totum intestinum

ileum, imò & circumiacentes partes gangrænae & sphacelo corripiantur: vt obseruavi in omnibus quos præter prædictum puerum hætenus dissecui.




OBSERVATIO XIX.

Hydrocardia.

GEORGIVS Benedictus pharmacopola quinquagenarius scirrhus hepatis, obstructione splenis & venarum mesaraicarum, item dolore continuo tum capitis, tum circa omoplatam dextram, necnon destillatione ad pulmones, tussis, & nonnunquam palpitacione cordis aliquot mensibus vexatus est. Mortui cadaver incidi, & inueni pectus plenum serosi humoris: pulmonis dextram partem propemodum absumptam: sinistram non mediocriter inflammata & pleuræ costisque mediante callo quodam firmissimè adhærentem. Sed, quod mirabilius, in pericardio ultra libras quatuor sanio sanguinis & materiæ purulentæ inueni. Nullum tamen indicium solutionis continui, neque in ipso corde alioqui externa sui parte leuiter inflammato, neque in pericardio: nec patebat via vlla per quam materia & aqua illa serosa ad pericardium percolata fuisse videretur. Id tamen ex ipso nonnunquam audiui cum æger esset, percipere se interdum ad partem colli vtramque, quæ carotides arteriæ ascendunt, frigidissimum quendam humorem ex capite delabentem ad pectoris

ris regionem. Dissectioni interfuerunt clarissimi & doctissimi viri, Ianus Antonius Saracenus: Marcus Offredus: Andreas Bonetus: Saluator Verdetus: Georgius Ienischius Medici doctores, & quamplurimi alij.



OBSERVATIO XX.


Ex umbilici abscissione subita mors.



DOLESCENTI vulnus exiguum inter umbilicum & costas mendas acie gladij inflictum est: mox is procumbens humi quamprimùm expiravit. Vocatus, miratus sum eum tã leui vulnere accepto, & circa locum, mea quidem sententia, haud ita periculosum, tam subitò decessisse. Sequenti die, cadauere dissecto causam peruestigans, inueni interiora omnia illæsa, præter umbilicalem venam, in adultis ligamentum potius: quæ quidem vena planè abscissa fuit.

ANNOTATIO.

Infans quandiu gestatur utero, per venã umbilicalem ad se trahit alimentum. Nato puero vena illa (ne penitus sit inutilis) sensim indurefcit in ligamentum, cuius beneficio hepar umbilico alligatur. Ligamento autem abscisso hepar sursum retrahitur & diaphragma adeò comprimit, vt homo neque inspirare, neque expirare possit: imò suffocetur ilico.



OBSERVATIO XXI.

*Infans eruptione facta matricem lacerat, totò-
que capite in ventris capacitate dela-
psus, contracta matrice strangu-
latus deprehenditur.*



ANN O 1593. 21. Aprilis Coloniae
praesentibus clarissimis ac doctis-
simis Ioanne Slotano & Henrico
Palantio M. DD. dissecuri aurificii
uxorem ex parturitione mortuam.


Comperta est matrix erumpente infante lace-
rata, eiusque caput in laeuam ventris capacita-
tem demissum: eademque matrix, pars nervosa,
circa infantis collum contracta, quae ipsum pro-
culdubio suffocarat. Mater totos vndecim dies
parturiens fuerat, frustra adhibitis obstetrici-
bus, meque tandem ipso pridie ante obitum
cum multò antè mortuus esset infans in vtero,
solo extante laeuo brachio quod propendebat.

ANNOTATIO.

Fœtus in vtero mortuus variè extrahitur. Ali-
as apprehensis pedibus, alias capite, nempe ve-
l ori, vel oculis, aut naribus, aut denique sub mē-
tū infixis hamulis. Prior modus naturali partu
cōtrarius: alter videtur congruus. Verumtamen
si quis ad hunc modum infigat hamulos, non nisi
vi magna, & vicinarum partium periculo potest
fœtus extrahi: propterea quòd caput aut obli-
quum, aut transuersum adducitur.

Hæc mihi perpendenti occurrit breuior &
tutio

tutior quædam methodus, quæ à me hæcenus
 usurpata ex voto successit. Ergo si fœtus in ute-
 ro situs est præter naturam, siue transversus, siue
 obliquus, aut inuersus, vel simili quouis situ, so-
 leo manum inunctam oleo liliorum in uterum
 immittere & ad naturalem situm fœtum reuo-
 care, quantum fieri potest. Tum adducto capite,
 aliquantulum aperio viam speculi beneficio: i-
 psoque infantuli capite apprehenso perforo cra-
 nium terebello infrà figurato, idque in vertice.
 Ne autem terebelli cuspis interea colli matri-
 cis partem aliquam compungat aut vulneret,
 priùs immitto fistulam, deinde per eam terebel-
 lum. Perforato cranio extraho terebellum, & fo-
 ramini infigo hamulum infrà quoque figura-
 tum: tum leniter leuiterque fœtus extrahitur. Id
 cum aliàs tum recens anno 1597 21. Nouembris
 Lausannæ in honestissima matrona feliciter suc-
 cessit. Si membrum genitale intumuerit, com-
 primendum est cranium, vel incidendum in ver-
 tice, vt euacuato cerebro caput infantis faciliùs
 transmitti possit.




A Fistula, per quam immitendum terebellum,
ne ipsius cuspis vuluam pungat.
B Terebellum.

C Ha-

C Hamulus.

D Defensorium, quod interim dum immittitur hamulus, retrò versùs manubriũ demittitur: infixo autem hamulo, rursus adducitur: nempe ut si effugeret hamulus, defensorium tamen impediret quominus vulva laceraretur.



OBSERVATIO XXII.

Cultri oblongi dimidium lumbis infixum biennio post extractum est, relictæque inde



fistula, sanata.



ANNO 1591 adiit me iuuenis robustissimus optimique habitus, laborans perangusta quidem, sed profunda & perpetuò dolorifica fistula ad dextram spinæ dorsæ partem circa quartam vertebrae lumborum. Is narrabat sibi ante bienniũ cultro illatum vulnus in quodam tumultu: quod à nemine hæctenus curari potuisset. Dilatata fistula trochiscis de minio & spongiis præparatis, itẽ radicibus gentianæ, inueni in ima parte oblongi cultri dimidium, cuius mucro defixus fuit inter tertiam & quartã vertebrae, reliquũ callo obductũ. Inciso callo extraxi cultrum: cuius longitudo cum latitudine hæc spectatur. Exin mundificato vlcere cum puluere præcipitato, & unguento quod vocant Apostolorum, iuuenis breuĩ conualuit.

Id autem hæc insigne, quòd à vulnere accepto

ad extremam vsque curationem, vix vnquam febricitarit: nedum passus est inflammationem, spasmus, dolorem acutissimum, & reliqua symptomata quæ solent saucio dorso accidere grauissima.



OBSERVATIO XXIII.

Adolescens per umbilicum excernens: in cuius dissectione se decim observationes luculentæ.



DOLESCENS duodecim annos natus cacochymus tumore insigni, duro, & dolorifico musculorum rectorum abdominis ad umbilicum laborabat. Rupto tumore excrementa hæc viam iniêre vt per hebdomadas quatuor vel quinque, nihil per aluum egestum sit.

1. Aperto ventre inuenta sunt excrementa in vacuo, intestinis suffusa.

2. Intestina præter naturalem situm, miro quodam modo intertextæ.

3. In colo versus hypochondria sinistra vlcus oblongum & callosum.

4. Colon in maximam capacitatem distentum, vt ventriculum potius esse, quàm intestinum,

num iudicaturus esses.

5. In fine mesenterij tumor insignis & prædurus intestinum rectum adeò comprimens, ut exinde nihil excerni posset.

6. Quod reliquum fuit excrementorum in intestinis, adeò induratū, ut lapides potius quam excrementa viderentur.

7. Totum mesenterium, pancreas, item intestina, & vena porta tumoribus scirrhis scattentia.

8. In imo ventriculo vlcus.

9. Tubercula glandulosa pylori in scirrhum maximum aucta.

10. Lien firmissimè costis hærens.

11. Circa vasa splenis, venam portam & caenam steatomata & scirrhi non pauci.

12. Hepar exangue & scirrhosum.


13. Diaphragma vndique tumoribus scirrhis & steatomatis scattens.

14. In pectore & pulmonis substantia, item circa cordis vasa, œsophagum & asperâ arteriam scirrhi quamplurimi, & steatomata penè innumerabilia.

15. In pericardio ichoris magna copia.

16. In cordis acumine tuberculum album ad nucis auellanæ magnitudinem.

Dissectionis testes doctissimi, Petrus Canalis, Georgius Ienischius M. D. Philibertus Saracenus, & M. Simon chirurgus.



OBSERVATIO XXIII.

Lapis in vesica fellis. item vermis.

ENEROSVS vir Conradus à Stimberg pituitosus & cacochymicus, obstructionibus viscerum, vlcere maligno ad genu sinistrum, interdum etiam icteritia annis aliquot laborauit: ac tandem obiit ex febris Dusseldorpiæ Sept. 26. 1582. Incidi & condij. cadaver cum præstantiss. Cosma Slotano coram Clariss. ac doctiss. DD. Reipero Solinādro, & Galeno VViero. In vesica fellis inuenimus lapidem durissimum ad nucis iuglandis magnitudinem, anteriùs atrum, posteriùs croceum.

ANNOTATIO.

Concreſcunt lapides in corpore humano, ex viscidis & pituitosis humoribus calefactis. Et quamuis id in vesica fellis propter viscidum humoris absentiam perrarum, aliquoties tamen inuentum Dodonæus etiam annotauit.

Sed quid rarius, quid admirabilius, quàm gigni vermes in vesica fellis? Attamen præstantissimus Galenus VVierus, vir probus & fide dignissimus in illa dissectione, ac deinde sapius domi suæ Dusseldorpiæ mihi priuatim retulit se inuenisse vermem in vesica fellis. Quod sanè mirabile, cùm nihil sit in corpore humano felle amarius, cùmque & hominibus & brutis, ipsisque adeò plantis, vt testatur Galenus, amara omnia aduersissima sint, & ad nutritionem inepta.

*Vermis in
vesica fel-
lis.*



OBSERVATIO XXV.

*Inciso cadavere rara plurima observa-
tu digna.*

AMEDEVVS quidam Faber lignarius quadraginta annos natus, biennio variis per intervalla morbis, dolore capitis, ictero, viscerum obstructionibus, imò etiam cachexia, postremùm etiam dolore ischiadico laboravit: tandèmque extinctus est aucta Febri cum paraphrenitide 19. Aprilis 1596.

Incidi cadaver corà DD. Georgio Ienischio & Philiberto Iani Antonij Saraceni filio. In dissectione visa sunt observatu digna quæ sequuntur.

1. Omentum inflatum & corruptum.
2. Intestinum Colon præter consuetudinem arctum circa ilia sinistra.
3. Inter collum vesicæ & intestinum rectum, tuberculum scirrhosum, ex quo sæpe urinae difficultas, ac interdum etiam ischuria.
4. Ad rotatorem femoris dextri ingens abscessus humorem purulentum copiosissimum supra libræ pondus continens: hinc erosio articuli ligamentis, imbibitis etiam musculis luxatio, quam passus erat æger.
5. Sub musculo psoa sinistro, cui rē incumbit, quique in cruris interiorē partem inseritur, ingens atheroma ultra libras duas puris

crassioris continēs: ibidēque tres aut quatuor
lumborum vertebræ ita carie affectæ, vt earum
frustula coram adstantibus extraxerim digitis &
attriuerim. *XXX. OITTA.*

6. Intestina vermibus scatentia.

7. Tumor scirrhusus, suppuratus, & ad in-
star steatomatis, magnitudine duorum pugno-
rum, ortus ex inferiore parte pancreatis intesti-
num duodenum circundederat, sic vt peritonæo
tectus, alterum quasi ventriculum mentiretur.
Materia per ramos venæ portæ in ipsum pan-
creas desinentes affluebat.

8. In hepate scirrhuso apostemata exigua
multa.

9. Lien totus corruptus multos continebat
calculos.

10. Pulmo inflammatus, multis grandinibus
refertus.

11. In superficie sterni, ad clauicularum cō-
iunctionem atheroma oui magnitudine.

12. Apostema sub ala dextra, inter pleuram
& costas maximi pugni magnitudine & graueo-
lens, cuius purulenta materia quartam, quintam
& sextam costas exederat. Atque adeò non mo-
dò diuulsæ erant costæ à vertebris, sed & sum-
ma parte qua vertebris iunguntur vsque adeo
carie corruptæ, vt facilè eximi digitisque friari
possent.

13. In cranio dura mater inflammata.

14. Dura matre detracta, tumor scirrhusus
& latus in pia matre ad sinistram falcis partem.
Hæc nimirum fuit causa doloris capitis, qui to-
tum biennium perseuerarat.

15. In-

15. Inter meningas & cerebrum ichor multus.
16. Plexus choroides inflammatus.
17. Circa cerebri basin & cerebellum felibra sanguinis & ampliùs è iugularibus internis affluerat.

ANNOTATIO.


Intestini coli angustiam naturalem in sinistra parte D. Gaspar Bauhinus Anatomicus insignis annotavit. Huius causa dolores Colici in ea parte plurimùm & oriuntur & exacerbantur: quippe angustia illa facilè obstruitur ab excrementis, quæ in colo filamentis rectis (vt D. Rondeletius diligenter annotavit) diu retinentur, ideòque indurescunt.

Psoæ musculi Galeno lib. 6. de dissectionibus musculorum sic dicti, renibus subiacent, & Vesilio sunt femur mouentium sexti. In his nonnunquam oriuntur apostemata gravissima & periculosa. Memini peritissimum Cosman Slotanum accitum ad honestiss. matronam in Gerstheim, eam inuenire decumbentem cum acutissimis doloribus circa lumbos, feбри, lipothymia & vrinæ difficultate. Is cum ex doloris specie aliisque indiciis cognosset apostema internum esse, (exterius enim nihil apparebat, nec tactu quicquam apprehendi poterat) vitæ periculum prædixit, nisi fortè aperto hypochondrio illo contentus humor efflueret. Annuentibus amicis, ipse ad spinæ dorsi latus, cutim & musculos exteriores ad psoam vsque incidit nouacula. Effluxit copiosus humor purulentus & foetidus.

*Abscessus
in psoæ
musculo
apertus.*

Ab eo tempore mitigata sunt symptomata omnia, & ipsa breui restituta vixit & valuit multis annis.

*Delineatio instrumentorum quibus Autor vititur
in extrahendo globulo, cuius fit
mentio pag. 39.*



GVLIELMI
F A B R I C I I
H I L D A N I
D E G A N G R A E N A E T
S P H A C E L O T R A C T A T V S
M E T H O D I C V S :


In quo

Horum morborum differentiæ, cau-
sæ, signa, prognosis: ac denique
methodica curatio.



M. D. XCVIII.

Л. А. ГАРЯЙ

[illegible]

M. D. XCVIII



LECTORI.



EXPERIVNDO discimus, *Candide lector, corporum nostrorum morbos plerosque & symptomata analogia quodammodo esse ad ingrauescens mundi senium sua tum malignitate, tum difficultate & contumacia. Testes è re nata superiorum annorum variolæ locis plurimis ita curationi repugnantes, imò & malignæ, ut præterquam quod sublatis sunt innummeri tum pueri, tum etiam adulti, in illis quoque qui euasere, grauis quissimam, malignus atque contumax affectus relictus animaduertatur. Vnde sæpius eiusmodi egrotantibus curatione adhibita sæpe subierit dicere, melius ac foelicius fortassis agi cum iis qui variola magna conflitantur, quam cum iis qui variolis illis infestantur. Hac porro nobis omnia, primum quod corrupta hominis natura, siue caro, vetus Adamus, indies augefcit prauitate, malitia & contumacia in Deum: qui idcirco iure suo ingeminat maledictiones, plagas & cetera mala quorum mentio in libris Legis. Deinde etiam, quia corpus humanum hodie multò mollius est & infirmius, quam olim propter summam in rebus omnibus intemperantiam: hinc infirmato innato calido, ut iam nequeat morbis obsistere, maligniores & curatu difficiliiores ipsi morbi euadunt. Vix autem est alius isto de quo agere instituimus, lamentabilior atrociorne. Nam præter dolores & cruciatus longè*

maximos, quos secum inuehit, quid tandem misero
 tabescenti funestius, quàm si vino sibi videat mem-
 brum unum aut plura sensim putrescere ac emori?
 Etsi porro idem morbus perpetuo sat malignus & cō-
 tumax extiterit, sit tamen cum alijs plurimis in dies
 deterior, atque contumacior. Quamobrem debet chi-
 rurgus assiduò meditari qua tandem via queat eò
 valentiùs tam dire lui sese opponere. Hac ex causa
 & ipse in manus resumpsi nuperrimè meum tracta-
 tum de Gangrena & Sphacelo Coloniae ante annos
 quatuor & ampliùs editum: atque cùm viderem pro-
 bari quidē compluribus doctis ordinē & methodum
 qua in illo fueram usus, at breuitatem non item,
 perscrutatus sum quàm diligentissime quaecunque de
 hac materia scriptores utroque aeo clari disserue-
 rant, eorūque doctrinam secutus praxin & expe-
 rimenta mea varia recens adieci. Nimirum ante
 viginti annos chirurgiam faciens & vidi curari, &
 curavi ipse quamplurimos, eiusmodi morbis consti-
 tutos, utens praestantissimorum philosophorū, medi-
 corum & chirurgorum consuetudine & familia-
 ritate. In summa, dedi operam ut fusiùs id genus
 argumenti tractarem vitato tamen, quoad licuit,
 prolixitatis radio: ea in medium asferre contentus
 qua ad horum morborum cognitionē & curationem
 methodicam attinēt maxime: Neque verò aliud in
 animo fuit quàm ut infelicibus agris leuamē aliquod
 asferrem, chirurgia verò candidatis adminiculum.
 His enim solis opellam meam consecraui, non item
 eruditis & plurimū exercitatis, quibus eam non
 nisi inutilem esse posse satis superque noui. Tracta-
 tionis autem ordo huiusmodi est. Primò definimus
 & explicamus quid sint Gangrena & Sphacelus.

Dein

Dein omne gangrana genus ad tres reuocamus causas, Intemperiem, Qualitatem occultam, & spirituum Interceptionem: uti reuera non est gangrana genus ullum, quod non ad aliquam harum trium causarum referre possis: quas quidem in uniuersum primum, dein etiam sigillatim declaramus. Insuper enumeramus signa ex quibus tum agnoscuntur, tum etiam distinguuntur gangrana species: simulque prognostica. Tandem gangrana & sphaceli curationem persequimur. Medicamenta uero ea tantum proposui, quae ratione & autoritate ac simul etiam experientia comperi praestantissima, & quibus tuto Chirurgus fidere potest. Caterum quamuis passim ea tractamus quae uerius Medicos spectant, puta victus rationem, & preparationes purgationesque agrotantibus necessarias: non eo tamen facimus, quod existimemus licere Chirurgo, nedum coequis & ceteris imperitis Medici partes praesumere: uerum ut Chirurgus ruri aut alibi medici ope destitutus, ualeat tamen ea ex tempore praestare quae agrum iuuent. Gangrana enim ceu morbus acutissimus presentissima poscit remedia, quorum alioqui dilatio ac retardatio agris nimium perniciosa. Sin Chirurgus Medici consilio uti potest, erit utique illius praesentia magno tum solatio tum etiam leuamento: adde quod non tam facile Chirurgi periclitabitur existimatio, si curatio non e voto successerit. Quod ad nostrum dicendi genus attingit, etsi rude id ac impolitum esse lubens agnosco, nil tamen sum moratus, excusante Celso, dum scribit, Non eloquentia sed remediis morbos curari. Tu interim Candide lector, hunc nostrum qualemcunque laborem aequi bonique consule, & ex eo quencunque poteris factam capito, ad agrorum leuamen & Dei

*Opt. Max. gloriam: cuius sacrosancta benedictione
omnia commendo. Vale.*

~~~~~  
EPIGRAMMATA IN GVLIEL-  
MI FABRICII HILDANI CHIRVR-  
gi experientissimi tractatum  
de Gangræna.

CAROLI V TENHONII.

**E**ST πᾶθος in nobis Γενῶν δὲ θῶτον, hoc est,  
Carnem quod erodendi habet vim emortuam,  
Gangrenam Celsus vocat hanc, Herpestida vates  
Lucilius, Aegineta Sphakelon nuncupat,  
Non malè quæ dici fors mortificatio possit,  
Si scenerare eam à Theologis fas fiet:  
Sed licet & fas est: Nam mortificatio cen nos  
Cœlo beare carnis unica est potis,  
Sic quoque Gangræna aduersus contagia quod tu  
Gulielme alexipharmakon nobis paras,  
Ernuere à diri pote nos est faucibus Orci,  
Qui pignerârat ante tot letho senes.  
ΣΑΡΞ ΟΛΟΣΩ' ΟΥΘΕΝ ΣΑΥΡῶ  
ΔΥΝΟ ΒΙΟΣ.

~~~~~  
IOANNIS KHVENII BRID-
bachij Colonienfis Medici.

Quid Gangræna mali sit, quasi cõtagine serpat,
Quæ causâ generent illam, quæ signa reuelent:
Hic tibi Fabricius noster miro ordine tradit:
Sitque malum quamuis penè immedicabile, membra


Omnia

Omnia depascat latè, voret, hauriat, vrat,
 Vicinàsque trahat paries, & labe pererret
 Denastètque sua, & membro dominetur in agro,
 Ille tamen Curam docet, & medicamine tolli
 Quo possit. Quòd si verò medicamine tolli
 Non possit, ferro ut penitus tollatur & igni
 Demonstrat, curaq; tibi compendia ponit.
 Quisquis aues igitur decus immortale domando,
 Tam furiale malum, famamque parare perennem,
 Hunc lege: Nanque malum lecto furiale domabis,
 Atque tibi famam & decus immortale parabis.

IOANNIS SLOTANI P. ET V. M.
 Doctoris Colonienfis.


Fabricij ex incude venit quod opus repolitur,
 Inunctum docto est fonte Machaonio.
 Hoc calet ingenij, sed adhuc quoque doribus artis
 Chironis nostri Fabricijque decus.
 Quis focus Antoni, quæ causa, quomodo possit
 Defendi, seu quæq; medela docet.
 Hic focus irrepens cœlestis fulminis instar
 Euolat, arte sua Frabricijque domat.
 Lumina magna minus velut obfuscare videntur,
 Ingenitum solet hic sicq; operire focum.
 Susciat huc ignem, velut & freno tenet illum,
 Et reuocat propè quos cymba Charontis habet.
 Roma viros habuit magni quoque nominis olim
 Fabricios, manet & gloria perpetua,
 Insignes habuit quæ & habet Germania multos
 Fabricios, sua qui iura sciuntque sacra.
 Hic tamen ut (patet hinc) clarus sit in arte medendi

*Chiron, & liber hic testis apertus erit.
Hunc igitur totis vlnis heus excipe librum,
Lector, & hunc mentis collige, quaso, sinu.*



MATTHIÆ QVADI.

Accipito placidè quem dat gratante libellum
Pectore Fabricius, Lector amice, tibi.
Quid Gangrena ferox, sphacelòsq, truciſſima quid ſit
Effectu & quàm ſint exitioſa ſuo:
Quis ſit progressus tantorum & cauſa malorum,
Præterea qua ſint arte leuanda docet.
Fonièque ut è paruo violentus naſcetur amnis
Et minimos ortus grandia quæque tenent:
Sic te principijs monet horum obſtare, paranda
Poſtea ne fruſtrà ſit medicina tibi.
Tunc etenim in medico non eſt releuetur ut ager,
Cum mala per longas inualuère moras.



BALTHASARI GLAVSCRI- ftiani Bernenſis.

Romana ſi gentis honos Fabricius olim
Dictus, ſi patriæ gloria magna ſua:
Te meritò, Guilhelme, facit Germania pluris,
Fabri qui clarum de patre nomen habes.
Ille etenim multos occidit, ſanguine multos
Exhauſit, multis cauſa doloris erat.
Tu reparas multos: multis medicina dolores
Quam præbes tollit: pluribus illa leuat.



DE GANGRAENA ET SPHACELO TRACTATUS METHODICVS.

CAPVT I.

Quid Gangrana & Sphacelus.

BENE Cicero: Omnis, inquit, quæ à ra- Cic. Off.
lib. I.
tione suscipitur de aliqua re institu-
tio, debet à definitione proficisci: vt
intelligatur quid sit id de quo dispu-
tatur. Omissa enim definitione, fluctuat tracta-
tio. Est autem definitionū genus duplex: vnum
quo rei nomen duntaxat declaratur & nonnihil
illustratur: veluti quum etymī ratio affertur: al-
terum, quo plenius rei natura siue essentia ab-
soluitur. Illam nominis, hanc rei definitionem
Dialectici. De gangræna agentī nominalis erit
definitio illa latior etymologica, Gangræna est
morbus carnem exedens. Siquidem Græca vox
gangræna deducta est ἀπὸ τῆ γράειν, siue, vt He-
sychius, γράειν, hoc est, exedere, siue rodere. At
essentiales gangrænae definitiones plures sunt a-
pud idoneos Scriptores Medicos vtriusque æui:
quarum tamen nonnullæ descriptiones potius
quàm definitiones. Medicarum definitionum
author ait, Gangrænam esse mutationem colo-
ris naturalis in colorē præter naturam, & mor-
tificationem, siue adsit exulceratio, siue absit.

*Galen. li.
de tumo-
ribus præ-
ter nat.*

Galenus sic videtur definire, initium mortificationis in parte ægra, quæ paulatim sic inuadit & occupat partes vicinas & adiacentes: vt nisi

*Galen. in
lib. Hippo-
cr. de ar-
ticulis cõ-
ment. 4.*

afferatur remedium, perfecta subsequatur mortificatio. Idem Galenus dicit gangrænâ esse dispositionem mediam inter summas inflammaciones & sphacelum, eamque inflammationibus tantò deteriore, quò mitior est gangræna

*Lib. 2. ad
Glaucō-
nem.*

sphacelo. Idem Galenus de gangrænis quæ inflammationibus accidunt, ait tum credi membrum gangræna affectum, quum propter summam inflammationem tendit ad mortificationem, nec tamen planè mortuum est & sensus

*In Hippo-
cr. Apho-
ecomm. 50. sect. 7*

expers. Alibi dicit locum censerî gangræna affectum, quum propter summam inflammationem incipit mutari color & perire sensus, tenditque ad mortificationem. Omnes omnium definitiones aut descriptiones afferre infinitum fuerit: superiores satis sint, ceu ex quibus etiam reliquæ omnes deriuatæ ac penè transcriptæ videntur.

*Gāgræna
definitio
essentia-
lis.*

Nos quidem vt eam gangræna definitionem colligamus, quæ & brevis & accommodata sit omni gangræna ex quacunque causa orta, statuimus Gangrænâ esse dispositionem partium tum carnosarum, tum spermaticarum ad perfectam mortificationem: Vel, Esse mortificationem earum ipsarum partium imperfectam. Similiter & sphaceli tradenda definitio, quâdo & de eo simul & semel acturi sumus, cum haud ita dissimilis sit affectio, imò in eam sæpius superior degeneret. Sphacelus igitur siue Sphacelismus & Syderatio Latinis, est plena & perfecta mortificatio supradictarum partium:

*Sphaceli
definitio
essentia-
lis.*

nec

nec ossium duntaxat (vti sæpius vsurpatur apud Hippocratem) verum & cæterarum omniũ plus minũsve solidarum, nempe carniũ & vasorum, vt speciatim docet Galenus libro de tumor. contra naturam. Reliqua sphaceli significata ab hoc instituto aliena repetat qui volet eiusdem Galeni li. 2. de locis affectis. Scio (quod *Distinctio gangrenæ à sphacelo.* & locis suprà citatis notauit Galenus) sæpe gangrænam pro sphacelo & contrâ perperam accipi: verum ista exquisitè sic distinguuntur, vt gangræna sit mortificatio etiamdum in fieri, vt Phyfici loquũtur: sphacelus autẽ, iam facta mortificatio, loci inquam substantiã iam corruptã, ipsõque loco iam sensus experte, siue pungas, aut feces vrãsve. Vnde & gangræna solas partes molliores inuadit: sphacelus autem atrocior, præter has, duriores quoque partes, ossa & cartilagine depascitur.

CAP. II.

Gangrenæ & Sphaceli causæ vniuersales.

GANGRÆNAM & Sphacelum definiuimus mortificatione: hunc quidem perfectam, illũ autem imperfectam. Cũ autem mortificatio sit vitæ extinctio, ac proinde innati calidi destructio, vtpote in quo vita verissimè consistat, videndum quot modis & quibus ex causis contingat innati calidi extinctio & perditio. Nam eadem causæ si corripiant membrum aut partem corporis, prout plus minũsve sunt efficaces, parti illi vel sphacelum, vel gan-

grānam inducunt: ac plerunque prout augetur gangrānam quidem prius, deinde verò sphacellum. Non potest autem innatum calidum existere sine humido suo radicali & spiritibus fixis in omnibus corporis partibus, adeò vt grauiter læso humido radicali, innati calidi fomite & alumnus, læsis item spiritibus, in quibus tanquam subiecto insidet, ipsum quoque ledatur innatum calidum. Humidum autem radicale resoluitur, dissipatur & absimitur, cibo quotidiano non satis reparatum & instauratum: vel si occurrat illi alienus calor vehemens & diuturnus: aut etiam si concreascit & veluti fixetur cogatur acutissimo frigore. Sic etiam spiritus, qui partibus affixi ipsum tum humorem radicalem, tum innatum calidum comitantur, possunt vel dissipari, vel suffocari, vel infici. Dissipantur negata refrigeratione & recreatione per influentes spiritus, qui à partibus primariis continenter communicantur ac distribuuntur reliquo corpori per nervos, venas & arterias. Suffocantur abundante humore: siquidem innatum calidum assidue ventilationis egens, non potest integrè conseruari. Inficiuntur denique à materia prorsum maligna, venenata & corrupta. Hinc quæcunque causæ possunt exiccare aut cogere humorem radicalem: quæcunque item dissipant, suffocant, aut inficiunt ipsos spiritus humoris radicalis comites indiuiduos, eadē sunt intercipiendi ac destruendi innati calidi causæ, ac proinde mortis. Et verò interitus omnis siue naturalis, siue violentus, ad aliquā ex his causis reuocatur. Nā, verbi gratia, qui lenta aut violenta feбри, aut igni, aut fame,

aut

aut senio intereunt, illi herclè moriuntur ex dissipatione & absorptione humoris radicalis, quæ in his subitò & repentè, in illis fit lentius. Sic & qui rigidissimo algore pereunt, dici possunt interire propter congelatum coagulatumue humorem radicalè. Qui ex ingenti aliquo vulnere cum insigni hæmorrhagia, vel secus, pereunt, illi proculdubio extinguuntur propter magnâ spirituum dissipationem simul & semel factâ. Qui strangulantur aut submerguntur, vel qui ex hydropè aut ingenti insignique contusione pereunt, eos verè dicimus mori propter suffocatos eosdem spiritus.

Postremò, qui ictu morsuue venenato aut toxico sumto pereunt, in his maligna spirituum infectio mortem creat. Quòd si totum corpus hoc modo interit, innato calido sic affecto, vti suprà diximus, siue penuria humoris radicalis, siue etiam inopia spirituum eum comitantium, haud dubiè quædam illius partes possunt pariter mortificari, vbi similes defectus innato calido accidunt. Tùm enim necesse est illorum crasim & harmoniam dissolui siue subitò, siue sensim. His ita constitutis, dicimus membra siue partes corporis mortificari seu potiùs extinguì posse aliqua ex his tribus causis. Primò quidem ex vehementi alteratione qualitatis manifestæ, qualis est intemperies calida, frigida, humida & sicca. Deinde ex qualitate occulta, hoc est, materia maligna & virulenta siue corpori ingenita, siue extrinsecus contracta. Omnino enim huiusmodi materia tota sua substantia corrumpit innatum calidû, & spiritus inficit. Tertiò denique, quum

partes corporis pariter afficiuntur ex spirituum maximèque vitalium suffocatione aut interceptione. Atque hæ causæ dum extinguunt innatum partibus illis calidū, prout sunt magis minusve violentæ, efficiunt in eis vel gangrænam, vel sphacelum, vt infrà pluribus.

CAP. III.

Prima particularis causa gangrænæ: alteratio videlicet vehemens ex qualitate manifesta, puta intemperie calida, frigida, humida & sicca.

*Galen. de
simpl.
med. fa-
cul. lib.
4. c. 13.*

*Gāgræna
ex inflam-
matione.
Galen. li.
suprà ci-
tato cap.
1.*

*Hippocr.
sect. 6.
Apher.
25.*

SI QUIDEM res omnes, authore Galeno, conseruantur proprio calido temperato & naturali, contrà externo & præter naturam adueniente corrumpuntur, vtique pars aliqua diuturna inflammatione affecta per affluxum aut congectionem humoris sanguinei aut biliosi, definit tandem in gangrænam, aut etiam sphacelum. Nimirum quia humor radicalis à calido extraneo & præter naturam exiccatur & absimitur: vnde & ipsius tandem innati calidi extinctio. Vsue nit id quoties phlegmonis temerè adhibentur frigida & astringentia, aut etiam emplastica, à quibus spiritus influentes ipsūque nutrimentum arcentur à parte affecta: ipsiſque adeò poris eorundem medicamentorum vsu constrictis humores parti impinguntur magis ac velut inculcantur, atque ita obruitur præfocaturque quantuncunque inest innati calidi. Ideo monuit Hippocrates, Erysipelas foris intrò conuerti malum.

lum. Adstipulatur & Auicēna, quum ait, magnos interdum oriri dolores ex reperimentium vsu, ipsumque humorē sæpius intrò pelli: vnde pars affecta liuida & nigricans euadat, denique computrescat. Quicquid enim transpiratione minimè vtilatur, putrescit facillè, teste Galeno. Cum igitur phlegmones antecedens & cōtinens causa sit sanguis calidus & humidus quantitate aut qualitate peccās, hic alio quouis humore citiùs putrescit & corrumpitur, si reperimentibus aut emplasticis intro pellitur aut alioqui retinetur in ima parte affecta: hac ex causa inflammationi plerunque gangræna succedit. Vt autem in inflammationibus astringentia aut emplastica periculosa, sic & præter modum calida: pingua ite & oleosa. Olei enim & similium pinguium vsus nusquam inflammationi conuenit.

Auicenna lib. 4. fen. 2. tra. 1. cap. 3. Gal. lib. de inaequali temp.

Galen. de simpl. med. facult. lib. 2. c. 21.

Arteria vulnerata, cutis superiecta coalescit: at arteria propter continuum motū & duplicem ac duriusculam qua prædita est tunicam, seriùs agglutinatur & coalescit: ita extrauenatur sanguis, & fit tumor Medicis aneurysma dictus. Tū sanguis ille extrauenatus corrumpitur, auctoque calore putrescit: vnde sæpius gangræna & sphacelus. Id accidit quoties improvidè chirurgus tundens brachij basilicā, non eam modò, sed & arteriam illi subiectam pertundit.

2. Gangræna ex aneurysmate.

Insignes contusiones, quales ex sclopetorum vulneribus, & aliæ vndecunque factæ partium carnosarum cum ossium fractura, non rarò desinunt in gangrænā & sphacelum: præsertim verò si longo tempore astringentibus curentur, vti fit ab imperitis. Dum enim impediatur digestio,

3. Gangræna ex magnis contusionibus & vulneribus.

quæ fieri debet medicamentis calidis & humidis, caro contusa & sanguis coagulatus facile corrumpuntur, tandemque putrescentes ipsum innatum calidum extinguunt.

4. *Gangrena pudendorum.*

Accidit etiam gangræna infantium pudendis, siue obstetrices, dum ex utero prodeunt, eorum lumbos durius attrectarint, siue in ipso partu nimium cōpressi fuerint. Pudenda enim ceu mollia & spongiosa facile suscipiunt sanguinem coctum ac liuescētem, qui inibi corrumpitur: unde dolor & inflammatio, quæ demum suffocat innatum calidum: id quod non ita pridem mihi videre contigit.

5. *Gangrena ex enormi vstione.*

Enormes vstiones interdum excipit gangræna vel etiam sphacelus: quemadmodum accidisse comperi honestissimæ matronæ apud nostros Hildanos: nempe quia vasa corrugantur vstione & constringuntur, sicque via obstruitur spiritibus vitalibus, ut nequeant liberè permeare. Item, quia humor radicalis partis absumitur & siccatur ignis vehementia. Cum enim destituatur innatum calidum humore suo radicali, necesse est partem affectam interire. Est & tertia causa, nempe quod tū empyreuma, tum etiā corrugatio cutis summum accendant dolorem, ac proinde humorum affluxum excitent, quibus in parte affecta incalescentibus & inflammationem concipientibus exiccatur humor radicalis, ipsumque innatum calidum suffocatur.

6. *Gangræna gingivarum.*

Gingivarum inflammatio, maximè in infantibus, in gangrænam interdum degenerat, partim propter abundantem oris illorum humiditatem, partim quod non possint ad iustam mor-

bi necessitatem medicamina apponi. Huiusmodi gangrænas memini videre morbo apud Septentrionales frequenti, quem Scorbutum vocant, superuenientes.

Inflammationes quoque internæ non raro ^{7. Gangrena ex inflammatione interna.} desinunt in gangrænam & sphacelum: cuiusmodi vidimus in ipsis etiam cerebri membranis, ut ^{Memorabili historia.} paret ex sequente historia. Fufis apud Delphinates Helueticis, anno 1587 quendam ex eo numero curavi robustum iuuenem, bono habitu, at capite sauciatum hunc in modum. Ensis Helueticus ictu secta illi fuerat pars ossis parietalis circiter palmam lata: hæc autem cuti musculosæ adhæserat. suoque loco erat reddita: quin & sanguinis & pilorum interuentu concreuerat veluti crusta, quæ totam illam partem contegens, impedierat quominus vlla materia sex diebus totis ab accepto vulnere promanaret. Porro abrasis crinibus, apertoque vulnere inuenta est inter partem ossis separati & duram matrem plurima materies graueolens, simul & ossium tenuia aliquot fragmenta: prætereaque, quod maius est, vermes grandiusculi quatuor aut quinque. Insuper & dura mater denigrata & infecta erat putredine tam diu insidente. Æger nihilominus conualuit clarissimi Iani Antonij Saraceni M.D. consilio, & Ioannis Griffonij Chirurgi longè peritissimi opera atque industria: quibus & ego interfui.

Vxor iudicis Oberradensis ad Coloniam ^{24. Gangrena in hepate.} annis scirrhus hepatis laborans tam multa subinde adhibuit emollientia, ut tandem inflammatione, deinde etiam abscessu maximo in hepate facto abdominis muscoli & cutis labem ex-

communicatione, ac demū etiā exulcerationem
 fenserint. Adhibitus in consilium cum Domino
 Arnolfo Manlio Medicę facultatis in Coloniensi
 Academia Professore primario, deprehendī ma-
 ximum tumorem in hepatis regione, paulò antè
 ruptum quàm aduenissemus, cum tanto fœtore
 vt nihil suprà. Inibi excitatum est vlcus ingens,
 ex quo plurima materies sanguinolenta, subtilis
 & graueolentissima, simulque plures omēti par-
 ticularē, vt & hepatis lobarū planè syderatæ: vn-
 de paucis pōst diebus obiit.

*Gangræ-
 na ex vri-
 na sup-
 pressionē.*

Filio meo septenni accidit magna ex cerebro
 defluxio in vteres: vnde vrinæ obstructio
 tanta, vt ne guttula quidem permeare posset, &
 quantumuis ritè variis adhibitis remediis sexta
 die obierit. Inciso apertoque abdomine coram
 clarissimo Ioanne Slotano D. M. inuenti sunt
 renes cum vicinis partibus inflammati & gan-
 græna correpti. Aperui olim corpora ex iliaca
 passione defunctorum, in quibus omentum &
 intestina tota sphacelo tenebantur: ex his fœtor
 grauissimus vetuit penitiùs inquiri morbi cau-
 sam. Breuiter, nulli non corporis parti gangræ-
 na potest accidere.

*Gangræ-
 na ex fri-
 gore.*

Haftenus de gangræna ex intemperie cali-
 da: nunc de iis quæ ex altera actiua intemperie,
 nempe frigida, oriuntur agendum. Talis ea est
 qualis qua sæpe extreme partes corripuntur, dū
 summa vi frigoris humor radicalis & spiritus
 adeò frigescent, vt cogantur atque concre-
 scant: quo modo pinguedo, oleum & ipsa a-
 qua frigore densantur & congelantur. Humore
 radicali sic indurato, calidum innatum suo defi-
 citur

citur alimento: adde quòd externum frigus spi-
 ritus obuios foràs pellit. Tùm verò natura no-
 uos spiritus parti affectæ subsidiarios mitrit, qui
 quidem malè compositam partis harmoniam
 nacti illico ad suam originem recurrunt: atque
 ita pars affecta calido proprio destituta interit.
 Idem vsuuenit hyeme iter facientibus per ni-
 uem, glaciem, & aquam frigidam: maximè in re-
 gionibus algidis, Alpibus, inquã, Islandia, Nor-
 uegia, Liuania, & cæteris Septentrionalibus:
 quippe iis in locis frequens hyeme mortuorum
 ex frigore occurfus. Plurimis extrema conci-
 dūt, aurium, narium ac digitorum. Hîc memini
 me anno 1588 mense Decembri cum clariss.
 Iano Antonio Saraceno M. D. curare Comitem
 Mansfeldium, cui gangræna ex frigore vtrumque
 pedem inuaserat, vnde & digiti aliquot perie-
 runt: attamen breui persanatus est. Curabam id
 quoque temporis supra quinquaginta equites &
 milites Germanos hoc ipso morbo ex eadem
 causa contracto laborantes: ex quibus complu-
 res restituti, nec tamen sine tibiarum aut pe-
 dum manuūmve detrimento. Eo tempore (proh
 dolor) dissipatas magnas illas Germanorum
 nostrorum in Gallia copias hostis in Sabau-
 diam vsque ita persequebatur, vt plerique mi-
 feri vadatis amnibus, aliisque locis niuosis su-
 peratis, vitam fuga redimere cogerentur. Ea-
 dem ex causa paulò post obierunt plurimi li-
 pothymia, syncope, ac sudoribus frigidissi-
 mis: alij verò gangræna & sphacelo correpti.
 Hos interim boni Geneuenses (quod comme-
 morare iquat) benignè & Christianè amplexi

*Observa-
tio.*

*Observa-
tiones.*

sunt, nonnullos Xenodochio suo, alios priuatissimis ædibus excipientes, iisque liberaliter medicos & chirurgos suos adhibentes: ac inter cæteros præstantissimos viros Ianum Antoniũ Saracenum M. D. & Ioãnem Griffonium Chirurgum. Sed & plerisque sanitati restitutis ac in patriam remigrantibus suppeditauere tum pecuniam, tum etiam vestimenta, quoniam spoliati nudatique venerant.

Observatio.

Medicamenta narcotica, velut Opiũ, Cicuta, Hyoscyamus, Mādragora, temerè inflammacionibus adhibita videntur cogere humorem radicalem, ipsũque adeò innatum calidum extinguere, quod & ipsius aque frigore vsuuenire obseruavi. Siquidẽ anno 1591. sub Canicula puella laborans febris cõtina eaque ardentissima, dum die critico sudore & calore summo estuat, deducitur ab imperita quadã scemina è lecto ad puteum: hinc hausta situla frigidissimæ (qualis est ferè puteorum id temporis) immersisque manibus ad frigus captandum, statim exortus est dolor quacunq; aqua attigerat, cum tumore & liuore. Propinqui neglectis remediis initio salutaribus, post octauum demum diem me consulere: tũ deprehendi dextram puellæ ad carpũ vsque vesicis liuidis extuberantem: extrema digitorum arida & verè syderata: adhibitis tamen scarificationibus, aliisque idoneis remediis tãtum effeci, Deo sic fauente, vt tota propemodũ manus conseruata fuerit, excepta prima digitorum articulatione. Altera verò manus initio quidem tumore doloreque affecta fuerat, sed postmodũ omnẽ malignitatẽ in dextram quasi deposuerat.

Et si

Et si qualitas humida patiens est potius quam *Gangra-*
agens, tamē (vt suprà cap. 2. attigi) spiritus insiti *na ex in-*
humor que radicalis, & cum his innatū calidum *temperie*
possunt ab ea suffocari. Itaque quoties pars ali- *humida.*
qua corporis, ac potissimum tibiæ & pudenda
insigni intēperie frigida & humida eaque diu-
turna conflictantur, facile possunt gangræna aut
sphacelo prehendi. Verū hęc gāgræna species
vix aliis accidit, quā qui diutius morbo aliquo
laborārint, velut hydrope, aut alio quopiam gra-
uissimo partium internarum affectu. Neque ve-
rò exīstimanda sola per se id genus intemperies
partem extimam occupans inibi gangrænā effi-
cere: at præcipua causa innati calidi, spirituum
item & alimenti penuriæ ascribenda. Ista enim
morbi diuturnitate & acerbitate plurimū im-
minuuntur, maximē in partibus intimis & orga-
nicis: adeo vt partes remotas iis tādē destitutas
necesse sit interire: vt sæpius hydropicorū tibiis
accidisse memini. Sic & pudēda cū sint vicina
hepatis emunctoriis, prætereaque suapte natura
rara & mollia, facile imbuuntur humoribus se-
rosis, quibus redundantibus suffocatur innatum
calidum, haud secus ac exigua flamma aqua co-
piofa iniecta facile restinguitur. Quod si quis
imperitus admouerit emplastica, vti fit interdū,
tantò citius accidit ipsa suffocatio. Ex eadem
intemperie gangræna in ore infantium, quoties
copiosus extillat humor ex capite, in iis maximē
qui hydrocephalo tenentur.

Et si sicca difficilē corrumpuntur, est tamen *Gāgræna*
gangræna species, quæ nonnisi ad intempe- *ex intem-*
riem siccam reuocari potest, & nihil est a- *perie sic-*
ca.

liud, quàm absumtio humoris radicalis, atque exiccatio & quasi marcor venarum & arteriarum ex eo contingens, quòd nullum accipiant à partibus organicis sanguinem: hinc enim fit vt cùm innatum calidum & spiritus insiti non alantur & foueantur amplius sanguine naturali & vitali, necesse sit partem sensim emori, quo modo lucerna oleo, aut ignis ligno deficiente restinguitur. Hæc gangræna solis corporis extremis partibus videtur accidere, præsertim digitis, tibiis & pedibus eorum qui morborum vi extenuantur & contabescunt: verbigratia, febrium tam acutarum quàm diuturnarum, atrophix, phthiseos & similium internorum affectuum. Idem senio aut longa diuturnaque fime confectis euenit. Nam & his partes intimæ & organicæ cùm extremis sufficientem sanguinem & spiritus suppeditare nequeant, non vasa modò, sed & ipsas integras partes exiccare necessum est. Sed & partibus destitutis humore radicali innatòque calido, sensim accenditur calor præter naturam, qui quidem eas corrumpit & putrefacit.

Luxationibus itidem maiorum articulationum, putà scapularum aut coxendicum, malè restitutis, os loco suo motum cõprimit ipsa vasa, prohibetque quominus sanguis & spiritus ad partes subiectas deferantur, vnde atrophia & macies siue brachij siue tibiæ. Quòd si eiusmodi ægri ad senilem ætatem peruenerint, aut longiore morbo conflictentur, tandem ferè in gangræna discrimen incurrunt.

*Hippocr.
Aphor.
60. sect.
6.*

*Observa-
tio.*

Idem accidit obstructa vena caua, vt ante aliquot annos obseruauì. Quidam alioquin bono

bono temperamento præditus & ætate integra incidit in gangrænam vtriusque tibiæ, latente causa: nisi quòd antea tibiæ & pedes assiduò frigebant, ingrauescebât & quasi stupore tenebantur. Vtut sit, illi superuenit gangræna, nulla præcedente feбри aut causa externa: itaque paulò post obiit, oborto adusque genua sphacelo. Aperto cadauere inuenimus tumorem scirrhum circa venam cauam descendentem, nempe infra renes, vbi hæc vena ad vtramque tibiā bifurcatur. Scirrhus in magnitudinem auctus ita constrinxerat venam cauam & arteriam descendentes, vt nullus sanguis ad crura nutrienda & viuificanda permeare posset. Hæ igitur duæ posteriores gangrænæ species possunt quoque ad spirituum interceptionem ceu causam referri. Breuitati studens taceo cætera similis gangrænæ exempla quæ habeo. Ex superioribus autem omnibus colligo, omnem intemperiem posse esse causam gangrænæ: nec ita tamen vt omnis intemperies necessariò in gangrænam degeneret, sed ea tantum quæ & vehemens est & diuturna.

C A P. II II I.

Secunda particularis causa Gangræna, nempe alteratio vehemens ex qualitate occulta.

SVprà de gangrænis quæ oriuntur ex qualitate manifesta, hoc est, ex intemperie aut calida, aut frigida, aut humida, aut sicca: sub quibus etiam compositas complectimur: quando rarò

*Galen. de
inaequali
intempe-
rie.*

*Prænop.
lib. 1.*

sola & simplex intemperies occurrit, ut annotat Galenus. Nunc tradenda est altera causa, qualitas videlicet occulta, ideò sic dicta, quòd non agat in corpora calefactione, refrigeratione, humectatione, aut exiccatione manifesta, quemadmodum superiores intemperies, sed modo quodam occulto & mentibus nostris imperuestigabili subito corrumpat corporum substantiam: uti fit in gangrænis compluribus. Vnde intelligimus, quàm sapienter Hippocrates diuinum quiddam inesse morbis plurimis dixerit. Quamuis autem in gangræna à medicamentis septicis, aut à morfu ictive venenato, potest plerumque notari causa aliqua manifesta, nempe intemperies: est tamen prætereà quiddam aliud peculiare & supra naturam ac mentes humanas: quod vel mediocriter in chirurgia exercitatis licet animaduertere.

*Io. Fern.
de abditis
rerum cau-
sis. lib. 2.
cap. 15.*

*Observa-
tio.*

Porro materia huiusmodi malignitate comitata, aut corpori innascitur, aut extrinsecus aduenit, ex morfu, ictive virulenti animalis, aut ex adhibitis septicis. Ingenita causa dici potest, verbi gratia, cum grumus aliquis sanguinis extrae-natus, aut alia quævis materia, corruptione tantà venenositatem & malignitatē asciscit, ut postea, si naturæ vires tulerint, in extremitates excussa & translata inibi suffocet innatum calidum, ad eoque breui partes eas perdat atque corrumpat. Tale quid observavi in rustici puella ad Dusseldorpiam. Huic enim peste antea conflictatæ, cum persanata videretur ab omnibus luis symptomatis, putà bubonibus, carbunculis, feбри, &c. subito tantus exortus est dolor in utriusque pe-
dis

dis digitis, vt syderati fuerint illico, adeoque ad
vltimam vsque articulationem amputandi fue-
rint. Verisimile reliquam illi fuisse à pestilentia
materiam quampiam malignam, quam velut per
crisim natura in extremitates excusserit.

Idem vidimus in morbis minùs malignis, vt
in variolis, naturâ criticè exonerante materiam
penitus malignam in extremitates & articulos:
vnde & ipsa ossa cariota euaserant. Vidi in seui-
fima pestilentia, quæ Nouesium Germaniæ op-
pidum infestauit, aliquot anthracas qui siquam
partem carnosam inuaserant, vti clunes, femora,
scapulas, mammas muliebres, eius bonâ partem
intra horas 24 ita stupefacerent, primùm, ac de-
inde etiam planè corrumpere, vt tandem pars
tota excideret. Age, quis valeat tantæ maligni-
tatis causam reddere? Et verò omnes pestilentes
carbunculi, quoniam momento partis quam oc-
cupant natiuum calorem extingunt, malignita-
tem abditam & occultam, quæ tota substantia
agit, in sese continent.

*Observa-
tio.*

Ad hanc quoque causam reuocanda gangræ-
na ex morfu & ictu bestiarum venenatarum.

Quanquam enim quarundam venenum est cali-
dum, putà viperæ, & pastinacæ marinæ, quippe
quod calidâ intemperiem ictæ parti imprimat:
aliarum verò frigidum, proindeque sanguinem
in venis congelans, vti scorpij & aspidis venenû:
habent tamen peculiarem quandâ & occultam
vim putrefaciendorum humorum & inficien-
dorum spirituum. Idem constat ex rabidi canis
morfu. Equi & leonis morsus nonnullis venena-
tus creditur, ob grauissima quæ cient symptoma-

*Paulus
Agineta
lib. 5. c. 19*

ta: sed dixerim potius has belluas, ceu longè robustissimas, vi sua contundere & cōterere venas ac nervos, imò & ipsa ossa interdum: vnde acutissimus dolor & inflammatio, ac tandem gangræna & sphacelus, ex vehementissima (vti credo) contusione, non quòd venenum vllum latere comperiatur.

In venatione luporum.

Luporum morsus venenatos tradit Rusticæ domus author: quia quæ momorderint animalia ægrè sanentur, ac sæpe numerò demorsæ partes computrescant. Iudicent qui vulneribus ab illorum morfu excitatis adhibiti fuerint.

Denique septica, imprimis Arsenicum, Sandaracha, &c. temerè admota locis calidis & humidis, v.g. ori, emunctoriis, pudendis, & infantium carni molliculæ, sceminarum itidem & eorum qui in otio degunt, aut sedentariam vitam agunt, creant interdum gangrænam & sphacelum. His enim occulta vis ex tota sui substantia liquandæ & putrefaciendæ carnis, cuius vapor dum ad partes principes fertur, spiritus inficit. Memini cùm vix granum Arsenici quantumvis aliorum mistione correctum applicitum esset: ulceri tibiæ, subinde accidisse deliquia, syncopē, febrim, delirium & inquietem: ex quibus symptomatis facile erat conicere tres partes corporis primarias, cerebrum, cor & iecur, labem aliquam sensisse, trāsmissa nimirum pharmaci malignitate per arterias, venas & nervos. Sic mihi retulit clarissimus D. Saracenus, Genevæ intra paucos dies sublatum robustissimū Heluetium, cui cùm tumore cancroso ad carpum laboraret, Chirurgus quidam alioqui doctus & in arte sua

ver-

versatus, puluerem ad cancrum qui recipiebat
arsenici tantillum, quóque aliàs erat foeliciter
vsus, adhibuerat.

CAP. V.

*Tertia & vltima causa particularis Gangræna,
nimirum interceptio siue prohibitio
spirituum.*

TERTIA & vltima causa particularis gan- Hippocr.
de fract.
& arti-
culis.
Gal. lib.
de causis
morborum.
grænæ est interceptio spirituum, sanguinis,
&imenti: quoties videlicet arteriæ, venæ ac
nerui quacunque tandem ex causa obstruuntur,
atque ita obstruuntur, vt spiritus illi & sanguis
nequeant permeare fouendo partium humori
radicali & innato calido: vnde necesse sit eas in-
terire. Tale quid nimium frequenter accidit, dum
Empirici & cæteri improuidi homines arctius
luxatos artus ossaue fracta constringunt. Sic e-
nim dupliciter peccatur: Primò, quia maiore co-
pia quàm par sit sanguis & reliqui humores ad
locum affectum attrahuntur: deinde, quia tam
arctè constrictis vasis humorum & spirituum
transitus penitus inhibetur.

Ideo Hippocrates aliique veteres non solum Hippocr.
lib. de
fract.
Galen.
meth.
med. lib.
6.
Paulus
Ægineta
lib. 6. cap.
100.
vetant in his curationibus tam arctis vinculis
fasciisve constringi partem, sed & ferulas ante
septimum aut vndecimum diem apponi. Nam
totidem dierum intervallo pars affecta ferè ob-
noxia est affluxibus, inflammationibus & cæte-
teris id genus symptomatis.

Prohibetur quoq; spirituum &imenti ad par-

tem quampiam transitus, quoties luxata pars superior perperam restituta est, aut occurrunt scirrhosi tumores circa vasa maiora, vt tertio capite annotauimus. Immoderato quoq; vſu astringentium, quæ Practicis defensiva dicuntur, interdum adeò constringuntur vasa, vt inhibeantur arceanturque spiritus & alimentum, refrigeranturque simul & semel infiri parti affectæ spiritus, vt elanguida tandem fiat, & sæpe occupetur gangræna & sphacelo.

*Anicenna
lib. 4. fen
3. tract. 1.
cap. 3.*

*Observa-
tio.*

Facta interceptione spiritus animalis, vt in paralyticis & apoplecticis, partes inferiores nõnunquam corripuntur gangræna, & mortificatione tandem perfecta. Huiusmodi iuuenem vidi à lumborum vertebris ad pedis vsque plantas ita paralyticum, vt neque vrinam, neque cætera excrementa continere posset. Clunes inuasit gangræna, quos necesse fuit disseccari: nihilominus tamen paulò post mortuus est, quantumvis in eo curando nihil nõ ex arte præstaret doctissimus & peritissimus Cosmas Slotanus illustrissimi Clemensium, &c. Principis Archichirurgus. Ex priuatione illa spiritus animalis accidit vt inferiores partes aggrauatę fuerint, vnde & coccyx coepit contusione laborare, deindeque propter vrinam continenter præterfluentem exulcerari: tandemque gangræna correptus est.

In Enterocèle siue hernia intestinorum fit quoque gangræna interceptis spiritibus, quum intestini pars aliquantis per intra scrotum continetur, quæ flatuum & excrementorũ copia plurimum distenditur, in ipsis autem rupti peritonæi aut relaxati angustis ita arctè cõprimuntur,

vt

vt spiritus & alimentum intercludantur. Sic enim necesse locum gangræna & sphacelo prehendi:quemadmodum sæpius accidisse obseruauimus. Corripit & talum gangræna, qualem nuper obseruauimus in ornatissimo viro D. Henrico Balbani. Quoties enim propter fracturam vulnus vlcusue tibię pes diutius erectus insistit talo, inde talus contunditur & comprimitur, atque ex ista contusione & compressione tandem oritur gangræna & mortificatio, compressis & arctatis simul & semel eo situ venis & arteriis ipsum crus & tibię pulpam decurrentibus, vt spiritus & sanguis nequeant liberè ad talum penetrare. Huc quoque facit assidua tibię extensio, per quam distentis etiam vasis innatum calidum & sanguis nequeunt descendere in partem affectam: vnde tandem ea frigescit & interit. Ea poriò distensione vasorum posse frigescere partem affectam ex eo intelligitur, quòd equitando per frigidam tempestatem si pedes diutius intra fulcra pedum equestria cõtineantur, frigent impensissimè: sin extra fulcra propendeant, per se ocyùs incalescunt. Sanguis enim & calor patentibus ipsis vasis illicò ad pedes recurrunt.

CAP. VI.

Signa Gangræna.

Signa gangræne ex inflammatione siue interperie calida sunt hæc: dolor pulsans qui præcessit cum inflammatione, multò remissior est: mutaturque rubicundus inflammationis color in

Signa gangrænae ex inflammatione.

Hippocr. li. de fract. Gale. lib. de tum. pra. nat.

pallidum, fuscum & liuescentem. Exoriuntur & pustulæ grandiores plenæ ichore, loturæ carni simili. Hæc autem omnia contingunt, quòd locus affectus tendat ad mortificationem, sanguisque & calor partim recurrant ad centrum & originem suam, cor & iecur, partim corrumpantur. Inde enim pallor in parte affecta, remittitque dolor pulsatilis, qui antè extitit ex eleuatis propter conflictum innati calidi cum calido præter naturam vaporibus humorum putrescere incipientium. Nisi verò superetur præsentis remedio morbus, reuocato innato calido ad partem affectam, & expulso eo calore qui est præter naturam, euacuatísque simul & semel humoribus iam corruptis, tùm quoque desinit arteriarum pulsus, quia spiritus non transmittitur, aut si transmittitur, inuenit partem tam malè affectam, vt ab ea recipi nequeat. Sic deficiente spiritu vitali, pars oppletur excrementis & humoribus, vnde ea remollescit & relaxatur, atque adeò si comprimatur, remanet impressum vestigium ceu à compresso cedemate. Denique sensus nervorum minuitur, vt tandem secari, velligari & vri possit locus absque ægroti sensu aut perceptione distincta. Huiusmodi res accidit nobili fœminæ Coloniensi, cuius tibie gangræna affectæ tria aut quatuor cauteria actualia applicui, coram clarissimis Medicinæ Doctoribus DD. Henrico Bottero, Illustris. Hassiæ Lantgraviæ medico, & Ioanne Kuenio Bridbachio. Tantum verò abest vt conquereretur de cauterum vstione, vt contrà subinde exprobraret à nobis applicitâ niuem, glaciem, aut frigidissimum quippiâ.

Hæc

Hæc priuatio sensus non gangrænæ tantum, sed & sphaceli, adeoque imminentis mortis *σημείον* est longè certissimū, eo quòd putredo tanta venis, arteriis & nervis concepta est, vt inde non minima portio ad partes principes deferatur. Tūm quoque secuta est febris acutissima cum syncope, dolore capitis, delirio, vomitu, aliisque grauissimis symptomatis.

Gangrænæ ex frigore facile est indicium. Ex frigore enim subito magnus dolor oritur pungens & mordax, ac initio rubor scintillans, eo quòd cutis meatibus frigore constrictis calor abundè cogitur: at paulò post locus ex rubeo fit liuidus & frigidissimus, frigore depellente sanguinem & innatum calidum, adeoque refrigeratis & dissipatis insitis spiritibus. Itaque pars priuatur motu & sensu, accedente horrore siue tremore, qualis solet quartanam antecedere. Præterea ex ipso ægro resciri potest vtrumne niues aut aquas frigidiores traiecerit, ex quibus frigus contraxerit. At si tam diuturnum sit frigus, vt loci innatum calidū nequeat ampliùs resistere, superueniet sphacelus & omnimoda mortificatio. Ait enim Hippocrates, frigida nimica ossibus, dentibus, nervis, cerebro, spinali medullæ, adeoque vitæ nostræ, quæ quidem in calido humidoque temperatis consistit. Signa gangrænæ ex intemperie humida sunt hæc: Locus iam pridem affectus fuit ingenti tumore, aquis & humoribus serosis ac œdematis referto: æger autem est debilis, macilentus, cachecticus, imò etiam ple-runque hydropicus. Talis ferè gangræna pudendis & tibiis accidit, nullo tamen antea dolore

Signa gangrænæ ex frigore.

*Leuim.
Lem. de occult.
nat. mirac. lib. 4.
cap. 2.
Ambros. Par. lib. 12. cap. 24.*

Signa gangrænæ ex humido, sine ex qualitate humida.

magno. Neque enim humida intemperies dolorem gignit, nisi extensione ob ingentem humorum copiam: attamen membro extinctioni proximo superueniunt dolores acerbissimi, haud secus ac in cæteris gangrænæ speciebus. Postremò arteriarum pulsus desinit, liuesciturque locus, ac sensus perditur.

*Signa gā-
gr. ex in-
temp. sic-
ca.*

Gangræna ex intemperie sicca, deficiente videlicet alimento, eo primùm cognoscitur, quòd nullus adsit dolor, inflammatio, tumorue ab initio, deficiente nimirum affluxu siue copia sanguinis aliorumue humorum inflammationi cōcipiendæ paratorum. Deinde hæc gangrænæ species accidit corporibus macilentis, infirmis & extenuatis, siue senio, siue diuturno & graui morbo, quorum vires elanguidæ, alimentumque absumentum est. Tertiò pars statim à principio refrigeratur ac stupefit, eo quòd spiritus animales, vitales & natiui in ea minimè vigeant. Quartò hæc gangræna extremis accidit, putà tibiis & pedum digitis plurimùm, aliàs etiam manuum digitis, extremo naso & auriculis. Interim æger morbum vix sentit: at vbi tandem exoriuntur pustulæ aut bullæ aqua rufa plenæ, quarum ima pars, si excideris, conspicitur liuida, nullo aut exili sensu, tùm fiunt acutissimi dolores, febris, aliæque symptomata, simulque sistitur arteriarum motus & pulsatio.

*Signa gā-
gr. ex qua-
litate ob-
scura.*

Gangræna ex occulta qualitate diligenter & accuratè distinguenda à gangræna ex frigore, aut intemperie sicca: quia, vt dictum est, si intemperies in causa est, symptomata interna, putà febris, syncopæ, deliria, &c. obscura erunt, nec prius se-

se patefacient quàm pars extrema corruptionem capeſſat. At ſi qualitas occulta, materia videlicet maligna corpori ingeni- ta, quam ab intimo corpore ad extimas partes depellat natura, tùm erit ingens naturæ cum morbi cauſa conflictus. Vnde etiam ſubitò febris, alteratio, ſyncopæ: partis item liuor, nigredo & mors. Sin gangræna fuerit ex morſu aut ictu beſtiæ venenatæ, aut carbunculo peſtilenti, aut ſeptici alicuius applicatione, id cùm per ſe facilè, tum ex egri & adſtantium ſermone intelligi poteſt. Denique ſi gangrænæ materies innata ſit corpori, ſymptomata interna ferè apparebunt prima, antequàm gangræna ſeſe patefaciat: ſin extrinſecus aliundè aduenerit venenata materies, contrà eueniet.

Signa gangrænæ ex ſpirituum interceptione, *Signa gangrænæ ex ſpirituum interceptione.* maximè ex arctiore ligatura in fracturis, luxationibus &c. hæc ſunt. Pars prætumida eſt, dura, & diſtenta: nempe quia conſtrictione illa pluri- mus ſanguis aliique humores euocantur, qui vehementes dolores faciunt & inflammationem. Exoriuntur etiam bullæ maiuſculæ ichoris plenæ, loturam carniū repræſentantis. Præterea pars affecta ingraueſcit & ſit immobilis, quia deſciunt ſpiritus: ex eadem etiã cauſa impreſſi digiti veſtigiū in ipſa parte remanet, ipſaque cutis à carne diduci videtur. Diſtenditur & nonnunquam pars flatibus, ita vt ſi cōtrectes, non aliter crepitet, quàm vitulina caro, quam lanius ſuo flatu impleuerit. Si pungas ſcalpello, exit flatuſ cum humore pauco ſtridens, hauđ ſecus atque cùm ex feruentis ollæ anguſto foramine quidpiam effūditur. Hæc omnia ſigillatim obſeruata anno.

1595 mense Ianuario, tum à meipso, tum à clarissimo Ioanne Kuenio Bridbachio M. D. in famulo ornatissimi Gualtherij à Prato. Denique, ex ægro ipso etiam poterit resciri, numquod ingens vulnus acceperit, ex quo vasa per transuersum secta fuerint: aut nunquæ luxatio ei malè fuerit restituta, vtrûmque astringentia emplastra diu gestauerit.

CAP. VII.

Signa Sphaceli.

SUPERIORE capite signa gangrænæ diuersa notauimus, prout ex causis quoque diuersis orta erat: at sphaceli, quantumuis è diuersis orti causis, illa plane eadem. Nam siue ex calida, siue ex frigida, siue ex humida, siue ex sicca denique intemperie, aut ex ipsa spirituum interceptione oriantur sphaceli, omnes sunt inter se simillimi: hoc vno excepto, quòd in sphacelo ex qualitate occulta grauiora cernuntur symptomata, febris, inquam, syncopæ, delirium &c. quàm ex manifesta. Sphaceli signa sunt. 1. Pars affecta multò quàm antè grauior, vix mouente sese ægro propter decedentes spiritus & vitâ ipsam. 2. Rubor & genuinus color depereunt, fitque pars livida, atra, emortua & graveolens instar cadaueris. 3. Pars antè dū vigeret gāgræna mollis, per sphacelum exiccatur. 4. Cutis apprehensa & digitis in altum sublata, videtur à carne diduci. 5. Sensus exquisitus & perfectus nullus: vt facile sit secare, ligare, vrere, & quamlibet operationē moliri ci-

*Sphaceli
signa.*

tra sensum ægri. Quòd siquid sentire videatur, non aliunde id accidit quam ex prioris doloris phantasia, aut ex operationum quæ fieri debent apprehensione. Quòd ad motum extremorum qui diutissime peritat, prudens chirurgus non propter eum differet amputationem. Quñ enim musculi caput mouetur, eius cauda nempe tēdo motum eum sequitur. Sic quum mouentur tibiæ musculi, pedis sequuntur digiti: quanuis fortè ante quatrimum mortui sint digiti. Et si verò sphaceli signa quædam cum gangræna sunt cōmunia, veluti color liuidus, grauitas, sensus deprauatio, &c. ea tamen in sphacelo quàm in gangræna euidentiora & longè vehementiora videntur.

Ambros.
Parac.
lib. 12.
cap. 28.

CAP. VIII.

Prognostica Gangræna & Sphaceli.

COGNITA gangræna & sphacelo, antequàm ad agendum Chirurgus aggrediatur, prospicere debet, quis morbi futurus sit exitus: vtrumne medicabilis, an immedicabilis sit, an etiam diuturnus futurus. Omnes enim morbos sanare impossibile, teste Hippocrate: quāuis illud optabilius foret, quàm prælagire imposterū euentura. At cū fieri nequeat, saltem significare chirurgum oportet ægri familiaribus adstantibus, quis futurus sit euētus: sic enim apud illos fiduciam sibi comparabit ex artis suæ peritia, & imposterum calumniā deuitabit, cui est alioqui ars Medica nimium hisce temporibus obnoxia.

Hippocr.
præf. li. 1.

Tria ad prognosin necessaria. Bene verò prædicturus chirurgus tria confideret: essentiam & naturam morbi, hoc est, grauisne sit, an levis: vires egri aut vegetas, aut imbecilles: partē denique ægram. Nam si levis est morbus, & quidem in membro à partibus principibus remoto, velut in brachiis aut tibiis, vires autem vegetæ & firmæ, facile sanabitur. Sin omnes hæc conditiones aut earum pars contrà sint, æger in vitæ aut diuturnioris morbi periculo versabitur. Verùm hæc fusiùs & accuratiùs declarantur hunc in modum.

Celsus lib. 3.

Gangrænâ, authore Celso, si nondum planè tenet, sed adhuc incipit, curare non difficillimū est, vtique in corpore iuuenili. Attamen summa diligētia & industria desideratur: corpus itidem vegetum ac robustum esse par est: alioqui frustra nitente chirurgus desinet gangrænâ in sphacelum, & eum quidem immedicabilem, authore

Ægineta lib. 4. cap. 19.

Ægineta, nisi tota pars vitiata amputetur.

Gāgrænâ in partibus humidis, gingiuis, palato, naribus, pudendis, osculo vteri, & intestino recto rarò sanabilis: in sphacelum autem degenerans, insanabilis: propterea quòd partes illæ sunt calidæ & humidæ, raræ, spongiosæ, adeoque plurimis humoribus & excrementis suscipiendis opportunæ. Præterea verò ipsum innatum calidum cum facile succumbat in illis partibus, eò etiam citiùs suffocatur.

Gangrænâ partium intimarum, iecoris, lienis, renum &c. periculosa, imò etiam lethalis.

Quibus cerebrum sphacelatum est, intra triduum pereūt. Si verò hos superauerint, sani fiūt, inquit Hippocrates. Tūm enim sperandum est, mor-

morbum inclinare, & vires esse validas quæ corruptionem vincere possint.

Attamen Galenus eo loco negat Hippocratem intellexisse quem nos sphacelum vocamus, sed gangrænam potius, aut ingentem aliquam inflammationem: atque ita sphaceli nomine priscis Græcis dictam interdum gangrænam testatur. Si enim, inquit ille, sphacelus est corruptio partis cuiusque quam is occupat, insanabilis est: at Hippocrati sphacelus est sanabilis nonnunquam. Non est ergò verisimile eo loco proprio significato accipi sphacelum, sed pro gangræna potius verè dicta, quæ est quasi via ad sphacelum & illius velut ante ambulo. Gangræna hydropicorum tibiis superueniens rarò sanabilis, sæpius in sphacelum degenerat. Quòd si releuetur æger, restabit tamen vlcus non nisi longo tēpore sanandum, teste Hippocrate. Cum enim non sanentur vlcera, nisi exactè prius desiccata, quod in hydrope fieri nequit propter nimiam humiditatis copiam, necesse est hydropicorum vlcera difficilè sanari, quandiu saltem eorum corpora ita affecta sunt.

Hippocr.
Aphor.
50. sect. 7

Hippocr.
Aphor. 8.
sect. 6.
Idē lib. de
vulcerib.

Perniciosa tali gangræna, propter symptomata quæ secum inuehit, ratione magni tēdinis acutissimo sensu præditi. Quòd si os tali corrumpitur, ut plurimū eger pedis actionibus priuatur: tum quia corruptio ea non nisi difficillimè corrigi potest (os quippe molle & spongiosum cum sit, facilè humores allicit & combibit, qui cariē augment ac fouent) tum quòd tendo ille à talo veluti soluitur atq; ita diuellitur, ut ipsius pedis motum deperdi necesse sit.

Hippocr.
lib. de fra-
cturis.

Sphacelus à pede aut tibia ortus indéque genu ipsum tranſcendens lethalis vt plerimùm: pars enim illa femoris carnoſa cùm ſit calida & humida, putredo facilè ſerpit & in muſculos ita ſeſe inſinuat, vt nequeat penitus tolli, quantumvis tibia ipſa amputetur.

Gangrænæ ex cauſa primitiua, putà contuſione, uſtione, fractura, &c. ferè ſanabilioreſ & minus periculoſæ, quàm quæ ex antecedente cauſa ortum ducunt. Huiuſmodi enim gangræna interna viſcera teſtatur adeò malè affecta, vt medicamentiſ vix ulluſ ſit locus.

*Beniu. de
Abd. ac
mir. mor.
cauſ. cap.
71.
Rèb. Do-
do. Med.
obſer. cap.
27. & 53.
Galen. me-
th. med.
lib. 7.*

Gangræna ex ſiccitate & atrophia difficilè & tardè curabilis: in ſphacelum verò deſinens, penitus incurabilis, imò & lethalis: maximè ſi æger ſit proueſtoris ætatiſ, debiliſ & macilentuſ, morbuſ autem in tibiis ſit & pedum digitiſ. Id enim extremam ſiccitatem arguit, quæ inſanabilis eſt, teſte Galeno.

Gangræna ex qualitate occulta periculoſiſſima, ac plurimùm deplorata & lethalis, præcipuè ſi in ſphacelum tranſeat: ſiquidem ex partibuſ ſphacelo affectiſ viſuſ ſiue vapor quidam venenatuſ attollitur, qui parteſ nobileſ planè inſicit.

Gangrænæ ex prohibitione ac interceptione ſpirituum vitalium, naturalium & animalium, ac potiſſimùm quæ luxationibuſ malè reſtitutiſ ſuperueniunt, vt & quæ à vaſiſ tranſuerſim ſectiſ proficiſcuntur, difficillimè curantur: in ſphacelum verò degeneranteſ, lethaleſ. Rei cauſam habet capite proprio de gangrænæ cauſiſ.

Ulcuſ in gangræna & ſphacelo cōſiderandum quoque diligēter. Nam ſi ſit liquiduſ & ariduſ,

aut nigrum & aridum, parum aut nihil egerens materie pro magnitudinis ratione, inclinent autem ægri vires, certa mors intra paucos dies expectanda. Quippe adeò infirmatur altrix facultas, ut nequeat amplius transmittere sanguinem aut alimentum parti affectæ, sed eam siccare sinat. Quod si qua fortè materies corrupta inerat corpori, antea euacuari solita per vlcus, cum sit facultas expultrix infirmior, quàm ut valeat transmittere & propellere ad partes remotiores, ea manet in corpore, & partes primarias lædit: unde interim & ipsum quoque vlcus siccum & aridum conspicitur.

Ex gangræna & sphacelo moribundis plurimum adest frigidus sudor vniuersalis: siue quia totum corpus ita abundet humoribus frigidis, ut neque natiuo, neque febrili calore possint incallescere: siue quia natura vel, iuxta Hippocratem, innatū calidum, per quàm imbecille est. Accidunt quoque syncopæ & cordis palpitationes, exhalatis per arterias ad cor vaporibus putridis. Interim pulsus obscurissimus & vermiculans est, propterea quòd arteriis vaporum copia oppletis prohibetur diastolæ & systolæ. Adsunt quoque deliria & paraphrenitides, propter vapores copiosos sublato ad caput & cerebrum offendentes. Ut autem gangrænæ variæ sunt causæ, ita & varius est ex ea morientium status. Alij enim veluti sopiti moriuntur, alij etiam inter loquendum: plerosque tamen comitantur acutissimus dolor, spasmi, deliria &c. Quibus enim gangræna oriunda ex intemperie sicca, aut quibus ætas grandior & extenuatio multa, hos ferè mors

opprimit loquentes. Quibus autem gangræna ex intemperie humida, hi somnolenti ac soporosi pereunt. Contrà quibus intemperies calida in causa est, ferè morte violenta perimuntur, quam comitantur febris, syncopæ, deliria, paraphrenitides & spasmi: præsertim si iuuenis & robustus æger fuerit.

CAP. IX.

Gangræna curatio vniuersalis.

i. Indica-
tio cura-
tionis.

GANGRAENAE remedia alia vniuersalia, hoc est gangrænae cū aliis morbis pluribus communia, alia particularia. Vniuersalia sunt, verbi gratia, diætæ, euacuatio corporis adhibitis purgationibus, phlebotomia, cucurbitulis, frictionibus, &c. Particularia traduntur, scarificationes, cauteria siue potentialia siue actualia, & quæcunque huiusmodi putredini & malignitati repugnant: de quibus infra fusiùs. In administrandis remediis vniuersalibus accuratè perquirèda est causa antecedens siue interna, vt ab ea sumatur prima curationis indicatio. Nā si gāgræna proficiscitur ab affluxu humorū calidorū & humidorum, oportet diætā & sex rerum non naturalium vsum tendere ad refrigerandum & exiccandū, nisi adsit febris: tūm enim diætā paulò humidior præcipienda est ægro, præsertim iuueni: vti & si materia peccans fuerit calida & sicca. Purgatio, siquidē erit necessaria, perficietur cholagogis, vti electariis Diasbesten, Diaprunis, lenitiuo, rosato Mesuegi, de succo & similibus.

libus. Phlebotomia & cucurbitarum hirudinumque applicatio conducibilis cum ad reuulsionem & deriuationem, tum ad humoris peccantis euacuationem, præsertim in gangræna ex affluxu sanguinis. Sin erit merabilis flaua, hoc est humor cholericus, phlebotomiæ parcendum: quippe sanguis veluti frænum est humoris biliosi. Ager etiam abstinebit à vino & calidis omnibus: bibat verò ptissanâ cui sint incocti Tamarindi, itémque oxalis, addito syrupo citriorû, aut de succo limonum, de acetosa, arantiorum, acetoso, granatorû & similiû. Sin ex causa frigida & humida sit morbus, diætâ & sex rerum nō naturalium vsus vergēt ad mediocrem calorem & siccitatem. Quamobrem addantur in cibis rosmarinus, hyssopus, thymus, maiorana, cinnamomum, radic. petroselini, sceniculi, aliâque diruetica. Purganda quoque pituita Elect. Ind. maiore & minore, Diaturbith, Diaphœnico, Diacartamo, & similibus, pro ratione ægri ætatis & virium.

Tandem quauis arte euacuandum & desiccandum corpus, & roborandę partes interne, ac iecur imprimis, trochiscis de rhabarbaro, de eupatorio & diarrhodon.

Prædominante humore melancholico, siue atrabili, abstineat quoque æger à cibariis crassioribus & concoctu difficilibus, salitis carnibus, aromatis, leguminibus, ferina, auiibus aquatilibus. Ac vbi præparatus fuerit humor syrupis de epithymo, de fumaria, & lupulorum sumtis cum aquis stillatitiis, aut decocto earundem herbarû, purgetur Diasenna lenit. pulu. senne præpar.

confect. Hamech. aut pilul. de fumo terræ: dissoluentur isthæc electuaria in decoctione fumaræ, epithymi & polypodij. Sin gangræna proficiscatur ex siccitate & ex atrophia, erunt internæ partes humectandæ bono alimento: externæ autem vnctionibus ex oleis amygdalarum, dulcium, liliaceo, violaceo & similibus. In hac gangrænæ specie nocet venæ sectio, itémque frictiones & cucurbitæ, nisi fortè ipsi parti affectæ adhibeantur, alliciendorum gratia spirituum & sanguinis quo ipsa alatur. Ætas quoque, temperies corporis, sexus, regio & anni tempestas indicant quid facto sit opus. Amplius enim refrigerantia desiderantur in habitu bilioso, æstuosa regione, tempore & anni tempestate itidem calida, quàm si omnia secus habuerint.

In Topicorum quoque usu habenda erit horum ratio, nempe 1. Causæ. 2. Aetatis. 3. Sexus. 4. Virium. 5. Partis affectæ. 6. Omnium verò maximè, vehementiæ & magnitudinis morbi. A causa prima sumitur indicatio. Nam si fuerit affluxus phlegmonicus, potentiùs refrigerandum est & euacuandum, quàm si causa in humore pituitoso consistat. Præterea humores arcendi sunt defensiuis: contraque attrahendi iidem si causa sit siccitas sanguinis alimentique penuria. Rursum si causa sit arctior ligatura, ea soluenda & medicamen adhibendum incidendis, abstergendis & deficcandis humoribus retentis circa ligaturam, quò pateat spiritibus via. Si erit luxatio aut ossium eminentia, suo quoque loco restitui oportet, quoad eius fieri poterit.

1. Indicatio.

Secunda indicatio ab ætate desumitur. Nam
iuueni

iuueni ægroto caro & partes omnes molliculæ sunt proin medicamenta adhibenda minùs effi-
cacia, quàm quæ prouectioribus. Horum enim
caro & partes duriores ac solidiores, verbi, gra-
tia, agricolarum, nautarum, venatorum, baiulo-
rum & aliorum eiusmodi laboriosam vitam a-
gentium. A sexu itidem indicatio. Ferè nanque <sup>3. Indica-
tio.</sup> delicatius tractanda mulier aut puella, quàm vir
quispiam, aut habitior adolescens: similiter &
mollius otiosi ac delicati omnes: itémque eunu-
chi, quàm superiores illi agricolæ aliique id
genus.

Ab ægri quoque viribus quarta sumitur indi-
catio. Nam si firmæ fuerint, chirurgo integrum <sup>4. Indi-
catio.</sup> erit applicare valentia remedia, & necessarias
operationes exequi. Sin morbo iam deiectæ vi-
res, vix præstari poterunt quæ alioqui necessaria
forèt. Prudentis autem hominis est, inquit Cel-
sus, cum qui seruari non potest, nō attingere, ne
videatur occidisse quem fors ipsius peremit.

Quinta indicatio petitur à parte affecta. Nam <sup>5. Indica-
tio.</sup> oculi, os, pudenda, vterus, anus, articuli, verte-
bræ & alia id genus, itémque partes exquisito
sensu præditæ sunt mollius tractandæ, quàm quæ
sunt musculosæ, vti brachium, tibia &c. Ita sese
geret Chirurgus quoad eius fieri poterit pro
ratione indicationum quæ sese offerent.

Sexta & postrema superest indicatio quæ pro <sup>6. Indica-
catio.</sup> pmodum omnia subuertit, nempe morbi ma-
gnitudo. Itaque si recens est morbus, & putredo
tantummodò superficialia, sat est leuiter scarifi-
care partem affectam, & adhibere Ægyptiacum
vel simplex, vel melle rosaceo temperatum pro

partis affectæ natura, præque ætatis & sexus ratione. Sin grauis sit morbus, mineturque sphacelum, incidenda pars est altius, apponendumque: Ægyptiacum compositum, aut ruptoria & cauteria potentialia: aut ipso actuali cauterio, si quidem fieri potest, auferendum quicquid corruptum est. Nihil enim clementer agendum in tam diro morbo, solitoque; vel partem affectam vel corpus vniuersum perdere: maximè quum degenerat in sphacelum. Quapropter si superiores indicationes vel tantillam spem faciunt, protinus adhibendum est extremum remedium iuxta Hippocratis Aphorismum: Extremis morbis extrema sunt adhibenda remedia. Sic enim remedium morbo analogum non poterit non esse vtile, quantumuis violentum. Sic Heluetio illi in capite vulnerato, de quo cap. 3. vidi præstantissimum Chirurgum Ioannem Griffonium feliciter adhibuisse supra duram matrem syrupum ex Ægyptiaco, liquidissimam videlicet eius vnguenti partem, quæ pulueribus subsidentibus innatabat: vnde statim cohibita est putredo quæ duram matrem occuparat: alioqui remedio imbecilli nihil fuisse effecturum erat verisimile. At Ægyptiacum hinc appello extremum remedium, habita partis ratione cui apponebatur. Monitos interim chirurgos velim, ne hæc aliave id genus valentia remedia adhibeant cerebri membranis, nisi manifesta putredine seu corruptione, tentatis, qualis in illo Heluetio cernebatur: alioqui superuenirent grauissima symptomata. Ac ne iis quidem diutius vtendū censeo, imò intermittenda statim atque morbi malitia cohibita videbitur.

Porro

Hippocr.

Aphor. 6.

sect. 1.

Porro quia omnis in vniuersum gangræna & sphacelus putrefactionis ratione veneni plus minúsve particeps est, pro ratione morbi maioris minorisve, conseruandę firmandęque partes primarię, cerebrum, cor & iecur, vt ne vaporibus & exhalationibus à putredine ista sublatis tententur, idque remediis tum internis, tum externis. Cor à vaporibus malignis egregiè tuetur lapis Bezoar, cuius quinque aut sex grana in vino albo propinantur, si absit febris: sin minús, in aqua buglossi aut cardui benedicti. Quibus non suppetit Bezoar, per interualla scrupulus terrę sigillatę aut boli Armenę, aut cornu monocerotis exhibendus: huic tamen cerui cornu haud multum cedit contra venena. Succus citriorum cum saccharo & ptissana in eundem vsum efficacissimus. Theriaca & Mithridatium laudantur, si soluatur aqua aut decoctione cardui benedicti & ægro præbeantur à scrupulo ad drachmam vnā. Sunt quoque conseruę rosarum, violarum, buglossi & nenupharis vtilissimę: & si vehementior sit febris, cordialibus (theriacę ac Mithridatio imprimis) addendum est aliquantum trochiscorum de Caphura: hæc enim putredinē inhibet. Extrinsecus applicandum epithema sequens:

℞. aquarum ros.
buglossę &
borraginis, ana ℥ ij.
vini odorati ℥ j.
aceti ℥ ss.
spec. diamargar. frig. 3 ss.
ligni aloës

Christop.
Andreas
in acciatr.
cap. de
cornibus.
Ambros.
Parac.
lib. 21.
cap. 62.

cort. citri. rasuræ ebor. ana ℥ ss.

croc. gr. 6.

Misce: Fiat epithema. Applicetur tepidum cordis regioni cum panno purpureo.

In pauperiorum gratiam æstate accipitur copiosa borrago cum paululo melissæ: contundetur in mortario cum cyatho vini albi, & paulillo aceti rosati: expressioni addetur cinnamomum & crocus puluerata: dein applicabuntur ut supra.

Contemperandus quoque vehemens iecoris calor, idque exhibito ægrotanti syrupo citriorū, granatorum, aut acetosæ, cum aqua destillata aut decoctione endiuix, lactucæ, portulacæ, acetosæ aut cum ptissana, cui potest addi paulū diamargariti frigidi. Interim prorsus abstineat vino aliisque calidis. Extrinsicus iecori applicetur epithema sequens:

℥. aquarum endiuix,

cichorij,

lactucæ,

absinthij, ana ℥ ij.

aceti ℥ ss.

spec. Diarrhod. Abbatis ℥ j.

santali rubri ℥ ss.

Misce. Si fueris ruri desintque aque, harum loco herbæ illæ aut omnes, vel pleræque usurpentur, succus exprimatur: aut fiat earundem decoctio: deinde addito paulillo aceti & caphuræ, applicetur iecori.

Si capitis dolor vehemens sit, nec æger somnum capiat, vapores clysteribus & suppositoriis

reuellentur: inungantur malæ & frons populeo,
vel sequenti:

℞. olei rosar.

nenuphar. ana ℥ S.

caphuræ,

opij dissolut. in aqua betonicæ, ana gr. 6.

Misce: Fiat linimentum.

In eundem usum applicato frontale huiusmodi:

℞. aquarum ros.

betonicæ, ana ℥ ij.

aceti,

olei rosati &

nenupharis, ana ℥ j. Misc.

Æger, ut dictum, temperet vino & cæteris calidis aut concoctu difficilibus: quippe ex his vapores ad cerebrum copiosi transmittuntur: quos ut inhibeas, post cibum sumi poterit aliquantum ex miua cydoniorum sine speciebus, è conferua rosarum, Rob de Ribes, aut Berberis, & similibus.

CAP. X.

Curatio Gangræne particularis, nempe eius quæ ex alteratione vehementi per qualitatem manifestam ortum ducit.

IA M primo capite attigimus quæ ad gangræ-
næ curationem pertinent: sed cum non veniat
in chirurgi manus grauior aut difficilior mor-
bus, haud erit abs re eandem paulò fusiùs perfe-
qui. Vbi igitur ex antè commemoratis signis
perspexeris oriri gangrænâ ex affluxu humo-
no.

*Curatio
gangr. ex
inflama-
tione &
phlegma-
no.*

rum phlegmonicorū, considerandum sistatūrne materia, an verò adhuc defluat in partem affectam. Defluere autē iudicabis, si dolor ingēs, inflammatio item magna ac vehemens febris fuerit, axillarūque aut ilium glandulę subtrunideę sint ac dolorificę. Tūm quauis arte primò inhibenda est defluxio: deinde eadem aliò deriuanda: tertio euacuandum quod in loco affecto iam

1. *Scopus.* congestum est. Primum illum scopum assequemur astringentibus siue defensiuis, quibus defluxio potest arceri à parte affecta. Chirurgus igitur statim initio post præscriptam victus rationem, qualis antè proposita est, applicet loco affecto defensiuum sequens:

*Antonius
Chalmer.
lib. 1. c. 3.*

℞. boli Armen. ℥ iiij.
terrę sigillatę ℥ ij.
cornu cerui vsti &
rasurę eboris, ana ℥ ij.
caphurę ℥ iiij.
cerę ℥ iiij.
olei rosati ℔ j.
aceti ℥ iiij.
aquę rosar. ℥ ij.
album. ouorum num. 2.

Misce: Fiat vnguentum, quod diu seruari potest. Aut quod parabilius est impensęque minoris:

℞. Far. hord. ℥ iiij.
boli Arm. ℥ ij.
pulu. gallar. virid.
nucum cupressi
cortic. granat. ana ℥ j β.

Cum

Cum oxymelite fiat cataplasma.

Alterutro in eundem vsum promiscuè aut alio quopiam ad arbitrium vti potest chirurgus: mihi posterius vsitatum est. Oleosa enim mihi omnia aut quouis modo pingua suspecta sunt in gangræna: quoniam inhibent transpirationem poros obstruendo & astringendo. Cessante defluxione possunt defensiva intermitteri, vt innatum calidum minore negotio penetrare queat in partem affectam. Sin aliquod corruptionis principium sese patefaciet, tùm erunt cōtinuanda ad arcendos vapores, qui ex putredine ad partes primarias attolluntur.

Alter scopus est, aliò reuellere & deriuare 2. Scopus. humores in partem affectam affluentes, idque quàm citissimè, adhibitis purgationibus, phlebotomia, cucurbitis, hirudinibus, aliisque id genus remediis. Corpus purgandum medicamentis lenientibus, putà bolo sequenti:

℞. Cassiæ recens extractæ ʒ ij.

catholici ʒ ʒ

Cum Saccharo, fiat bolus.

Aut dissolvendo in aqua buglossæ, aut decocto endiuidæ, lupul. scabiosæ, cichorij, & florum cordialium, fiat potio. Aluus laxa seruanda: lubrica reddetur quoad eius fieri poterit usu seu clysterum & balanorum, seu etiam prunorum dulcium decoctorum in infusione Sennæ, Mechocam & Rhabarbari, quibus libenter vtor si quando est animus purgare validiùs. Secunda vena, nisi ætas, tempus, aliudve quippiam obstitit, & multus extrahendus sanguis, sumta indicatione à magnitudine morbi & virium ægro-

ti. Vena aperiatur quæ consensum habeat cum parte affecta, obseruata interim fibrarum rectitudine. Hic quoque vtilis cucurbitæ, iis præsertim qui phlebotomiam ferre nequeunt. Sic & hirudines ano adhibetæ ad euacuandum humorem atrabilarium. Arctior quoque ligatura remotarum partium utilis: at frictiones noxiæ, quod sanguinem accendant, & subtiliorem reddant.

3. *Scopus.*

Tertius scopus est, vt pars in pristinum ac naturalem statum restituatur. Id fiet euacuato accuratè sanguine & cæteris humoribus parti affectæ impactis ac in ea conclusis. Itaque quamprimùm prospiciendum est quid facto sit opus, & scalpelli acie tentandum sitne gangræna profundior, an superficiali: tùm pro diuersitatis ratione scarificationes leuiùs aut altius imprimendæ: dein satis magna sanguinis quantitas finenda effluere. Quinetiam si qua sit in parte affecta grandior insigniôrque vena, ea audacter & sine mora incidenda: sic enim exoneratur & refrigeratur pars affecta, & aperitur pororum obstructio, quæ arteriarum systolen & diastolen inhibeat. Id tamen non nisi in grauiore morbo & viribus egri firmissimis aggrediendum. Nervos autem maiores, tendones & arterias nefas attingere, quandiu nulladum cernitur corruptio. Alioqui metuendum à conuulsione, motus deperditione, doloribus acutissimis, sanguinis profluuio, & spirituum vitalium resolutione, imò & syncope.

*Paulus
Aegineta
lib. 4. c. 19*

Præter scarificationes Guido noster & ceteri Scriptores iubent apponi hirudines, quò plus de-

depleatur sanguinis & humorum: id quod & ipse soleo facere, quoties potissimum sanguis parcius educitur scarificatione. Si desint hirudines, aut si æger eas respuat, soleo tres aut quatuor cucurbitulas minores applicare: maiores enim cucurbitæ violentius attrahunt. Hirudines tamen aptiores & proposito convenientiores. Euacuato sanguine abluenda pars aceto & sale marino simul liquatis. Hæc enim putrefactioni plurimum repugnant. At si profundior fuerit gangræna, efficacior adhibenda lotio, qualis ea est quæ sequitur:

*Hippocr.
de liquidi
usu, &
de diata
lib. 2.*

℞. lixiuij fortiss.

aceti optimi, ana ℥ iij.

scordij,

absinthij,

rutæ,

lupin. contusorum, ana M S.

radic. Aristot. rotund.

vincetoxici, ana ℥ S.

salis marini ℥ iij.

Coquantur ad consumptionem tertiæ partis.

In colatura dissolue

Aloës

myrrhæ, ana ℥ S

aquæ vitæ ℥ ij.

Quoties remedia permutare necesse fuerit, lauari oportebit partem fotu illo tepido: nam præterquam quod plurimum resistit putredini, etiam reuocat innatum calidum, resoluit & exiccet corruptos humores inibi conclusos. Insuper toti parti affectæ scarificatæ imponendum vnguentum Ægyptiacum Mesuëi, quod componi-

*Ægyptiacum
cum Meo
suat.*

tur hunc in modum :

℞. Æruginis ℥ v.
mellis optimi ℥ xiiij.
aceti ℥ vij.

Coquantur omnia simul, donec fiat vnguentum spissum & colore purpureum.

Quod si corruptio maior est, soleo idem vnguentum sic conficere :

Egyptia cum magistrale. ℞. Æruginis ℥ iiij.
mellis optimi, & cum decocto absint. & scordij despumati ℔ j.
aceti scillitici ℥ vj.
alummis rochæ,
salis ammoniaci, ana ℥ ℔.
succu rutæ &
scordij, ana ℥ ij.

Coquantur ad spissitudinem: dein admisce theriacis optimæ,
mithridatij, ana ℥ ℔

Caphuræ (plurimum enim penetrat & putredinem inhibet) ℥ j.

Jo. Fern. method. med. lib. 11. cap. 3. lib. 22. cap. 24. Jo. Mes. de Antidot. lib. 3. Ambros. Par. lib. 12. cap. 27. Jean. de Vigo lib. 2. cap. 17. Leonh. Fuchs. de medic. morb. lib. 3. cap. 5. Sic præparatum vnguentum non solum resistit putrefactioni, sed & temperat ac minuit vaporum malignitatem, qui perpetuò attolluntur à parte obsessa gangræna, & lædunt partes principes. Breuiter Ægyptiacum præstantissimum & primarium est in gangrænæ remediis, separâtque mortuam carnem à viua & laudabili gignens escharam. Vbi tota pars Ægyptiaco cōtecta fuerit, insuper applicandum cataplasma sequens, quod & ipsum resistit putredini, exiccat humores excrementitios dolorésque sedat.

℞. Farinæ lupinorum,

len-

lentium,

fabarum,

loli,

salis marini, ana ꝑ iij.

pulu. summit. absinthij,

scordij,

rutæ, ana ꝑ j.

Coquantur in oxymelite simplici: Fiat cataplasma. Refrigerato adde Aloës, myrrhæ, ana ꝑ j. Aquæ vitæ ꝑ iij. Misce.

Farinæ non sunt diu coquendæ: fieret enim nimis viscosum cataplasma. Atque ego hanc autumo causam esse cur Nicolaus Goddinus in chirurgia sua militari has repudiet, vtpote ad gangrænam inutiles: siquidem emplasticas putat. Quamobrem leuissimè tantùm excoquendæ sunt cum pulueribus. Hæc autem remedia omnia, ablutio, cataplasma, &c. tepidè sunt admo- uenda: linteisque prætereà calidis obuoluenda pars affecta, etiamsi gangræna orta sit ex inflam- matione. Sic enim penè extinctum & intermor- tuum innatum calidum reuocatur, & quasi rur- sum accenditur in parte affecta.

*Ambros.
Par. lib.
12. c. 27.*

Chirurgus quoties ad ægrum accedet, his re- mediis excitatæ escharæ summam partem tolle- re conabitur, aut scalpelli acie incidet vsque ad partem sanam, quò detur medicamêto quacun- que penetrandi via ad corrigendum quicquid deprauatum & corruptum est: nec alia procedet methodo, donec viderit morbum superatum & euictum. Id verò ex eo deprehendet, quòd ma- lum non latius serpet: & circa ipsum apparebit circulus exactè rubens & exquisiti sensus: hoc

est, fiat separatio partis mortuæ à viua carne. Præterea verò reperietur inibi materia densior: adeoque laudabilis.

*Cauter
potentia-
li.*

Corriguntur etiam corruptio & caro emortua caute tum potentiali, tum actuali. 1. De Vingo & quidam alij laudant Ægyptiacum fortificatum Arsenico. At si Arsenici effecta consideres,

*Gal. li. 4.
de comp.
med. se-
cund. loc.
Aëtius
lib. 14. c.
53. &
Galen. de
simp. me-
dic. facul.
lib. 5. c. 14* meritò reicies eam compositionem. Enimverò Arsenicum censetur in numero medicamento-
rum quæ Galeno septica dicuntur, hoc est, putrefacientia: his enim corrumpitur temperies partis affectæ, & ad eam extraneæ humiditates alliciuntur. Gangræna autem ferè nihil aliud est, quàm putrefactionis initium, quæ plurimum ex calido & humido gignitur. Frustra igitur speres Arsenicum, quod ex causis suprà allatis putrefacit, quicquam laudabile ibi efficere: cum sit potius putrefactionem promoturum. Præterea Practici qui vlceribus, scrophulis & fistulis applicuerunt vnguenta & trochiscos ex Arsenico paratos, facile potuerunt observare, quàm graua exoriatur ab eo symptomata, nempe dolor ingens viginti quatuor horis perseuerans, febris, delirium, deliquia & syncopæ. Hæc autem symptomata ex eo sunt omnia, quòd Arsenicum transmittat vapores suos malignos ad partes principes, liquata prius carne in materiâ quæ illi pro vehiculo est ad deferendam illius qualitatem malignam ad eas partes primarias. Et quanuis vlcera sint remotiora à partibus primariis, eius tamen malignitas ad eas facile pervadit per medias venas, nervos & arterias. Hinc intelligimus Arsenicum nihil ad gangrænâ conferre.

ferre. Itaque si quando applicanda sunt cauteria potentialia, felicius & tutius vsurpanda mihi videntur caustica parata ex fortissimo lixiuio è cineribus sarmentorū, & calce viuā. Huiusmodi enim ruptoria operantur præsentissimè & leui cū dolore, quique vix ad horulæ spatium perseuerat: contrā Arsenico excruciat æger 24 horas, imò & totum biduum, cum symptomatis longè grauissimis. Adhæc cū Arsenico dissoluatur liqueturque caro, ruptoria contrā extenuant, desiccant & dissipant humores superfluos. Item cū Arsenicum soleat peruadere ad partes principes, vti dictum est, ruptoria cū sint crassioris substantiæ, in ea tantum agunt quæ proximè contingunt.

Cauter verò actualis, vti est supremum remedium, ita maximum putatur dignitate & præstantia, siue ad inhibendum putrefactionem, siue ad exiccandam & roborandam partem affectam: siquidem operatio eius non altius peruatit quàm quò ignis pertingit: ac desinit quoque dolor simulatque ferrum amouetur. At medicamentorum contraria vis, vt antè diximus.

Atque hîc omnino certum est ac verum axioma Veterum: Quæ medicamenta nō sanant, ferrum sanat: quæ ferrum non sanat, ignis sanat: quæ ignis non sanat, ea insanabilia putare oportet. Tamen in gangræna ex intemperie calida sine affluxu, pariter atque in illa quæ ex siccitate & atrophia existit, cauteris nonnihil suspecti sunt.

Eschæra his remediis facta, curandum est quamprimùm vt excidat. Id tamen fieri non debet remediis applicari solitis ad relaxandam es-

Cauter. a.
Actualis.

Hippocr.
Aphor.
sect. 8. A.
phor. 8.

*Galen. de
arte cu-
randi ad
Glauc. li.
2. c. 9.
De diæta
lib. 2.*

charam, putà butyro recenti, basilico, oleo dulci, adipe suis, anseris, caponis, & ceteris id genus, quæ cum sint calida & humida, possunt nouam generare putredinem, simulque vlcus sordidum reddere. Itaque ex Galeni sententia applicandus est succus porrorum cum sale: hic enim penetrat & exiccat plurimum, sicque patrefactioni repugnat. Adde quod relaxat, & adiuuat escharæ casum humectatione sua, inquit Hippocrates. Morbi vi superata Paulus Ægineta vult applicari farinam hordeaceam decoctam in hydrelæo, aut (quod magis probatur) farinam orobi cum melle. Vtile quoque ad escharæ casum vnguentum sequens, itémque ad vlcus abstergendum & mundificandum:

℞. Farinæ erui,

radic. Aristol. rotundæ,

iridis Flor.

vincetoxici, ana ʒ S

theriaces ʒ ij.

cum s. q. mellis rosati, fiat vnguentum.

Veruntamen hîc meminisse oportet eorum quæ suprâ monuimus, videlicet non expectandû, dum naturæ beneficio aut medicaminis opes eschara separetur. Natura enim cum sit debilis, tardior esset, ac interim posset regigni noua putredo sub eschara. Adde quod eschara cum non debeat humectari oleis, pinguedine, & similibus, exiccatur, ac proinde contrahitur & corrugatur: quod ipsum dolore non vacat.

*Cura gā-
gr. ex E-
rysipelate
malè cu-
rata.*

Si fuerit gangræna ex Erysipelate malè curato, aut ex proprio partis calore incenso, diæta præcipiatur frigida & humida, exhibeanturque

sepe

sepe hordeata aliæque iuscula ex veruecina aut volatiliū carne, incoctis lactucis, portulaca, acetosa, borragine & similibus. Corpus quoque sic purgandum:

℞. Catholici ℥vj.

rhabarb. in ℥iiij. aquæ endiuæ cum paululo cinnamomi infusi & expressi ℥j.

syrupi rosati solut. ℥.ij. Fiat potio.

Pars affecta scarificetur ad viuum, exin lauetur decoctione sequenti:

℞. Aquarum endiuæ,

lactucæ,

solani, ana ℥j.

aceti ℥s.

lupinorum ℥j.

rutæ,

scordij,

salis, ana M s.

Coquantur ad consumptionem tertiæ partis.

Parti ad hunc modum lotæ applicandum Ægyptiacum Mesuæi, dein cataplasma sequens:

℞. Farinæ fabarum,

lupinorum,

hordei, ana ℥iiij.

scordij pulu. ℥ij.

Cum oxymelite fiat cataplasma.

Sin continuatis doloribus & cæteris symptomaticis pars affecta repletur humoribus, quātumuis prima causa fuerit humor biliosus, aut inflāmatio sine affluxu, nempe ex proprio partis calore, ad valētiora progrediendum remedia, nēpe cauteria actualia vel potēntialia, & escharæ casus procurandus ad modum antè propositum. Ve-

*Albuca-
sis lib. 1.
cap. 1.*

rùm tamen seriùs, nec nisi summa necessitate applicandus est cauter actualis: quia cùm inflammationes biliosæ sint suapte natura siccæ, eas cauter magis magisque desiccat.

*Curatio
gangrænæ
ex conge-
latione.*

Si ex congelatione sit gangræna, (præter vniuersalia, quæ iudicabit necessaria chirurgus) videndum est accuratè incipiâtne tantùm affectus, an iam aliquantisper perseverarit: id autem ab ægro & adstantibus promptum est rescire. Aliàs

*Leuin.
Lemnius
de occult.
nat. mi-
rac. lib. 4
cap. 20.*

morbis potest intelligi incipiens duntaxat, si pars eximio rubore scintillet, dolor autem sit vehementissimus, punctorius & exurens. Sin vt-
cunque inueteratus est morbus, pars erit liuida & frigida, vt cap. 6. diximus. Ergò si incipiat tantùm morbus, non statim admouendus ignis, aut calida quælibet apponenda: quin potiùs aqua frigidissima irriganda est pars, aut niue perfri-
canda: sic enim ea poterit restitui, & paulatim incalescet. Hoc ipsum facilè quilibet hyeme experitur, si manus frigore propè congelatas fricat niue aut aqua gelida. Sic enim subito incalescēt: at igni admotæ magnum sentiēt dolorem eūmq; punctorium. Præterea si quis poma aut rapas cōgelatas iniiciat in aquam frigidissimam, videbit ipsum gelu internum foras quasi allici: ita vt fructus illi redeant ad suam naturam pristinam. Sin verò demergātur in aquam calidam aut tepidā, confestim flaccescent, & paulò post nigrore cōtracto putrescent. Istiusmodi porro curatio

*Ambros.
Paræus
lib. 12. ca.
24.*

Liuioniæ, Irlandiæ, Noruegiæ, & ceterarū septentrionalium plagarū incolis vlitatissima est. Neq; enim vesperi ingrediuntur in diuersoriū, aut ad ignem vel vaporariū accedunt, nisi egregie perfricatis

fricatis prius manibus, extremo naso & auriculis plurima niue. Quod si cui vecto traha, pro regionis ritu, manus pedesque propè congelati fuerint, cum primum diuersorium ingressus est, non dubitant illicò immergere partes gelidas in aquam frigidā aut niuem: & sic eū refouent. Frigore enim quod inest aque vel niui per antipéristasin repellente & cogente in vnū quod reliquū est innati calidi in partibus affectis, ipsum innatum calidū ita inualefcit, vt frigus ceu aduersarium expellat. Narrauit mihi vir quidam nobilis & fide dignus se, cum eas regiones peragraret, incidisse aliquando in viatorem secundū viam frigore rigidū ac penè mortuū: quē plastro suo impositum cum deduxisset in diuersoriū, hospes illicò demersit in frigidā: quo facto, vndiquaq; ita erupit gelu, vt ipsius corpus glacie ceu ferro thorace contactum conspiceretur. Tūc quoque propinatum illi aiebat cyathum ampliolem hydromelitis, quo illi ceu potu ordinario vtuntur, addito puluere cinnamomi, caryophyllorum & macis, vnde sudor in lecto prouocatus est: atque ita ægrum ad se rediisse, amissis duntaxat manuum & pedum extremis articulis. Hinc intelligimus, hanc methodum sanandi congelatos veram & tutam esse: ac eam etiam probat summus Philosophus, qui regiones illas frequentauit: modò ne frigore prorsus rigescant partes ac nonnullus calor subsit. Nam si innatum calidum extinctum aut extinctioni proximum sit, tūc aqua frigida nunquam reuocabit, imò vix etiam medicamentum vllum. Quauis tamen ratione illiciendum erit in partem affectam fri-

Observatio.

*Leuin.
Lemn. lo.
eo iam co-
rato.*

ctionibus & cæteris, quæ paulò pòst in medium afferentur.

Coniiciens autem chirurgus ex sedato dolore pungente, ipsam quoque congelationem magna ex parte mitigatam, missam faciet aquam frigidam, aut niuem, & lenes frictiones adhibebit: deinde fots è lacte dulci, cui lauri baccæ, rosmarinus, saluia, lauendula & similia calida incocta fuerint. Ius è capite, pedibus & intestinis veruecinis, incoctis herbis iisdem, aptissimū est alliciendo sanguini, partique affectæ in pristinum vigorem restituendæ.

*Ioan. de
Vigo.*

Raparum decoctio, aut eadem rapæ contusæ cum paululo calcis viuæ & applicitæ, plurimū iuuant. Rapæ enim quodlibet gelu foras extrahunt. His peractis componendus æger in lecto, probèque contegendus, circumponendæque partibus congelatis vesicæ plenæ iure illo modò dicto, aut lacte dulci. Deinde per os exhibendum quod calidū innatū & sanguinè vitalè partium intimarum ad extimas impellat. In eum verò vsum laudatissima Theriaca electa, in vino albo eoque generoso dissoluta. Perendie continuandi fots ex iure intestinorum & herbarum suprà dictarum. Dein illinenda pars affecta oleo de lateribus, de terebinthina, de cera, sem. vrticæ, nasturtij, &c. Quin & aliquoties theriacæ vsus ex vino iterabitur. Sin frigore vehementissimo & diuturno planè suffocatum sit innatum calidum, ipsaque gangræna multū inualuerit, tūm adhibenda est scarificatio, aliæque antè proposita remedia. Defensiuorum vsus hîc nullus: nisi fortè corpore plethorico existente parti affectæ vehementer

hemens quispiam & ingens affluxus contigerit. Partis verò calor conseruandus, adhibitis assiduò vesicis plenis sequente decoctione:

℞. Foliorum lauri,
melissæ,
rorismarini,
rutæ,
origani,
scordij,
absinthij, ana M S.
radic. vincetoxici,
angelicæ, ana ℥ ij.

Coquantur in vino albo ad cōsumtionem tertiæ partis.

Quoniam in gangræna ex intemperie frigida & humida morbi origo vt plurimum consistit in partibus intimis, hepate, splene & cæteris, habenda est imprimis ratio harū partium, & præcipienda diætā, purgationes & cætera, prout earundem dispositio postulabit. Hic autem consulendus doctus aliquis medicus. Quoad remedia topica, chirurgus, si adsit magnus humorum pituitosorum affluxus, applicet defensuum: ex calidis tamen & siccis compositum, quale quod sequitur:

*Curatio
gangr. ex
intemperie
frigida
& humi-
da.*

*Defensiu-
um de
Vigo.*

℞. Rosarum,
myrtillorum,
absinthij,
schœnanthi,
stœchados, ana M S
sampsuchi,
anthos, ana parum.
nucum cupressi aliquantulū contritarū nu. 10.

alum. rupei.
 salis, ana ℥ ij.
 cinnamomi ℥ j.
 croci ℥ s.

Bulliant omnia simul cum vini & lixiuij barbitonforis æquis partibus, addito pauco aceto, ad consumptionē tertiæ partis. Deinde colentur: & ex colatura cum farina fabarum, lentiũ & hordei ad ignem fiat emplastrum solidum, addendo ol. rosati completi, chamæmelini, de spica, ana ℥ ij.

Sin affluxus nullus, nihil defensiuo opus, nisi putrefactio plurimũ progressa fuerit, parsque sphacelo sit proxima: tũ enim defensiuo cohibendi vapores putridi, quominũs ad partes principes peruadant. Applicato defensiuo, quauis ratione desiccanda est humorum copia ingens loco affecto conclusa, exhalandũque calor extraneus, qui putrefactionis fuit in causa. Itaq; scarificatis locis omnibus suspectis siue altius siue superficietenus, prout malũ magis minũsue altas radices egerit, fouenda est & lauanda calidẽ pars affecta decoctione sequente:

℥. Lixiuij barbitonforis ℔ viij.
 calcis viuæ ℔ j.

Coquantur parum:

In colatura iterum coque lupin. M j.

scordij,
 absinthij,
 rutæ,
 salis marini, ana M. S.

Tandem coquantur ad consumptionem tertiæ partis. Colaturæ fortiter expressæ admisce

Aquæ

aquæ vitæ,

acetæ scilliteri, ana ℥ iij.

aloës,

myrrhæ, ana ℥ ij.

Postea vbique applicandum Ægyptiacum nostrum antè descriptum, aut etiam ruptorium, si sit necesse escharam profundiore excitare: ac tandem inducenda pars sequenti cataplasmate:

℥. Far. lupinorum &

lolij, ana ℥ iij.

summitat. absinthij,

scordij,

rutæ minutissimè incisæ, aut in pulu. redactæ,

ana M. ij.

pulu. radic. Vincetoxici,

angelicæ, ana ℥ ij.

salis marini M. ij.

Coquatur leuiter cum lixiuio iam præscripto. Deinde cùm penè refrixerit, admisce

aloës,

myrrhæ, ana ℥ S.

aquæ vitæ ℥ iij.

Misce: fiat cataplasma.

Pars sic curata calida est in lecto continenda: in idque plurimùm laudo fragmēta lapidis molaris calefacta, & parti circumposita. Is enim lapis præterquàm quòd calidū innatum reuocat, exiccat quoque & resoluit plurimùm. Chirurgus dum cataplasma detrahet, conabitur scalpelli acie aut alio id genus instrumento accommodato escharam Ægyptiaco vel ruptoriis excitatam separare: deinde abluet denuò partem antedictò foru, adhibebitque Ægyptiacum &

cataplasma, vt antè: nec aliter se geret, donec si-
sti malum animaduertit. Tandem nitetur se-
parare escharam pharmacis antea commemora-
tis: continuâdo interim cataplasma quod putre-
factioni repugnet. Quòd si Ægyptiacum aut ru-
ptoria non satis valeant contra vim putredinis,
adhibendus erit cauter actualis, qui mihi in hoc
gangrænæ genere admodum probatur: propter-
ea quòd egregiè desiccat, resoluit & roborat par-
tem affectam, eiusque calor agens penetrat al-
tiùs quouis remedio.

*Curatio
gangrænæ
ex intem-
perie sic-
cæ.*

In gangrænâ ex intemperie sicca, nimirum ex
atrophia, quauis ratione humectandum est cor-
pus, tum commodo victu, tum his quæ sequun-
tur. Igitur est necesse diætâ ægri & aërem in
quo moratur tendere ad calorem & humidita-
tem: debet ergo cibus vti sanguinem & alimen-
tum plurimum gignentibus, concoctu facilibus,
vt iuribus colatitiis & restaurantibus, aliisque
bonis iusculis è veruecina, gallinaceis pullis &
capis: hordeo item mundato bene cocto, dein
colato: muliebri quoque lacte, vel si desit, asini-
no. Cubiculum meridiem spectet. In summa
humectandum est corpus, vitatis quæ exiccant,
qualia sunt vehementer purgantia, sudorifica &
diuretica omnia. Extrinsecus inungendum cor-
pus oleo amygdalarum dulcium, liliorum & vio-
larum: vt hoc modo comprimantur pori, & in-
natum calidû intus conseruetur. Partes quæ sunt
supra affectam partem, putà tota tibia ad femur
vsque, si pes æger sit, inungendæ sunt succo lum-
bricorum terrestrium ad eum modum para-
to, qui extremo hoc capite describetur. Succus
ille

ille longè optimus est, quia calefacit & humectat, aperitque simul & semel vasorum obstructions, vt eò liberius sanguis & spiritus permeent. Quòd ad partem affectam, videndum nū sola intemperies sicca proxima sit causa gangrænæ, an verò iam gangræna inuaserit. Si sola siccitas, quauis ratione humectandum est, & alliciendum alimentum in partem ægram. Quare fouenda iure tepido intestinorum, capitis & pedum veruecis, cui incocti lumbrici aliquot terrestres efficaciam addent. Deinde applicandę cucurbitulæ citra scarificationem, & dum fit attractio, tegendus locus linteo duplicato, spōgia, aut filtro intincto in iure antedicto. His continuatis vsquedum rubeat locus, illico demendæ sunt cucurbitule, simulque lintea calentia ne resoluator & euacuetur quod attractū fuerit: dein inungenda pars vnguento sequente:

℞. Olei amygdal. amarar.

synap. ana ℥ij.

succi lumbricorum terrest. ℥iiij. Misce.

Sequens deinde emplastrum applicandum:

℞. Picis liquidæ ℥vj.

farinæ lolij & lupinorum quantum satis erit ad inspissandum.

Sin gangræna iam inuaserit, & putredinem concipiat locus, duplex aut triplex sumenda erit indicatio, prout erit morborum & symptomatum complicatio. Enimuerò quia totius morbi causa est atrophia, alimentum quauis ratione attrahendum est frictionibus mediocribus (asperæ enim protinus desiccant & euacuant quod attractum est) vel linteis calidis, vel manu inuncta

oleis suprà memoratis, cucurbitis, &c.

Quia etiam iam adest putredo, hæc euacuanda est siue scarificationibus, siue hirudinibus & Ægyptiaco applicito: deinde apponendum cataplasma sequens, putredini obsistens simul & nonnihil attrahens:

℞. Farinæ lupinorum &

lolij, ana ℥ iiij.

sum. absinthij

scordij,

folior. rutæ minutim incis. vel in pulu. redact.

ana M. j.

radic. vincetoxici &

angelicæ, ana ℥ S.

piceis liquidæ quantum satis est. Fiat unguentum.

*Albucasis
lib. 1. c. 1.*

Hic, improbamus ex Albucasis doctrina cauterem actualem, quod resoluat & deficiet nimio-perè. Itaque quum erit subito inducenda eschara, applicanda erunt ruptoria, vel nouacula rescandandum est quicquid corruptum est: deindeque apponendum Ægyptiacum, & procurandus escharæ casus, velut antè monuimus. Hæc gangrænæ species planè abhorret à defensiuis, siquidem defensiua astrictione sua prohibent spiritus & alimentum à parte affecta. In desperata tamen gangræna, quæ in sphacelum degenerauit, deueniendum ad extremum remedium, membri videlicet extirpationem: tumque defensiuis est locus, ut arceantur putredinis vapores à partibus principibus.

Antequàm autem pars amputetur, necesse habet chirurgus ventura pericula prædicere, eaque

que palàm commemorare apud ægri amicos & adstantes omnes: nam etsi amputetur altiùs pars affecta ad viam vsque carnem, tamen malum serpere non desinit. Atque vt paucis dicam, gangræna omnis ex siccitate, plurimùm lethalis: vti ante dictum octauo capite.

Sedata gangræna, mundificandum & incarnandum vlcus mundificatio nostro de succo Apij, infrà cap. 15 describendo, aut melle rosato, addito paxillo aquæ vitæ & theriaces, idque citra pinguedinem vllam. Tandem incarnandum & cicatrice obducendum instar aliorum vlcera.

Succus lumbricorum terrestrium supràmemoratus variè componitur. VVierus in tractatu de Scorbuto lumbricos vsurpat cœmeteriorum pinguißimos, quos aqua primùm, deinde vino apprimè lotos minutatim incidit, & phialę indit pasta obuolutæ: hanc furno inserit cum alio pane: hócque cocto phialam simul extrahit pasta obuolutam: ac vbi refriguit, mergit in aqua, hincque mollescente pasta, ac phialam deferente, lumbrici resoluti in liquorem sese offerunt.

Preparatio succi lumbr. terr. ex VViero.

Cosmas Slotanus Illustrissimi Cleuensium, &c. principis Archichirurgus, vsurus hoc succo ad atrophiam & extenuationes particulares, aut ad gangrænam ex sicca intemperie, sumebat eosdem lumbricos, eosque vt supràmendatos collocabat in magno recipiente: deinde sat copiosum oleum amygdalarum dulcium & violarum affundebat: demum super cinere calēte resolvebat in liquorem: quo post fortem expressionem

Eiusdem succi præparatio ex Cosma Slotano.

colato utebatur. Hæc autem mihi longè præstantissima compositio videtur in siccitate particulari: quoniam hoc modo integra seruatur utraque facultas & olei & lumbricorum. Succus lumbricorum propria & peculiari vi penetrat illicò, permeâtque ad neruos & neruosa omnia, ipsâsque adeò venas & arterias, quarum tunicæ neruosa constant substantia: & eas quidem partes succus ille roborat, alit & calefacit mediocriter, tollendo quæ in iis sunt obstructions. Inest præterea compositioni huic qualitas viscosa ab oleis: cuius ratione statim atque succus penetravit, oleum poros claudit & obstruit: atque ita cohibetur innatum calidum, & intra partem affectam veluti concluditur.

CAP. XI.

Curatio secunda speciei Gangraenæ, ex alteratione videlicet vehementi per qualitatem occultam.

CAPITE quarto diximus esse aliâ gangrænæ speciem, quæ quidem ortum non ducit ex causis manifestis, intemperie videlicet calida, frigida, humida, aut sicca: verùm ex qualitate & malignitate occulta, nostrisque mentibus imperuestigabili: vnde sequitur non esse instituentam curationem solis pharmacis operantibus per qualitates manifestas, sed illis etiam quæ occultis agunt qualitatibus, siue ore sumantur, siue foris adhibeantur. In his autem excellunt Theriaca, Mithridatium, scordium, vincetoxicum, ange-

angelica, dictamnus Creticus, & succus citriorum. In hac autem gangræna summa vigilantia opus est, quia plurimum lethalis: quippe illicò appetit lædítque partes principes. Quamobrem chirurgus aggrediens ad curandam id genus gāgrænam, nec plenè compertam habens, vt sibi à calumnia præcaueat faciátque quæ decet, suæ eruditioni diffidens consulat præstantissimum aliquem medicum, aliósve doctos & in arte chirurgica plurimum exercitados.

Vbi autem intellexerit gangrænam oriundam ex qualitate occulta, illicò infundat ægroto, si stipata est aluus, clysterē lenitiuum aut suppositoria subdat, & ab illorum operatione sequentē potum propinet:

℞. Radic. angelicæ
vincetoxici, ana ℥ S.
herb. scordij,
rutæ,
dictamni, ana p. j.

Coquantur in s. q. aquæ buglossi & cardui benedicti, vt colatura redeat ad ℥ ij. In quibus dissolue

theriacis opt. ℥ j.
succu citrij ℥ S.

Æger sumto potu tegatur aliquantisper dum promoueatur sudor, vt hoc modo maligna materies à partibus principibus arceatur: foris etiā applicetur cordi epithema, quale nono cap. descripsimus. Iteretur item idē ille potus aucta imminutæue ingredientium dosi pro ægri ætate & habitudine. Quamuis autem ad singulos haustus non procedat sudor, minimè tamen is vtilis esse

desinet. Quippe huius ope materia maligna, si qua fuerit corpori ingenta, foras ad extrema detruditur procul à corde & cæteris primariis partibus: sin extrinsecus adueniat, corroborat etiam ac tuetur partes primarias, dum ab illis malignitatem arcer. Hic vehementes purgationes minimè conueniunt, vti nec phlebotomia, aut somnus diuturnior, ne fortè retrahatur venenū ad partes primarias. Quòd ad victus rationem sperctat, vitet æger cōcoctu difficilia, salita & piperata aut alioqui acria. Sorbeat cremorem hordei ritè cocti, aut iuscula ex veruecina, pullis galinaceis, aut capis, incocta copiosa borragine & acetosa. Loco vini bibat ptissanam cui borraginis, acetosæ & scordij paululum incoctum fuerit, Utatur abundè & frequenter succo citrij, tum in ptissana, tum etiam in iurulentis. Huius succi loco potest etiam vsurpari syrupus ex eodem succo paratus.

Quòd ad Topica, chirurgus summo studio debet extrahere & euacuare malignā materiem. Itaque scarificabit profundius quacunque videtur obrepere gangræna, & quantum satis sit sanguinis effluere sinet: vel adhibebit hirudines & cucurbitas: prætereaque abluet partem decoctione sequente:

℞. Radic. angelicæ
vincetoxici, ana ℥j.
lupinorum, ℥j.
scordij,
absinthij,
dictamni,
ruta, ana M.j.

Coquantur in lixiuio ad consumptionem tertiæ partis.

In t̄b duabus colaturæ dissolue
theriaces ℥ S.

succi citrij ℥ ij.

Postmodum indito scarificationum vestigiis
Ægyptiaco nostro, quod capite præcedenti de-
scripsimus, applicetur emplastrum sequens cali-
diusculum:

℥. Farinæ lup.

ferm. acris,

alliorum sub prunis coctorum, ana ℥ ij.

folior. rutæ,

scordij,

dictamni Cretensis, ana M. S.

pulu. radic. angelicæ,

vincetoxici, ana ℥ S.

theriaces opt. & mithridatij, ana ℥ j.

Cum decocto scordij fiat emplastrum in mor-
tario.

Exinde pergens chirurgus in ægri curatione,
auferat escharam, si adsit: deinde scarificet de-
nuo partem affectam ad educendum sanguinem:
& applicet cucurbitas ac hirudines: locum ab-
luat & applicet Ægyptiacum cum cataplasmate:
& in iis perseueret, donec malum superatum
fuerit. Tandem nitatur escharam remouere suc-
co porrorum, vel (quod magis placet) nouaculâ.
Exin vlcus diu apertum teneat, ex interuallis æ-
gro præbens theriacam & Mithridatium, aliâ-
que cor præseruantia, vti terram sigillatam, la-
pidem Bezoar, cornu monocerotis, cerui, &c.

Cum verò gangræna oriunda est ex materia

L ij

maligna extra corpus genita, velut à morfu venenato, aut septicis adhibitis, vnde periculum ne malignitas communicetur partibus principibus, necesse est cauterij actualis ope vrere & absumere subito quicquid eius malignitatis est particeps: aut etiam (quod magis probatur) abradì potest nouacula quicquid suspectum est, ita vt copiosus sanguis erumpat: dein adhibebitur cauter actualis. Demum abluendum erit vlcus prædicto lixiuio, tandèmq; applicandum Ægyptiacum nostrum, superimposito cataplasmate præscripto: forti quoque defensiuo arcendi sunt vapores maligni à partibus principibus. Sin gangræna orta fuerit ex materia maligna corpori ingenita, quæ ad partes externas feratur, defensiuo aut quibuscumq; astringentibus nullus est locus. Sedata gangræna, superest vt mundificetur & incarnetur vlcus mundificatiuo nostro de succo apij, aut melle rosato mixto cum pauxillo aquæ vitæ & Theriacæ: deinde cicatrice obducatur instar reliquorum vlcera.

CAP. XII.

Curatio tertiæ & vltimæ speciei Gangrænae ex spirituum interceptione.

IN huius gangrænae curatione præscriptis vniuersalibus, nempe diæta, siue vsu sex rerum non naturalium, item phlebotomia, purgationibus & cæteris pro morbi ratione & ægroti viribus, diligenter inquirenda erit causa ob quam spiritus arcentur à parte affecta, eaque si fieri possit,

possit, statim tollenda. Itaque si arctior sit ligatura, laxanda est: deinde adhibenda pharmaca resoluentia, exiccantia & incidentia quicquid ligatura illa attractum est. Tale est cataplasma è farinis lupinorum, fabarum, oroborum, & lentiũ coctis cum oxymelite, aut syrupo aceto so. Sin inualescat nihilominus ægritudo, statim scarificandus locus, & apponendæ hirudines, Ægyptiacum aliâque remedia, vti dictum est, cap. 10. in curatione gangrænæ ex intemperie calida & humida. Si in causa sit defensuum astringens aut emplastica adhibita, hæc pariter protinus auferenda sunt: deinde frictionibus moderatis & calidis reuocandum innatum calidum, aut locus fouendus forti lixiuio, cui incoquantur lupini, scordium & folia rutæ, cum pauxillo aceti sub finem addito, vt hoc modo rursus aperiantur pori & detergeatur ab emplastico medicamēto inducta viscositas.

Si sint tumores scirrhusi circa maiores arterias, venas & cætera vasa, qui spiritus ipsos arceant & inhibeant, emolliantur ij & resoluantur hoc vel simili vnguento:

℞. Pingu. gallinæ

anatis,

vr̄si, ana ʒj.

ol. liliorum albor. ʒß

succi lumbricorum ʒj.ß. Misce.

Deinde applicetur emplastrum ex muillaginibus, aut ex Ammoniaco dissoluto in æeto. At si tumor in quapiam parte sit, in qua potè possit operatio perfici, præstiterit incidere, utim: deinde separare tumorem radicitus, gatũmque

refecare, vt expeditior fit spiritibus via. Hic autem diligenter cauendū, ne attingatur aut transuersim secentur vasa: id enim aut subitam mortem, aut gangrænam insanabilem afferre posset.

Si fuerit retentio aut obstructio spirituum animalium, vt in paralyfi & spasmo accidit, neruorum origo simul cum ipsa parte affecta inungatur oleo de cera, de terebinthina, de lateribus, vulpino, costino, & succo lumbricorum terrestrium, & similibus: si prius foueris illam neruorum originem decoctione florum chamæmeli, saluiæ, roris marini, lauendulæ, maioranæ, thymi, origani, granorum iuniperi, idque è vino.

Quod si gangræna accadat coccygi aut clunibus, æger decumbet modò in dextrum, modò in sinistrum latus ad leuandam partem affectam. Sic & in tali gangræna, siue gangræna sit ex spirituum interceptione, siue ex cōtusione, siue ex alia quapiam causa, pes ita locandus & ad latus reclinandus vt ne talus offendatur. Si sit paralyfis in vesica & guttatim stillet lotium, id diligenter excipiendum est comparatis in id vasculis. Nam si tibiæ simul & semel fuerint resolutæ, vnde cogatur æger in lecto decumbere, lotium incalcescet, tandémque exulcerabit coccygem, quò deinde procliuis erit in gangrænam, vti sæpius accidisse memini.

Si causa sit luxatio, ea restituenda est, & os cohibendum loco suo fasciis & ptygmatis accommodatis: restituto verò esse, astringentia parcè adhibenda, ac potius inungenda pars succo lumbricorum terrestrium, cui addi poterit tantillum olei rosati ut myrtillorum. Si autem pars infra luxa-

luxationem sit præsicca, macilenta & extenuata, ea scarificanda, fricanda, & cetera necessaria peragenda, quæ cap. 10. declarauimus, dum de gangrænæ ex intemperie sicca curatione ageremus.

CAP. XIII.

Sphaceli curatio.

SI quantumuis sedulam chirurgi vigilantiam & adhibita remedia natura morbo succumbens ita eludat, vt desinat gangrænâ in sphacelû siue mortificationem perfectam, tûm non erit ampliùs sumenda indicatio à causis antecedētib, aut pro illarum ratione mutanda remedia. Siue enim gangrænâ orta fuerit ex intēperie calida, siue frigida, &c. sphacelus semper est idem, nempe mortificatio. Cûm igitur sphacelus (vti sæpius dictum) sit perfectâ corruptio & mortificatio substantiæ partis affectæ, vt loquitur Galenus, quæ quidem partes vicinas sensim inficit & corrumpit, fieri nequit vt ei quod plenè mortuû est & corruptum vita restituatur. Vnica igitur hæc erit curâdi sphaceli ratio, vt pars sincera conseruetur: id quod fiet applicatis defensiuis, & extirpato eo omni quod corruptum est. Ergò paulò supra aut circa partem iam emortuam applicandum erit defensiuum, quale suprâ cap. 10. Et quâuis non detur spes conseruandi quod sincerû est, defensiuum nihilominùs sedulò applicandum est, vt hoc modo vapores à putredine exhalâtes arceantur à partibus principibus. Corrupti extirpatio variis fit modis. Nonnulli sca-

Gal. com-
ment. 50.
in Aph.
Hippocr.
sect. 7.

1. *modus*
extirpandi
carnem
mortuam.

rificationi altiùs factę inter sanā partem & mortuam inspergunt puluerem ex Arsenico, vel Ægyptiacum indunt Arsenico fortificatū. At nos iam antè docuimus Arsenicum in medicamētis septicis censerī, atque dira & periculosa inferre symptomata, ac proinde alienum esse ab huius morbi curatione. Loco Asenici mirè placēt ruptoria facta ex cinere sarmentorum & calce viua: quippe illicò & indolenter profundam gignunt escharā, & cū nulla qualitate maligna sint prædita, nequaquam lædūt partes principes, vt facit Arsenicū. Hęc inserēda sunt incisionibus factis ad carnem sanam. Eschara verò facta, non est eius casus expectandus naturæ aut medicamentorum ope, sed remouenda separandaque est nouaculâ alióve instrumento idoneo. Tandem, si videat chirurgus carnem mortuam nondum penitus extirpatam, denuò applicabit vt antè ruptoria, quoad quicquid est putre à sano & sincero planè separatum sit. Alter mo-

2. *modus.*

modus extirpandi quod corruptum est caute actuali, perficitur dum vritur quicquid infectum corruptumque est, & remouetur eschara nouaculâ vel pharmacis, putà succo porrorum aliisq; antè propositis. Tertio modo ressecamus primū vna eadēque vice nouaculâ quicquid corruptum & mortuum est. idque quā proximè accedentes ad sanum & sincerum: dein caute actuali vulnus inurimus tum sistendi sanguinis gratia, tum etiā siccādarum & absumentiarum reliquiarum sanguinis & humorum corruptorum in parte affecta: postmodū aggredimur ad remouendam, vt antè, escharam. Verun-

tamen

tamen si insit parti vas aliquod, veluti arteria, aut vena, operatio tantò erit periculofior, quanto hæ grandiores fuerint. Itaque si metus est hæmorrhagiæ, præstabit cauterè potentiali & actuali operationem exequi, quàm nouaculâ, quâuis hæc ratio tutior & securior est: tum quia dum amputatur caro emortua, fit simul & semel sanguinis & corruptorum humorum euacuatio: unde pars nō nisi plurimùm leuari potest, tum quia dum primùm refecatur portio carnis corruptæ, cauter actualis altiùs penetrat, adeóque exiccat potentiùs corruptionis reliquias: contrà verò, si relinquatur caro mōrtua, cauter subitò gignet escharam durissimam, sub qua putredo manebit cōclusa citra per spirationē vllam: itaque res erit loco quam antè peiore. Hæ operationes possunt exerceri quum sphacelus inest parti corporis quam non sit necesse aut possibile totam extirpare: verbi gratia femori, clunibus & cæteris id genus partibus. At si sit in manu, pede, brachio, tibia, totumque mēbrum occupet, id vnū restat vt supremo remedio extirpentur nō solùm partes carnosæ, sed ipsum etiam os. Verùm antequàm declaremus operationis modū, videamus, quo loco tutiùs & cōmodiùs ea possit institui.

CAP. XIII.*De amputationis loco.*

DICTURIS de loco in quo amputatio facienda est, consideranda occurrit partis affectæ differentia. Quare si sphacelus sit in pede, aut tibia, operatio facienda est quatuor quinqueve

digitis infra genu, nempe sub poplite. Et si enim chirurgus tenetur quātum potest corpus quām integerrimum conseruare, tamen cū reliquis tibiæ truncus non nisi impedimento futurus sit, debet, vti diximus, fieri amputatio prope genu: sic enim æger commodiūs vtetur lignea tibia. At si sphacelus genu superârit, quām minimum sincerī resecandum quoad eius fieri poterit. Idem de manu iudiciū: in qua operatio commodē fiet ad carpi articulationem, vt tantum ē brachio conseruetur, quantum cōmodē alligandæ & aptandæ manui ferreæ sufficiat.

Porro quoniam volūt nonnulli partem resecari in ipsa carne mortua, ac corrupti etiam non nihil relinqui, ad vitandam, inquiunt, hæmorrhagiam & dolorem, ac nihilominus censent quicquid putredinis reliquum est absumentum cauterē actuali, nostram quoque super hac re sententiam afferre non abs re fuerit: præsertim cū ex hac operatione minūs rectē administrata periculum non leue impendere sit certissimum. Primū igitur videndum, num huiusmodi operatio tutō administrari possit. Ideoque reuocandum in memoriam Galeni illud, Sphacelum corruptionem esse substantiæ partis quam ipse occupat, ita vt ipsa etiā ossa labem sentiant.

*Com. 50.
sect. 9.
Aph. Hip
poc.*

Hæc cū ita sint, non sat est extrinsecus cutem conspiciari, sed quousque peruadat malum attendere, vt tota pars affecta extirpetur: alioqui futura est inutilis operatio: nempe quia corruptio ossi impressa denuo inficiet partem sanam. Aduertendum præterea quò calidiores & humidiores sunt partes, eò faciliūs eas putrescere.

re.

re. Est autem certum musculos & vasa in intimis sita partibus multò calidiora & humidiora esse, quàm sit cutis extima, ac proinde putredini & corruptioni magis obnoxia. Hinc sequitur corruptionem & putredinem altiore esse sepe numero in ima parte, quàm foris in summa cute appareat. Itaque si iuxta id quod apparet operationem tuam administraueris, frustra ægrum cruciabis, dum carnis emortuæ plurimum in ima parte relinques. Quoad hæmorrhagiam, ea non magnopere pertimescenda, si partem ad ipsam carnem emortuam resecueris. Verùm hîc intelligendum est, ex præstantissimorum quorundam chirurgorum sententia, operatione facta sanguinis quantitatem aliquam sinendam effluere: neque id abs re. Enimvero sanguis putredini siue carni mortuæ contiguus, cum iam quodammodo corruptionem conceperit, non nisi nocere potest, quandiu in parte moratur: imò nisi sufficienter euacuatus fuerit, paucis post operationem diebus gangræna rursus truncum inuadit, aut saltem inflammatio phlegmonéve aut dolor, & cætera grauia symptomata superuenient: quæ vt vites, sinèdus effluere aliquantus sanguis pro ægri virium ratione. Hæ tamen si nequeant sanguinis illam euacuationem ferre, chirurgus facillè sistet hæmorrhagiam, etiam si partem amputarit altiùs intra carnem sanam: nempe si arctissimè constringat locum quod superligatur parti cui ferra adigenda est. Sic enim venarum & arteriarum vasa ita constringuntur, vt vix tres quatuorve sanguinis vnciæ in amputanda tibia pereant, modò chi-

rurgus industriè sese gesserit. Tamen etiam si paulò plus pereat, non est existimandum supernè omnè prodire, sed partem etiam ex ipsa parte amputata manare, quæ quidem protinus quicquid continebatur sanguinis regurgitat.

Quod ad dolorem, intelligendum est arcta ligatura chirurgis vsitata, spiritû animalempediri quominus vigeat in parte affecta, adeoque hanc veluti obstupescere, propterea quæ novacula optima priùs sectionem absolui, quàm æger ipse animaduerterit. At ubi os ferrâ rescandendum venit, tûm acutissimi percipiuntur dolores, non quidem ossis ratione quod insensile est, sed ipsius periostij quod est acutissimo sensu præditum. Vt igitur operatio fieret citra dolorem, necesse foret totam partem ita corruptam esse, ut illi etiam membranæ corruptio communicaretur. Id si ita haberet, annò, quæso, & ipsum os tali imbutum esset corruptione, & caro ossi adhærens itidem corrupta, putris & emortua multò profundius quàm extimam cutem spectanti videretur? cùm caro illa ossi vicina proclivior sit ad corruptionem, quàm quæ cuti proxima, sicut antè monuimus. Sic autem inutilis foret operatio, cùm reliqua corruptio nunquam possit caute corrigi. Isti autem dum vitare dolorem nituntur, eundem duplo videntur augere. Vbi enim tantum emortuæ carnis absuendum est, quantum relinqui volunt, vix satisfacient duo trêsvæ cauteræ, imò etiam quinque sexvæ cum ardentissimo igni desiderabuntur usque dum inquam eos percipiat æger: alioqui irritus labor. Cæterùm summo cauteriorum ardo-

re liquantur adeps ac reliqui humores, imò & effervescunt atque ita vruntur & immodicè incallescunt partes sentientes, quales sunt nervi, tendones & pāniculi, vnde acutissimus dolor: & (quod maius est) vehementi horum cauterum vltione gignitur eschara siue crusta durissima & densa, quæ malignorum & putridorum vaporum exhalationem inhibet: vnde fit verisimile eos ad partes principes ferri. Neque enim sic possunt omnia cauteri exiccari, quin remaneat aliquantum nouæ quasi corruptionis fermentum, dum eschara putrescit. Præterea carne mortua sic absumta, cutéque cauterum vi contracta & corrugata, magna ossis eminentia relinquitur, ac fortè talis quæ ferræ opus denuo flagitet. At enimuerò si perpetuò incidenda pars in carne mortua, quid fiet in pedis sphacelo? nunquid magna tibiæ portio tibi relinquenda erit, aut expectandum dum corruptio aut putredo altius peruaserit? Hoc autem ægro erit periculosissimum, illud eidem molestum ac laboriosum. Concludemus igitur ex

Cor. Celsi
lib. 7. c. 33.

Aët. lib.
14. c. 33.

Guido
tract. 6.
doctr. 1. c. 8.

Leonh.
Fuchsi de
med. mor.
lib. 5. c. 5.

Petrus
Francus
lib. de her.
nys c. 95.
c. 103.

Galen. de arte cur. ad Glau. lib. 2. c. 9. linquitur. Quòd ad Galeni doctrinam attinet, ea videtur pugnare cum Celsi & cōplurium recentiorum vsitata praxi. Verùm intelligendum est

Galenum spectasse quod præcipuum est potius, quàm quæ ex eo consequuntur. Quia ergò putredo semper altior est in ima parte, ceu calidior simul & humidior, vt antè docuimus, noluit Galenus inchoari amputationē extrinsecus à mali radice, ita vt relinquatur præcipua radix & putredo in ima parte, nimirū inter musculos & vasa: ibi enim vera putrefactionis radix, nō itē foris in cute. Vt igitur tollatur radix illa, necesse est sinceri aliquid refecari, idq; extrinsecus. Hinc patet non pugnare Galenum cum Celso & aliis quos antè citauimus.

Quòd spectat ad eam quæstionem quæ proponitur, liceátne membra sphacelo affecta in ipsa articulatione amputare, necne: tum mea, tū & aliorum quorū operationib. interfui experientia fretus, affirmare ausim in articulatione fieri amputationē minori cum dolore & citra periculū. Minore quidem cum dolore: quia nunquam tam præcisè amputes & separes neruorum & membranarū portiones, quin aliquatenus ferra in eas incidat, easq; diuellat cum vehementissimo egri cruciatu. Citra periculū verò, quia nerui & tendones penitus abscissi sursum cōtrahuntur eoque caro operit: vnde nec spasmi nec aliūs symptomatis vllius metus est. At hīc rursus pro partis affectæ differentia administrāda operatio, Nā si malum sit in pede aut tibia, incisio faciēda circa poplitem, vt eò cōmodius aptetur ægro lignea tibia. Sin sphacelus poplitem superarit, in ipsa

ipſa genu articulatione incifio facienda veniet.

CAP. XV.

Amputandi membri ratio.

ANTE amputationem, niſi vehementiùs
 vrgeat morbus, præſcribenda ægro vni-
 uerſalia remedia, nempe victus ratio, purgatio,
 phlebotomia, cordis roboratio, & cætera quæ
 neceſſaria videbuntur. Quare ſi æger eſt iuuenis,
 validus & plethoricus, parum alendus, leniente
 pharmaco purgandus, deindèque ſecanda illi ve-
 na. Cõtrà ſi debilis is ſit, liberaliùs alendus eſt ci-
 bis cõcoctu facilibus, citra phlebotomiã. Dein-
 de vbi roboratum fuerit cor epithemate, quale
 cap. 9. præſcriptũ eſt, ac vbi exhibita fuerint oua
 recentia & panis toſti vino intincti buccella, ſi-
 quidem amputanda eſt tibia, collocandus æger
 ſuper ſcãno, quò firmior maneat tibia. Tũm chi-
 rurgus ſurſum retrahet muſculos & cutim: arctiſ-
 ſimoque vinculo partem ſanã conſtringet paulò
 ſupra locum amputandum: erit id vinculum è te-
 nui redimiculo, cuiuſmodi illud eſt quo mu-
 lieres ad religandos nodandõſque ſuos crines vti
 cõſueuerũt. Vſus ligatura duplex. Primũ enim
 ita comprimet venas & arterias, vt non metuẽda
 ſit hæmorrhagia. Deinde compreſſione ſua in-
 hibebit ſpiritum animale, quominùs per ner-
 uos deferatur: vnde reddetur pars quaſi ſtupida
 adeoque incifione faciliùs perferet. Guido vult *Guido de*
 vinculum alterũ adhiberi parti emortuæ, vt in- *Caul. 17a.*
 ter duo illa fiat incifio: nec malè fortaffis. Cũ *6. doct. 1o.*
 enim adſtantes terreantur hæmorrhagia ſeu ſan- *cap. 8.*

guinis eruptione , quæ sæpius chirurgum calumniandi occasionem præbet: huiusmodi ligatura coercetur sanguis intra vasa partis emortuæ , ne tam copiosus diffluat. Alij supra genu vinculum adhibent, si sit amputanda tibia circa poplitem, aut sub cubito, si sit incidenda manus ad carpum: vt sit, inquiunt, obscurior sensus. At præterquàm quòd nerui sunt ibi profundius sit, quàm vt eos ligatura valeat comprimere, cõtunduntur sæpius istiusmodi compressione partes musculosæ, & noua fit spirituum interceptio. Arcta ligatura sic facta, chirurgus ad extremum scamnum locabit tibiam, ita vt illius extremitas perueniat infra genu : tum fascia alligabit genu scamno, nequà fortè dimoueat. Insuper & habebit scabellum eiusdem cum scamno altitudinis , supra quod pedem ac tibiæ quoque reliquũ collocabit , similiter alligās ipsum etiam pedem scabello. Præter hæc, statu & pone egri humeros robustum aliquẽ iuuenem etiã alterum: qui amplectatur cum ipso genu scamnum: tertium qui pedem cum scabello contineat. Ita firmiter continebitur pars, eoque agilius operabitur chirurgus, nec serra vsquã implicabitur : quod vbi accidit , cruciatur æger & adstantium calumniam chirurgus incurrit. His peractis, nouacula probè exacuta aut alio quouis cultro incuruo incidet carnẽ ad os vsque, separans simul & semel perostium , quoad eius fieri poterit. Si duo sint ossa parallela, veluti infra genu, & supra carpũ, cultro incuruo & acuminato separanda est caro intermedia, ne quod serræ obstaculum occurrat. Tandem serra resecabit os quanta poterit agilitate & dexte-

dexteritate: ac vbi sanguinem effluere siuerit pro ratione plenitudinis ac viriū ægri, cauterio vasa inuret ad sistendum sanguinem, ipsūque etiam os quo citiūs excidant eius fragmenta. Demum soluet vinculū quod est supra incisionem, & applicabit pygmaton è stuppis intinctum prius oxycrato, dein ouorum albuminibus, & aspersum puluere sequenti plurimo:

℞. Far. volatil. ℥vj. sang. drac. thuris, aloës, *Puluis ad sistendum sanguinis profluum.*
ana ℥β. boli Arm. terræ sigillatę, gypsi, ana ℥ij.
ranar. aquatil. præparat. (mirificè enim & proprietate quadam occulta sanguinem sistunt) ℥ij.
pil. leporis minutiss. incisorum, spongię nouę torrefactę, ana ℥β. Misce. Fiat puluis subtilissimus. Postea defensiuo circa truncum applicito ipsum reuinciet fasciis intinctis in oxycrato: nec mutabit hunc apparatus ante secundum tertiumve diem, si æstas fuerit, aut quartū quintūue, si hyems.

Defensiuum tale fuerit, quale descriptum est *Defensiuum.*
cap. 10. aut etiam huiusmodi:

℞. boli Armen. sangu. draconis, mastiches, gypsi, ana ℥j. olei rosati, myrtini, ana ℥j. album. ouorum nu. 2. aceti q. s. Fiat vnguentum in mortario.

Nōnulli quò securiūs præcaueatur hæmorrhagia, ligaturę solutionem differunt in secundum apparatus. At hoc nonnisi cum egri damno fieri potest, quoniam vinculum illud magnos excitat dolores, attractionemque promouet sanguinis atque humorum, qui accensi tandem in parte suppurantur: vnde noua prauorum symptomatum occasio.

Quarto quintove die ablato apparatu primo, rursus apponēda sūt vasis pygmatia è stuppis intinctis in albuminib⁹ ouorū cū puluere memorato: ipsi vero ossi linamēta cōcerpta arida: tandē contegetur vulnus digestiuo sequēte aut simili:

℞. Tereb. lotæ in aqua plantag. ℥ iij. olei rosati ℥ β. vitellum vnus oui, croci ℥ j. Misce.

Neque verò mutabuntur hæc remedia ante digestionē factam, imprimis defensionum: aspergēturque vasis puluis ille, quoad non sit ampliùs ab hæmorrhagia periculū. Tūm remoto digestiuo, detergebitor vlcus mūdificatiuo nostro de succo apij, cuiusmodi infrà extremo hoc capite: aut etiam sequente:

℞. Terebinth. lotæ in vino ℥ vj. Pulu. radic. Aristol. rotundæ, Iridis Flor. far. hordei, ana ℥ iiij. mellis rosati ℥ iij. aquæ vitæ ℥ j. Theriacis ℥ ij. Misce: fiat mundificatiuum.

Interim nitendum deorsum retrahere cutem ac musculos qui sursum attracti fuerant, vt paulatim denuò contegant ossium incisorum extrema, vtque post cicatricem inductam cutis ea & ipsi muscoli puluini instar extremis illis ossibus substernantur. Quamobrem solent nonnulli decussatim ipsa vulneris labia suere statim ab ipsa operatione, sicque cutem & carnem appropinquant. At id quantumuis expeditè fiat & indurriè, tamen non sine aliquanta sanguinis profusione accidere potest. Præterea intumescens vulneris labris donec digestio facta sit, sutura laxatur, adeoque cutim lacerat. Hæc vt vitentur incommoda, placet adhiberi futuram quam vocant siccam hunc in modum: Linteum induco
em-

plastro sequente, idque trunco circumpono, ad ipsas videlicet oras vulneris :

℞. Farinæ volat. ℥ j. mastiches, thuris, sanguinis drac. rosar. rub. gummi tragac. ana ℥ ij. Misce cum albuminib. ouorum.

Siccato emplastro & tenacissimè hærente, acum filo traiectam infero, sicque vulneris labra nihilo seciùs appropinquo, quàm si ipsam cutem & carnem perforassem. Tandem dum curatur vulnus, procurandus casus extremorum ossium, quæ aëris & ferre contactu alterata fuerint, aspersis puluerib. catagmaticis, cuiusmodi hic fuerit:

℞. Radic. Aristol. rotundæ, peucedani, iridis Flor. corticum pini, ana ℥ β. Misce.

Euphorbium quoque (etsi genuino & legitimo Dioscoridis caremus) separat & deturbat ossium cariosorum fragmenta, velut & emplastrum è Betonica. Neque verò maiore vi extrahenda illa extrema, fragmentave ossis, sed interdum concutienda leuiter: reliquum naturæ & pharmacis permittendum. Non est interim expectandus horum casus ante trigessimū vel quadagesimum diem ab amputatione. Est & excrescens in trunco ipso caro coërcēda puluere aluminis vsti: deinde inducenda cicatrix emplastro palmeo, de cerusa cocta, vngu. desiccat. rubro, diapompholygos, & similibus.

*Dioscor.
lib. 3. c. 8.*

Ad mitigandum dolorem & conuulsiones, quæ vt plurimū operationi superueniunt, tum quòd nerui secti retrahuntur ad suam originem, tum quòd spiritus animalis obstructa via regrediens punctorios nonnihil & conuulsiuos dolores excitat, inungenda est tota pars, imò e-

tiam ceruix vnguento sequente:

℞. Olei saluiæ, aneth. cham. vulpini succi lumbric. VVieri, ana ℥ ij. olei terebinth. ℥ j β axung. humanę ℥ j. croci ℥ j. aquæ vitæ ℥ ij. Misce: fiat linimentum.

Ambros.
Paræus
lib. 12. ca.
36.

Hic Ambrosius Paræus plurimùm laudat vnguentum sequens, maximè efficax contra spasmus, paralyfin, stuporem, contorsiones, distensiones & cæteros, præsertim neruorum, affectus ex causa frigida ortos.

℞. Saluiæ, chamæpityos, maioranæ, rorismarini, rutæ, lauendulæ, ana m. j. flor. chamæm. melilori, summ. anethi & hyperici, ana P. ij. baccarum lauri & iuniperi, ana ℥ ij. radic. pyreth. ℥ ij. mastiches, assæ odoratæ, ana ℥ j β. terebin. Venetæ lb j. olei lumbricorum, aneth. & cattellorum, ana ℥ vj. olei terebinth. ℥ iij. axungię humanæ ℥ ij. croci ℥ j. vini albi odoriferi lb j. ceræ quantum satis sit.

Contundenda contundantur: pulueranda puluerentur. Postea coquantur cum oleis & axungia prædictis in vase duplici. Fiat linimentum secundum artem. Adde in fine aquæ vitæ ℥ iij.

Sunt qui ægro ante operationem soporiferum aliquod præbeant, ut minùs sentiat dolorem. At

Guido de nos ex boni Guidonis de Caul. sententia abstinemus. Quippe ista narcotica perquam periculosa sunt propter grauissima quæ inducunt symptomata, imò & mortem. Quare de iis agere supersedebam. Mundificatiuum nostrum de succo apij ad mundificanda & incarnanda gangręne vlcera, aliæque sordida & maligna, sic præparatur:

℞. succi apij, seordij, arnoglossæ maioris, rutæ,

ta, ana ℥ iiij. mellis rosati ℥ j.

Coquantur ad consistentiam syrupi: tùm admisce far. lupin. pulu. radic. aristol. rotunda, angelicæ, vincetoxici, theriaces, ana ℥ β. aquæ vitæ ℥ j. Misce. Fiat vnguentum, quod seruetur in vase vitreo.

CAP. XVI.

Ægri à precedente curatione victus ratio.

NEc verò in curatione tātū cautā esse debet ægri diætā, verumetiam, si fauēte Deo liberatus fuerit à tā dira & funestra lue, aliquantisper sibi temperabit laudabili victu cōtentus, omnem intemperātiā seu in potu, seu etiam in cibo vitabit, multò magis quam antehac sobrietati studebit, quandoquidem imminuto corpore non tantū alimenti desideratur. Si fuerit iuuenis quispiam robustus & sanguine copioso præditus, purgabitur interdum & venam malleoli tūdendam curabit. Plurimū enim quibus amputatum est brachium vel crus accidit, vt dum natura de more trāsmittit sanguinē alimentarium, vt ante solebat, is obstructa via cogatur sursum regurgitare, & inflammare partes intimas, hepar nimirum, pulmones, diaphragma & cæteras id genus partes. His igitur vt occurras, præter vitæ cōtinentiam, purgandum est corpus, & aperienda vena interna malleoli, vt non solū humores & sanguis depleātur, sed deorsum trahantur & à partibus principibus deriuentur. Hīc porrò Venus nocentissima: in ipsa quidem curatione le-

*Observa-
tio.*

thalis, & multis etiã pòst diebus planè periculo-
sa. Eiuscerei fidem faciet historia memorabilis
nobilis cuiusdam, cui Cosmas Slotanus experiē-
tissimus Chirurgus Valentiaë læuam amputarat,
ex ictu sclopeti inflicto contusam. Ægrotanti
iuueni voluptatib. dedito disertè interdictum
erat ab vxoris congressu: at is vulnere propemo-
dum persanato, & sedatis symptomatis omnibus
eam interpellauit, qua renuente propter seria
Slotani monita, ipse emisit sperma citra coitum:
atque hinc recidit protinùs in febrim, deliria,
spasmos, aliáq; grauias symptomata, tandémque
obiit quarto pòst die. Ex his intelligimus,
quàm infesta sit Venus neruis & neruo-
rum vulneribus æquè ac capitis
& articulorum affe-
ctibus.

FINIS.





O D E

IOAN. RHETERII GEN.

Ad

GVLIELMVM FABRICIVM

HILDANVM CHIRVRGVM

Mense Februario 1598.

Hildane, à patrio solo:
 (Nam te Fabricium tempero dicere
 Detrito malè nomine)

Nunc cum limen amat ianua, nunc agè
 Dicamus calidè ad focum

Obstipi, niuis in mole volatili
 Quantam non memorant senes:
 Quid tantùm properas te gelido solo
 Longis addere tractibus,

Quò mî saepe negat casta virum Venus
 Incitare, suis timens

Mater molliculis prouida amoribus?
 En lactens, oculi tui,

Blandus Ianiculus, quàm citò diffuat,
 Maio rore tenerior,

Patrino procul à Paone nobili
 Natiuum fugiens larem!

Natura poteris vincula scilicet
 Numen distrahere alterum:

Aut ipsum temerabis stolidè Iouem,
 Postquàm fulmineus gigan-
 tum victor placidè regna tenet potens.

Cæpti desine: vel mihi

Si non certa fides, consulito tuam,

Quæ sacro numero legens

Annos nunc puera scit verecunda, Si-
byllam vaticinam tibi:

Neu celum, ast animum quære nouum, præcor.

Quin illi Tanaim bibant

Extremum, Oceani flexibiles gyro,

Quos fallunt gemini poli

Axes, & diameter pedis ad pedem.

Hac tu sede sedens, tuum

Lustrato $\mu\iota\kappa\rho\rho\acute{o}\sigma\mu\omicron\nu$ Podalirius

Noster, tuus ac tibi

Nobisque utiliùs: publica cùm vagum

Merces detineat libens.

Curta namque aliquid semper abest rei,

Quo te cunque feras, nisi

Ditet sese animus diuitiis suis.

Pergis propositi tenax

Insigni à Rhodano, & velinolo lacu

Hildanumque redux tuum,

Dilectamque salutare Coloniam?

Non ultra laterem lauo,

Sed me, eheu, lacrymis quas ferus exprimis.

At ne dissidium loci

Fraternos animos diuidat, hoc vide.

Quin ut mistus adest labos,

Sic mistum caleat perpetuò iecur.

